

XXIII

OTECA NAZ.  
orio Emanuele III

XIII

D

77  
NAPOLI

E 20

S.

77.

202  
2  
15

~~2012~~

1890

1890



DE RERVM  
VNIVERSITATE  
DISPVATIO.

Quam iuxta Peripateticorum placita explicauit, &  
publicè ad discutiendum proposuit,

IO. FRANCISCKS SCALIA

IO. FILIVS.

*Ad Illustrissimum, & Excellentissimum*

MARCH. AMBROSIVM  
SPINVLAM.

Catholicæ Militiæ in Belgio cum summo Imperio  
Præfectum &c.

*ex B. Jenerini*



*et Ioh. de Neap.*

MEDIOLANI,

Apud Hæc. Pacifici Pontij, & Ioan. Baptistam Piccalcum  
Impressores Archiepiscopales. MDCVII.

*ex B. Jenerini de Neap. de Neap.*

**Imprimatur.**

**F. Aloysius Bariola Augustinianus Consultor S.  
Offitij pro Reuerendissimo Inquire.**

**Aloysius Bosius Canon. Ordinarius Theologus  
pro Illustriss. Card. Archiepiscopo.**

**Vidit Saccus pro Excellentissimo Senatu.**

IN APOSTOLICA

LIBRARIIS



*Incomparabilis virtutis, & fortuna Duci Excellentissi. March.*

# A M B R O S I O S P I N V L Æ

*AVREI VELLERIS EQVITI*

*Regijs copijs in Belgia cum summo Imperio*

*Prefecto, & Sacra Cathol. Maieft.*

*Philippi Tertij.*

*In suprema rerum administratione intimo  
Consiliario.*



**Io. Franciscus Scalia . F.**



*Ommodum hac te mea Phylsophia  
Bellicosissime vir, interpellat: Pa-  
tis enim cum hoste tantisper indu-  
cys, & tu eam facile per otium ad-  
mittes, nec horrebit illa strepitum  
armorum tuorum. Quamquam ne in ipso quidem*

★

2

*Belli*

Belli tumultu , aut timida fuisset , aut importuna :  
Nam Hercules mundi metus Musarum corona  
circumseptus dicitur ; Pallas Phylosophia Dea colitur  
armata ; Achillis ferocia Nestoris sapientia  
temperatur . Potuisses igitur etiam tu lorycatus  
complecti Phylosophiam : sed tamen ego felicitati  
adscribo meæ , quòd te penè offenderim exarmatum.  
Nam auspicia illa tua fortunatissima , quorum hoc  
tempore militia perexiguus est usus , tota mea esse ,  
mihique in hac ingeniorum palastra decertaturo  
omnia lata , ac prospera polliceri existimabo . Est in  
te scientia rei militaris , robur , auctoritas , omnes Imperatoris  
absolutæ , perfectæque virtutes : sed est etiam ,  
qua chorum ducere videtur , virtutibus istis penè di-  
uinitus adiuncta fortuna . Hanc de se ipso præstare  
nemo potest ; sed tamen qui Dei beneficio sit as-  
sequutus , ab eo nos opem petimus , velut ab homine  
humano ipso fastigio celsiore . Noui ego quàm exi-  
gua mihi præsidia sint ad feliciter in hac arena dis-  
micandum : ab ætate vix sextum supra decimum  
annum delibo ; ab ingenio , quid sperem , non vi-  
deo : in exercitatione , ac studio , quod triennium à  
me positum est , illud tyrocinium fuit : quò magis mi-  
hi necesse est adspirare fortunam istam , qua sco-  
pulis inaccessas euerit arces , qua gentes bello in-  
superabiles domat , qua victoriam terra , marique  
cir-



*circumfert . Patieris igitur à me in tanto gloria, ingenijque discrimine nomen tuum implorari , ut spei plenius descendam in hac Olympia, Lauream istius felicitatis auspicio questurus . Vale.*





Adeundem Excellentissi.  
Marchionem .

**H**orrida dum cessant Martis sibi bella Cruenti,  
Et Bataunum exitio tantula pacta mora est:  
Inclute Dux, Ligurum quo se nunc gloria Caelo  
Tollit: & ingentis nominis aquat Aenos:  
Verte huc victrices oculos, ubi praelia feruent  
Palladius, & docto pulvere pugna calet:  
Auspice te hostiles verterunt terga phalanges,  
Arcium & arata disiluerunt fores  
Quid Duce te timeam? cedam e certamine victor,  
Quo Duce vel victus vincere quisque potest.



*Dottissimo, & Nobilissimo Iuueni*

**AUGVSTINO PALLAVICINO**

**FRANCISCI FILIO.**



*Io. Franciscus Scalia. S.*



**Q**UOD plerumque facere solent, ex longinquo itinere tandem patriæ incolumes restituti: vt post carorum oscula, & amplexus, otiose suis spectanda proponant, & vno iniectu oculorum breui tabella descripta contemplanda ingentia illa terrarum, marisque spatia, quæ ipsi diuturno tempore & immensis cum laboribus peragrarunt: itidem ego feci Augustine ornatissime: Naturæ Theatrū, cui lustrandæ hoc triennio operam posui, sub vna veli reductione pariter secundum totam magnitudinē suam dispiciendum exhibui: Opus arduum, & infinitum, & facundiæ minime capax: nullibi tamen, & a nullo iustior venia speratur: si enim (vt inquit ille) hominem genitum minime mirum est non omnia humana nouisse; quanto minus vix hominem, & pene puerum? sed damnabit fortasse quispiam ingentes ausus impares viribus non adultis: verum generosa vora licet exitu fallente frustrata, quisquis benignus amplectitur, probabit opinor viriles conatus lætis quamuis successibus destitutos. Nam in magnis voluisse solū, etiā non assequutis, abunde pulchrum, & magnificum est. Raro labuntur, qui sensim incedunt, cum currentibus pronus sit lapsus: sed illis non labētibus nulla laus: istis nonnulla etiam si labantur. Quidquid tamen hic nimis audendo peccaui: certe illud nemo prudentissime deliberatum inficiabitur, quod patronum mihi potissimum delegerim nouum illud Italici nominis decus, Ambrosium Spinulam Auunculum tuum: quem nunc iam non singulæ Vrbes; sed ipsæ integræ prouintię prædicant salutis auctorem, & vindicem libertatis agnoscunt. Quid enim dubitem oppugnatorem agmina ipsius vel solo audito nomine difflanda, cuius ductu toties disiectæ inimicorum Christiani nominis armatæ acies: cuius auspicijs tot capta oppida, tot expu-

expugnatz arces, tot præfenti excidio amicæ vrbes oppoſtuno ſubſidio liberatz. Viuat ille diu ſuorum gloriæ, & hoſtium terrori; & habebit ætas noſtra ſuos Cæſares, ſuos Pompeios: Quos ille nobis magnitudine cogitationum repræſentat, & geſtis propè æquat; celeritate bellandi Cæſari ſimillimus; patientia periculorum Magno Alexandro, ſed ſobrio: Pompeio feſtinatis honoribus; vt olim ille, ſic nunc ipſe Imperator prius creatus, quam miles. Fateor tamen eius abſentiam mihi hoc tempore perincommodam, & omnino præter vota accidiffe: Sed ex magna luce etiam in longinqua lumen emittitur; & vires Aſtrorum in ipſa vſque terræ viſcera diſſuaduntur: Tantus eſt ille, vt poſſit etiam longe diſiunctus noctem meam vincere. Nam & ſol aliquando ſub nubibus latens, & non viſus tenebras diſcutit, & humani nubila animi ſerenat. Interim tamen dum ille abeſt, tuum erit, Auguſtine doctiſſime, hoc qualecumque eſt obſervantiæ meæ pignus illi conciliare; & illius abſentis mihi vices implere: Quod præſtabis maxime, ſi patrocinium meum ſuſceperis aduerſus eos, qui nullibi magis ſunt, quam in aliorum obſectatione diſerti; qui cum oderint ipſi peſſimè bonas artes, illarum amatores florere nec æquis oculis aſpiciunt, nec æquis animis patiuntur. Spondent omnia dete mihi, ſtudium in te meum, amor in me tuus, quo me iam inde à primis annis artiſſimè, & familiariſſimè diligis, nec tamen vincis: ſpondet Phyloſophia ipſa, cui tu hoc tempore, hac ingenij præſtantia, hoc tanto ſplendore generis, his ſummis animi, & corporis dotibus tantum lucis attuliſti, vt cum alios Phyloſophia ipſa ornet, tu potius Phyloſophiæ ſis decus, & ornamentum. Vale.


Mediolani Kal. Septembris 1607.



# DE R E R V M VNIVERSITATE.



TOTIVS DISPVTATIONIS RATIO,  
& diuifio.

1  VNDI contemplatio tripartitò diuiditur: alia enim circa ipfum verfatür vniuerfim fumptum; alia circa illius rectorem, & opificem; alia circa illius partes, & ea, quæ in ipfo fiunt, & degunt.

2 MVNDVS ipfe in vniuerfum confiderandus eft, primò quoad fuum ortum tum quem habuit, tum quem habere potuit ab eo diflimilem, quem fortitus eft; deinde quoad fuam vnitatem, vtrum vnus fit, vel multiplex: & fi vnus, an multiplicari poffit; tum quoad fuas quatuor cauffas, efficientem, formalem, materialem, & finalem; denique quoad fuas proprietates.

3 MVNDI opifex Deus leuiter nobis dumtaxat eft adumbrandus, quatenus folum ex eius opificio ad illum tantum tenuiter cognofcendum poffumus afurgere, non vt fciamus, quid fit proprie in fe; fed vt non ignoremus an fit, & quid non fit. Itaque tota hæc de diuina natura quæftio tribus abfoluetur,

A ex-

- 2 explicatione nimirum eius existentiae; deinde quidditatis, tertio proprietatum.
- 4 MAGIS late patet Mundi partium consideratio, & eorum, quæ in ipso sunt; quæ omnia nobis prius sunt considerata in vniuersum in eo, quò conueniunt; tum in ijs, quibus discrepant, singula seorsim, & seiuncta sunt inuicem.
- 5 CONVENIUNT in hoc omnia, quòd sunt corpora naturalia, & mobilia: corpus igitur naturale nobis prius est considerandum, tum quoad suam quidditatem; tum quoad principia, & causas; tum denique quoad suas proprietates.
- 6 QUIDDITAS naturalis corporis pendet ex cognitione naturæ, quæ ipsum constituit, hæc ut certa scientia comprehendatur, ab eius æmula Arte est disiungenda; vtriusque igitur Naturæ, & Artis cognitio est prius tradenda.
- 7 PRINCIPIA vero, & Causæ naturalis corporis prius nobis generatim sunt explicandæ quoad ea, quæ competunt rationi principij, & causæ in vniuersum; deinde in particulari de vnoquoque est exponendum, & singularum causarum natura aperienda.
- 8 PROPRIETATES, quæ conueniunt corpori mobili, & naturali, & nullo non in corpore infunt, sunt illæ notissimæ, Motus, quantitas, figura, locus, situs, & tempus; quorum explicatione finitur contemplatio de corpore naturali vniuersè sumpto, quam Arist. primis 8. lib. phis. complexus est.
- 9 PRIMA pars Mundi, & species naturalis corporis

poris est Cœlum, cuius nobis consideranda existētia, essentia, & proprietates: ex his præcipue, motus, lux, actio, moles, figura, pelluciditas, de quibus Arist. in 4. lib. de Cœlo.

- 10 SECUNDA pars mundi sunt elementa, quorū numerus exacte tradendus, collocatio in vniuerso explicanda, essentia singulorum, & proprietates definiendæ, tum in ordine ad vniuersum constituendum, quod maximè præstant qualitatibus mouentibus; tū ad illud replendum, & nouis fœtibus locupletandū, quod faciunt qualitatibus agentibus.
- 11 QVÆ sunt in Mundo, alia sunt mixta imperfecta, vt meteorologica; alia perfecta, vt metalla, lapides; alia insuper animata, & ex his alia sola anima vegetante prædita, vt plantæ; alia etiam sentiente, vt bruta; alia denique anima intelligente, vt homines, quibus operosius hic Mundi, & rerum omnium apparatus inferuit.
- 12 HORVM omnium exacta cognitio tradenda proprijs cuiusque causis præsertim intrinsecis explicatis: præcipue autem nobis in forma mixti, & anima erit insistendum.
- 13 HOMO ipse, Mundus minor, Mundi maioris incola miracula omnia exiguo ambitu in seipso complexus, & ideo maximum ipse naturæ Miraculum, vltimo loco nobis erit contemplandus; cum ad eius nobis naturam explicandam aliorum omnium cognitio sit ordinata, sicut imperfectum ad perfectum cognoscendum ducit, & pars ad totum.

#### 4 DISPUTATIONIS DIVISIO.

14 ILLIVS, dum de perfectione ageretur, explicabitur natura scientiæ, & philosophiæ diuisio tradetur, cuius ipse adminiculo, horum omnium, quæ in mundo sunt, & ipsius Mundi naturam intelligentia comprehendit; qua ex cognitione, quantum solius naturæ viribus fieri potest, secundum Aristot. placita perficitur.

15 DENIQUE in his omnibus explicandis ratio seruata à nobis Methodi duplex est; altera ducta à rebus ipsis; altera à modo eas explicandi. Prima ratio explicat, cur prius de vna re egerimus, quàm de alia; secunda, cur in cuiusq; explicatione hoc ordine processerimus.

16 PRIUS enim de Mundo, quàm de partibus Mundi; prius de his, quàm de alijs, quæ sunt in Mundo, exponendum duximus; quia innata nobis est via secundum Aristot. à notiorib. ad magis ignota: notiora autem nobis sunt magis confusa; hæc autem sunt, quæ per modum totius se nobis obijciunt; totum autem quid mundus est: prius igitur ab ipso vti à re notissima fuit exordium, & via diuisiua ad alia progrediendum.

17 IN singulis autem explicandis hoc ordine progressi sumus, quia primò cuiusque existentia; deinde essentia; terriò proprietates sunt explicandæ: nam iuxta Aristot. præscriptum prius de vnoquoq; tradendum est an sit; deinde quid, & propter quid sit; tum quale sit: ad quæsitum, an sit, spectat existentia, vnitas, collocatio cuiusq;: ad quæsitum, quid sit, explicatio



*M V N D V S.*

plificatio essentia, quæ cum ex quatuor causarum explanatione compleatur, habet adiunctum quæsitum, propter quid sit; ad quæsitum verò, quale sit, explicatio spectat proprietatum.

*D E M V N D O*

*Cap. Primum.*

18 **A** SPECTABILEM hanc rerum vniuersitatem, latinis ab eximia operis elegantia mundum, græcis aptissimè ab ornatu Plin lib. 2.  
c. 1.  
Plato in Ti-  
mao. κόσμον appellatam, Aristoteles etià nomine Totius, & Vniuersi, & Perfecti, eò quod omnia continet, nuncupauit. Ar. 1. cosm.  
96.

19 **CONSTAT** mundus ex omnibus, quæ vsquam sunt, rectissimo ordine inter se, & ad vnum aliquod collocatis; non ita tamen, vt propriè loquendo partes illius omnia sint censenda; alia enim ad mundum spectant, quia sunt partes illius, vt simplicia corpora; alia, quia illi præsent, & adsunt, vt intelligentiæ; alia, quia complent, & instruunt, vt mixtorum, & animantium species; alia deniq; quia incolunt, & inhabitant, vt homines.

20 **IGITUR** Mundus vnum quid propriè, & per se esse non potest; quia ex pluribus rebus completis, & secundum suam vltimam perfectionem constitutis nihil vnum per se coalescere potest.

21 **SED** vnum quid mundus est per modum compagis, & coordinationis multorum inter se, vnde cū

*Auerroes*

Aueroes ex Aristotele negat mundum esse vnum per accidens, non per id vult esse vnum per se; sed tantum non esse vnum ex pluribus temere, & fortuito coeuntibus.

22 EST igitur Mundus, si pressè illius notitiam definire velimus, certorum inter se corporum ordinata compago, quæ singula, & omnia deinde ad vnum arcano nexu disposita referuntur.

23 VNDE patet ad essentiam mundi tria spectare. Primò corpora disposita, in quibus propriè sita est illius essentia. Secundò ordinem mutuum singulorum inter se. Tertiò ordinem omnium illorum ad vnum tertium, vt egregie paucis verbis tradidit Aristot. 2. metaph.

T. 32.

24 NEQVE enim mundus est solus ordo, aut sola corpora; neque ex his præcipuè ordo; sed vtrumq; simul; magis tamen ipsa corpora.

25 PROPTEREA autem signantè dixi certa corpora conflare mundum, quod non quæcunque ad id sunt apta, quantumvis etiam inter se ordinata (neq; enim si plura mixta essent tantum in rerum natura inter se rectè disposita, possent itidem appellari mundus.)

26 SED opus est talia esse corpora, ex quorum mutuo nexu, & concursu absq; alterius extrinseci indigentia consurgat quid in se ipso libratum, viribus suis innixum, nusquam nutans, opis ipsum alieni corporis non indigum, & eam omnibus se ipso indigentibus ministrans.

27 Huius

27 **HVIVSMODI** autem sunt simplicia corpora,  
quæ ut locis quæque suis consistunt, reliqua omnia  
præsertim animantia gremio suo recipiunt, & fouēt:  
ut verò inter se mutuo pugnant, ex intestino dissidio  
fecunda omnium aliorum fiunt interitu suo.

28 **HÆC** autem, quæ de mundi essentia dicta sunt, ve-  
rè à nobis posita esse constabit ex analogia, & propor-  
tione, ad quam vnam qua si trutinam Aristoteles gra-  
uiores quæq; suas inquisitiones librat, & expendit.

1. Physicæ  
39.

29 **ITA** enim philosophari debemus de essentia, &  
vnitate mundi essentiali, ac si de magnifica aliqua do-  
mo, & de illius natura disceptaremus.

30 Propterea enim Aristoteles mundum hunc domui  
comparat, & Auer. ipsum secutus ingenti alicui æ-  
dificio, vel Ciuitati, & antiquiores Philosophi tem-  
plum appellauere.

11. met. 59:  
Au. disp. 9.  
dub. 18 d. d.  
Pla. 1 & 6,  
de rep. Cic.  
1. om. Scip.  
Sen. ad Mar-  
tiam.

31 **QUEMADMODVM** igitur Domus quæli-  
bet, essentialiter est cæmenta, lapides, tigna in ido-  
neam figurā disposita ad habitandum; ita Mundus  
est talia corpora certo hoc nexu inter se ad vnum cō-  
paginata.

32 **ET** quemadmodum non quæcunque sunt in do-  
mo, vel ad ipsam spectant, partes domus sunt; sed a-  
liud ad ipsam spectat ut auctor, & opifex; aliud ut  
supellex, & instrumentum; aliud ut inhabitator, &  
incola:

33 **SIC** etiam in Mundo cælum ipsum, & elemen-  
ta quasi tectum, & parietes, ut indicauit Auer. habēt  
tantum rationem partium, reliqua omnia non item

1. d. d. dub.  
11. dist. 1.

nam.

Auer. 4. phil.  
93.

nam primus Motor ad ipsum spectat vt rector, & auctor; rerum aliarum species iacentium, vel vegetantium sunt quasi huius domus instructa suppellex; Homo ipse regii huius domicilii possessor, & cultor.

34 COELI igitur, & elementa sine vlllo ordine considerata sunt materia Mundi, vt lapides, & cæmentata temere congesta materia domus; ordinata vero, & disposita sunt ipse Mundus; sicut & lapides dispositi sunt ipsa domus.

Cap. 11.

35 ET hæc est illa materia informis, siue inuisa, ex qua in Sapientia dicitur Deus condidisse Mundum; neque enim materie nomine intelligitur ibi altera pars compositi, quæ informata præcelsisset, & postea formam acceperit;

Lib. 1. de generatione, ad lit.

36 SED secundum D. August. intelligitur corporum congeries inordinatorum, quæ, quod forma ordinis carebat, recte nomine materie informis est designata.

37 IAM verò circa Mundi ortum aliud est querere qualis vere, & quando fuerit; aliud, quid circum Aristoteles existimauerit; aliud, qualis aliter esse potuerit; aliud denique, quid cognosci possit, & certò statui de illo solo nature lumine nitentibus.

38 NAM secundum veritatem Mundus aliquando ortus est, & pulcherrima hæc, & elegantissima rerum species certum initium habuit durationis suæ, tunc producta, cum secundum arcani consilij æternam dispositionem tempus aduenit ad id à Deo destinatum.

- 39 A T Aristoteles falsò illum nunquam ortum posuit, & æternum; motum suum secum ab omni pariter æternitate trahentem simul cum tempore, & serie infinita generationum.
- 40 N O N tamen fuit Aristoteles primus assertor æternitatis Mundi, vt male sensit Auerroes; sed tantum <sup>4. Cels. 102.</sup> primus illius propugnator validioribus, & magis apparentibus rationibus illam astruxit.
- 41 N A M ante illum Philosophi superiores considerando Mundi magnitudinem, uim, potestatem, honorem, decorem; insuper opem, fidem, legem singulorum elementorum, quæ omnibus alendis, gignendis, conficiendis, reparandisque conspirant Mundo initium aliquod, ac finem dare tanti operis maiestatem veriti formidauerunt.
- 42 I T A Q V E innatum, & infectum primus omnium ex Græcis pronunciauit Pythagoras, ortum, & factum asseruit Plato. <sup>Termin. contra Mar. primo cap. 1. Gen. de Di. Nat.</sup>
- 43 A L L V C I N A T V S autem est Aristoteles, quia necessarijs rationibus existimauit id se collegisse, <sup>Ter. Ap. c. 3.</sup> quod reuera in neutram partem certo statui potest solius naturæ ductu.
- 44 C V M enim Mundi productio libera sit Dei initio, & operatio; non magis vtrique, quando illa esse debeat, vel non esse certo scire possumus, quam de hominis libera cogitatione, quando ea incipere debeat, aut non incipere.
- 45 N O N igitur in hoc errauit Aristoteles, quod putauerit præter Deum aliquid posse æternum esse; sed quod necessarijs rationibus voluerit compræhen-  
B        dere;

dere, quod certa lege necessitatis non constringitur.

46 NAM si tempus, & motum, & res alias similes, quæ perenni fluxu labuntur, excipias, Mundus profecto quoad res permanentes ab omni æternitate sine ullo durationis initio, non tamen sine effectiois principio, potuit extitisse.

47 VERISIMILIBVS igitur tantum rationibus diuinæ gratiæ luce destitutum humanum ingenium potest in vtraque partem disputare de Mundi ortu, & origine; & an semper ab omni æternitate subsisterit, an aliquando incepit, & ortum habuerit.

primo [102. 48 Vnde consultius fecisset Aristoteles, si quod semel pronunciauit, problema de Mundi initio, vel æternitate esse in vtraque partem æque incertum; in eo semper tuendo perstitisset.

49 QVARE nullæ sunt rationes, quæ ad Mundi æternitatem astruendam ab Aristotele, & alijs Peripateticis adducantur, quæ facile non solui possint; cum omnes præsertim falso vno fundamento nitantur, non posse nimirum ab antiqua destinatione certi consilij nouam rerum effectioem prouenire.

50 ATQVE ex his iam quatuor Mundi causæ statui possunt; opifex enim, & idem tanti operis moderator est Deus, qui totam molem istam cum omni instrumeto elementorum, verbo, quo iussit, ratione, qua disposuit, voluntate, qua potuit, de nihilo expressit in ornamentum Maiestatis suæ.

Tert. Apol.  
[102. 17]

51 MATERIA vero sunt, ut dixi, corpora simplicia cum omni censu, & ornatu suo; Cælum cum suis luminibus, quasi cœlestibus floribus coronatum; tellus

lus distincta floribus, quasi terrenis syderibus redimita; aer Avibus peruius, quasi æthereis piscibus; Mare refertum piscibus, quasi Marinis Avibus.

Ar. 12 met.  
11. Sen. 7. Na  
turalium 24  
27.

52 **FORMA** autem est ipse nexus aptissimus tot dissimilium rerû, qui consistit in ordinatione singulorum ad inuicem, & omnium corporum ad vnum tertium; vnde tota huius Mundi concordia, & vnitas ex disparibus, & discordibus consistit.

53 **FINIS** vero longe pulcherrimus huius præclari operis est: proximus quidem generis hominum usus, & emolumentum; sumus enim secundum Aristotelem nos homines rerum omnium quodammodo finis; supremus autem, & vltimus diuinæ Maiestatis cultus, & ornamentum, vnde & abornatu vult Mundum hunc dictum à Græcis Tertullianus.

Ar. 1. ph. 341  
& 26.

Tert. com.  
Mar. lib. 2.  
c. 13.  
Ap. 2.

54 **PORRO** Natales Mundi in scriptura didicimus, vbi sex dierum spatio tanti operis molitionem absolutam accepimus, & perfectam.

55 **QVI** dies licet secundum Augustinum ad eos, qui ex Vespere, & mane solis cursu peracti conficiuntur, non sint referendi; sed ex matutina, & vespertina Angelorum cognitione in verbo, & in propria specie, de singulis rebus sint constituendi.

a lib. 5. de  
gen. cap. 5.

56 **APTIOR**, tamen est omnium aliorum Patrum expositio, ut sex dies, quibus factus Mundus dicitur, naturales, & non allegoricos accipiamus.

57 **LICET**, enim ante quartâ diē sol, & luna non existerent; erat tamen vicaria quædam vtriusque lux vices solis, & lunæ quodammodo gerens; erant cælestes orbes, ex quorum conuersionibus potest opti-

mè intelligi distinctos fuisse veros dies.

58 I A M verò de Mundi singularitate vtrum vnus sit, uel plures non leuiora dissidia inter Philosophos fuere, quàm de eius origine; quibusdam plures ponentibus, quibusdam etiam infinitos, alijs vnum tantum asserentibus, cunctis tamen deceptis, & decipiētib: quia non Philosophando, sed diuinando de re dubia, & incerta statuebant.

59 V E R E enim Mundus vnus tantum est, quod nos Christiana Religio docet; potuit tamen Deus, & adhuc potest plures in infinitum condere.

60 V N D E & in hoc etiam deceptus est Aristoteles, quòd vnum tantum esse, & multiplicari non posse existimauit, quòd etiam demonstratiuis rationibus, est probare conatus, quibus tamen nihil firmitatis, aut roboris inest.

61 S O L O enim naturæ lumine quidquã scire certò non possumus de Mundi singularitate, ac multiplicitate; cum enim plures, vel non plures facere sit in libera Dei, & amplissima potestate, nò magis quorcondi debeant Mundi certò colligere possumus, quã quorquilibet homo liberè in arcano pectoris sui vota versare.

62 I G I T V R nec à priori, vt aiunt, nec à posteriori certa vlla ad hunc locum in Philosophia explicandum nobis patet via; non à priori, quia liberæ effectiōis Dei, quæ nullam aliam priorem supponit, nulla datur causa, vel ratio prior: non à posteriori, quia homines Mundi vnus incolæ, si plures darētur, nihil percipere possent eorū, quæ ad aliū Mundū spectarēt.

I T A-



63. ITA QVE ordo corporum ad vnum, in quo diximus formā, & vnitatem Mundi essentialē consistere, non est accipiendus ad vnum principium, & auctorem Deum; sed ad vnum primum continens, & suo ambitu omnia coercēs, motu omnia vegetans, virtute per cūcta salutari fluxu meante, omnia regēs, & creans, quod est Cælum.
64. VT enim pluriūm Parietū ordo ad vnum rectū facit vnā domū; & pluriūm domorū, & insularū dispositio ad vnum mæniū ambitū facit Ciuitatē vnā, & urbē; ita pluriūm corporū simplicium inter se nexus ab vno Cælo dependens facit vnum Mundum.
65. ITA QVE egregiè Auerroes alicubi Mundum vnum esse in ordine ad vnum principium pronunciauit, quod alibi explicans nomine principij primi mobilis principem virtutem se intelligere demonstrauit, quæ principium Mundi est seruans, & fouēs, non primum, & absolutè produciens.
66. VERVM vt Mundus ortus sui, & originis auctorem Deum solum cognoscit, ita illum etiam solū, à quo possit interire, & dissolui reformidat; omnis interitus expers, si creatæ cuiuscunque naturæ vires spectari debeant.
67. MAXIMVS autem licet sit, non tamen immensus, & infinitus est; sed certa mole quantitatis suæ circumscribitur, quæ quantitas nimirum illam non superat simplicium corporū, ex quibus constat.
68. FIGVRA etiam constat maxime orbiculari, quæ illi conuenit ratione præcipuæ partis, quod est cæle-

primo Met.  
te 4.

D. D. dist. 3.  
dub. 1.

cæleste corpus, à quo etiam aliæ partes eandem figuram aliquo modo participant.

Auct. 3. Cæ.  
li 21.

- 69 LOCVM itidem nullum habet, nisi qui illi competit ratione partium, unde rectè Auerroes Mundi consistentiâ nihil aliud esse dixit, quam partiû existentiam in proprijs locis.
- 70 EX his constat motum, figuram, magnitudinem, consistentiam in loco, & alias similes dotes, & proprietates, quæ de Mundo ipso explicari possent, illi competere ratione suarum partium, quæ dum explicabuntur, melius etiâ natura Mundi intelligetur.
- 71 HABET igitur Mundus, si eius causas exquirimus, pro authore & opifice Deum; pro materia simplicia corpora; pro forma eorum ordinem; pro fine hominû utilitatem, & diuinæ Maiestatis ornamentum: si eius ortum respicimus, productus est certo tempore à Deo: si eius interitum, omnis iniuriæ expertus Deo est tantum subiectus: si eius proprietates quaerimus, talis est, qualem reddunt præcipua eius membra.

## M V N D I O P I F E X D E V S.

Cap. Secundum.

- 72 **P**ORRO ut statuam aliquam, vel simile quid admirabili artificio compositum intuenti, nihil prius venit in mentem, quàm artificem aliquem cogitare, & quaerere; ita ex Mundi contemplatione statim in opificis alicuius cogitationem adlurgimus.

HIC

73 HIC est Deus formator rerum, qui omnia in vno  
mersa, & materiæ inerti conuoluta discreuit; sparsa  
collegit; confusa distinxit; deformibus speciem diui-  
sit; latentibus lucem superfudit; operis ipse sui moli-  
tor, & custos.

74 EVM Plato nec inueniri facilem dixit, & inue- <sup>Ap. de dog. Tim.</sup>  
tum explicari difficilem; sed hoc secundum, vt ad-  
mittimus, ita ad illud primum non omnino annui-  
mus.

75 VT enim quid Deus sit inuenire difficillimum,  
ita ipsum esse reperire facillimum est; quid enim ma-  
gis in promptu positum, quàm cum reperire, quem  
ignorare non licet?

76 SANE non magis hoc arduum est, quàm ex inci-  
tatis ad certam metam, & nusquam deflecentibus  
quadrigis aliquem in illis existimare rectorem; &  
vt olim vna linea Praxiteli Apellem prodidit; ita non  
omnino surdos animos Mûdus hic sui auctoris igna-  
ros abire non patitur. Tantum opus, tanti artificis ve-  
rè linea, & nudum vestigium.

77 SED an sit Deus dupliciter cognoscere possu-  
mus; & à natura informati, & à Philosophia instru-  
cti; ea prima cognitione rudi, confusa, anticipata nil  
facilius; secunda, aliquid habet difficultatis, quia non  
cuique ita obuium est rationes demonstratiuas con-  
struere ad id asserendum.

78 EAE autem ab Aristotele allatæ sunt, quibus per  
motum, quo nihil est in summa sui varietate constā-  
tius, ad eum peruenit cognoscendum, quo nihil est  
in inconcussa augusti numinis firmitate stabilius.

Auer. 8 phy.  
sic. 1., primo  
phy. vit., 12.  
Met. 49.

79 **ITAQVE** Dei existentiam propriè probare ad physicum existimamus, non ad Metaphysicum, pertinere: illi enim artificii sunt adiudicandæ rationes, cuius sunt media, quibus illæ conficiuntur; motus autem propriè spectat ad Physicum.

Cic. lib. primo  
de nat.

80 **PROPTEREA** autem Deus antiquis anima Mundi fortasse est appellatus; quod sicut ex motu animalis animam in ipso latitantem depræhendimus, ita ex Mundi motu, & Cælorum conuersione agitator aliquis Deus esse dignoscitur.

81 **VT** enim in corpore, quod se ipsum mouet, motus animam prodit; ita in Mundo rerum vicissitudo, motuumque conuersiones Deum manifestant.

Aristoteles  
cuius 2 17.  
8 ph. tex 8.  
Mac. lib. 1.  
in somniis.

82 **ITAQVE** ob hoc etiam inter alia Aristoteles Mundum comparat animali, & tanta consensus inter Mundum, & præcipuum animal hominem intercedit, ut & Mundus magnum animal, & homo parvus Mundus sit appellatus.

83 **COGNITA** Dei existentia exiguum quid est, quod de illius essentia, & natura possumus inuestigare, inuestigatum depræhendere, depræhensum pronunciare; ut enim vestigium transitum tantum prætereuntis prodit; ita hæc rerum moles, vestigium Dei ob id appellata, sic Deum nobis manifestat, ut è latebris illum suis non educat.

81. met. vi.  
timo.

84 **COGNOSCITVR** tamen in primis vnus esse; si enim, ut inquit Aristoteles ex Homero, non est bona pluralitas principatum; vnus ergo princeps esse debet in Regno, vnus Deus in Mundo: præclare itaque Christianus ille Philosophus pronunciauit,

Ter lib. 5. c.  
Mac. cap. 3.

Deus

Deus, si non vnus est, non est.

85. ET sanè vt citharam suavi modulatione ad numerum resonantem, plures non possunt simul pulsare Musici, strepitum alioquin, non concentum edituri; ita nec Mundi fabricam plures simul artifices excitare, & conditam cum pari potestate gubernare.
86. IGITUR præclare Aristoteles ex rerù recta gubernatione ineluctabili ui rationum vnum Deum conclusit: Entia inquit nolunt malè disponi, vnum igitur principium esse necesse est. 11. Met. 35.
87. DEVS igitur vnus est, quia sic exigit nullo restricto limite immèsi numinis natura, & arcanæ Maiestatis inexhausta potestas; vnus autem esse cognoscitur ex ordine, & administratione rerum aliarum.
88. OMNIA enim, quorum natura, & essentia in ordine mutuo, certaue compactione consistit, ad vnum quippiam referre necesse est; sic vnus Dux in exercitu vno; vnus Architectus vnus domus; vnus auriga in curru; vnus præcentor, & moderator in Choro. Aristoteles 11. met. 35. & in lib. de Mèdo.
89. QVOD si aliter aliquando euenire posse contendimus, respondemus, vel hos Duces, & Artifices multiplicatos materia, vnitos forma, vnus vicem gerere, vel certè non ita bene singula processura; in natura autem, id quod est optimum, statuendum est, & si vnum principium sufficit, plura frustra ponuntur. Aristoteles 8 ph.
90. EX his igitur fit etiam Aristoteli cognitum fuisse Deum esse primum principium, primam causam, primum finem omnium rerum; primum principium omnia mouens, primam causam omnia efficientem,

C pri-

primum finem omnia allicientem.

- 92 PRIMAM etiam formam aliquando dixerunt Aristoteles, & Auerroes, non quod esse cum animā, & formam Mundi informantem existimarint; sed quia ad illud, ut ad exemplar aliqua ex parte effigendum omnia se sponte naturæ conuertunt, cum singula diuini, & optimi desiderio teneri pronunciet Aristoteles.

adegen. 93 PRIMAM igitur forma est non informans, sed assistens omnia gubernans; sed exemplaris omnia dirigens; sed alliciens omnia trahens.

- 94 DENIQUE, ut paucis complectar, quæ alia de hac diuina natura nouere Peripatetici, non solum vnum fassi sunt, rerum omnium non solum finem, sed etiam effectiuum principium omnia regens, & moderans.

- 95 SED etiam Beatissimum ex sui ipsius contemplatione pronunciarunt, & exquisitissimo diuinæ cuiusdam voluptatis sensu semper affluentem, res omnes alias in se vno contemplantem.

- 96 AD hæc immensa; & infinita agendi vi instructū, & extra omnes finitæ naturæ limites incircūscripta numinis amplitudine locatum; rerum omnium & singularum perfectiones absolutissime continere.

- 97 DENIQUE Aristoteli vnus, & idem est Deus, qui & primus motor in supremi circuli maiori amplitudine, quæ citatissime rapitur (si vllus ei sit designandus locus) residens, & inde omnia cæta lege dirigens, & gubernans.

PAR.

PARTES MVNDI, ET EA, QVÆ SVNT IN  
Mundo, prius quoad communia considerata.  
Cap. Tertium.

Corpus Naturale. Sec. prima.

98 **I**AM verò partes Mundi, & ea, quæ in il-  
lo perenni fluxu quotidie reparantur, &  
occidunt, commune hoc omnia habent, ut  
sint corpora mobilia, & naturalia, unde cum in vniuf-  
cuiusque explicatione à magis communibus sit exor-  
diendum, prius nobis de corpore naturali est hica-  
gendum.

99 **CORPVS** in communi sumptum aliud est de  
genere quantitatis, aliud de genere substantiæ; illud  
appellatur etiam Mathematicum, quod non est, sed  
concipitur esse, ideo alicubi ab Auerroce dicitur in-  
telligibile; ubi accipit intelligibile quicquid non sen-  
sibus extrinsecis vlturpari, sed tantum concipi potest,  
& propterea idem corpus appellauit alibi imagina-  
bile.

1 ph. 40. pri  
mo Celi. 33

4. ph. 42. &  
76. primo  
deh. 44.

100 **EST** autem corpus Mathematicum idè, quod  
sola quantitas secundum trinam dimètionem, ut se-  
iuncta ab omni qualitate concepta, quæ propterea  
corpus Mathematicum appellatur, quod istæ discipli-  
næ versantur propriè circa quætitatem, & ea, quæ il-  
li accidunt, nulla alia habita ratione materiæ, & quia  
quantitas hoc pacto denudata non reperitur, ideo  
corpus imaginabile, & intelligibile est appellata.

Alb. primo  
ph. primo.

101 CORPVS autem de genere substantiæ duplex est, vnum Metaphysicum, & dicit substantiam, cui debetur trina dimensio; aliud naturale, & est, quod expositis sensuum functionibus percipi potest, & propterea appellatur etiam sensibile ab Auerroe.

1. ph. 4.

primo Celi  
proem.

102 EST autem corpus naturale, quod in suo esse à Natura constituitur, & propterea ab Auerroe dicitur esse omnino completum inter alia omnia corpora, quia solum, vt consideratur, ita subsistit, cum corpora Mathematica, & Metaphysica nequaquam sic subsistere possint, vt considerantur.

103 QUID igitur natura sit est cognoscendum, vt constitutio naturalis corporis, & essentia intelligatur.

N A T V R A Sec. secunda. Cap. Ternij.

104 **N**A T V R A latinè, Græcè *φύσις* secundum latissimam sui nominis notionem significat essentiam cuiusque rei in ordine ad aliquam notam proprietatem consideratam, cuius ipsa sit principiū.

Seneca de  
ira. lib. 2. ca.  
37.

105 SIC dictum est olim ab aliquo sapiente Dei naturā esse omnibus prodesse posse, nemini obesse velle; rehubarbari naturā esse, flauā bilem expellere; magnetis attrahere ferrū; adamātis nullis ictibus frāgi.

Ylin.

D. Th. 1. de en-  
te, & essen-  
tia, cap. 4.

106 ITA QVE hæc omnia nomina; Natura, Essentia, Quidditas, Entitas, Ratio, Substantia idem significant, sed sub diuersa notione explicatum.

107 ESSENTIA enim dicit id, quo vnumquodque in se ipso est, & propterea, quia primum, quod vnicuique competit, est esse ita primum, quo vnumquodque



quodque in ordine ad se constituitur, est essentia.

108 ENTITAS autem id ipsum significat, sed cū aliqua differentia, quia latius patet entitas, quā essentia, aliquid enim est entitas, & de entitate alicuius, & non essentia aut de essentia: non tamen quicquid est essentia, aut de essentia, non est etiam de entitate, aut entitas.

109 QUIDDITAS vero, & Ratio essentiam significat, sed in ordine ad vim nostram intelligentem conceptam: cum enim intellectus de vno quoque maxime scire cupiat, quid ipsum sit; hoc autem perfecte assequatur per cognitionē ipsius essentia, inde essentia quidditas est Philosophis appellata, quod per ipsam, quid vnumquodque sit, intelligatur, & Ratio quia per eandem nodus omnis inquisitionis circa vnumquodque expediatur.

110 DENIQUE Natura essentiam eandem significat, sed sub ratione principij consideratam alicuius notissimæ proprietatis, & maxime in oculos, & alios sensus incurrentis.

111 ITAQUE Naturam explicare ad Physicum maxime spectat, cuius est, ut inquit Auerroes, de omnibus disputare, quæ sensibus percipi possunt, & per experientiam aliquam manifestari.

112 VNDE essentiam vniuscuiusque Physicus contemplatur, non ut est substantia, vel accidens, sed ut est origo talis proprietatis, per cuius cognitionem, ut per riuulum excitetur ad inuestigandum totius venæ fontem.

113 CVM igitur esse in rerum natura Naturam ita sit

Auer. primo.  
phil. perhæ.

s.phys.1.

fit notum per se, vt nullo pacto possit ignorari, rectè Aristoteles ridiculum futurum asserit, qui eam esse probare aggrediretur. Tantum igitur quid sit, & qualis, est explicandum.

Aristoteles  
s.phys.75.

114 PRAEMISSO tamen prius dupliciter in physicis Naturæ nomen vsurpari; primo pro Natura vniuersali; secundo pro cuiusque particulari: ea nihil aliud est, nisi arcanus quidam tacitæ societatis consensus, quo singula conspirant ad hanc rerum vniuersitatem tutandam, augendam, iuuandam vnde fit naturam vniuersalē, & esse Deū vt singula ad hunc finem dirigentem & esse res omnes vt in hunc finem consentientes.

s.phys.1. p.

115 NATVRA verò particularis est definiente Aristotele principium, & causa motus, & quietis primum, & per se, & non secundum accidens; quam definitionem, quia aliter demonstrari non potest, explicat Aristoteles ex opposito modo se habendi naturalium, & non naturalium.

Them. simp.  
Auct. s. ph.  
8.

116 NATVRA enim debet illud esse, quo naturalia constituuntur; hæc autem in eo, quod talia sunt, maximè constitui debent per id, quo differunt à non naturalibus; hoc autem aliquid sit necesse est, quod in naturalibus reperiatur, & non in alijs.

117 IGITUR cum naturalia à non naturalibus maximè distinguantur per hoc, quod hæc non habeant in se initium, & primordium motus, quo cidentur, vel quietis, quo certo tempore statuuntur; erit profecto natura principium talis motus, & quietis.

118 PORRO nomine motus intelligimus quamcunque

cumque manifestam rei alicuius conuerſionem ab una in aliam ſui ſtatus conditionem, nomine verò quietis omnem in adeptæ ſemel formæ poſſeſſione permanſionem.

118 SVNT autem non naturalia quæcunque tale principium in ſe non habent; ſed in alio. Itaque principium contradiftinctum à natura erit, quodcunque eſt in alio cauſa vt aliquo tendat, aut in aliquo perſiſtat.

119 EST autem huiuſmodi principium, aliud violentum, aliud præter naturam, & vtrumque aliud artiſicioſum, aliud voluntarium, aliud fortuitum.

120 NAM omnis ars, dum aliquid in externa materia molitur, & fingit, ſemper in eam quid inducit, vel contra ipſius propenſionem, vel præter illam; ſic ſuſpenſæ æneæ rotæ in horologio violenter in ſublimi pendent; præter naturam autem in orbem circunducuntur.

121 OPERE pretium tamen erit, ne incerta ob vocabulorum ambiguitatem intelligentia fluctuet aduertere, quid differant hæc nomina, quid conueniāt, quid importent; hæc autem ſunt Naturale, Supernaturale, Præter naturale, & Contra naturam.

122 NATVRALE enim ſignificat tum id, quod natura conſtat tum, quod ſuit à natura, tum quod ali cui naturæ debetur, tum quod eſt inter limites rerū naturalium compræheſum, tum denique quod correſpondet principio naturali.

123 VNDE mirum non eſt, ſi cum hoc nomine tot ſignificentur, poſſit intelligentiæ ex illius vaga, & incerta

certa notione incertitudo aliqua, & obscuritas oboriri; potest enim dici aliquid naturale, & non naturale; nam motus ignis sursum quid naturale est, quia à natura fluit; naturale tamen non est, quia non constat ex natura.

124 SIMILITER naturalis cœli motor dicitur Intelligentia, non quia ipsa sit Natura vel ex Natura constans, vel quia fluat à natura, sed quia correspondet principio patibili motus, quod in Cœlo est verè Natura.

125 ITAQUE naturale ex eo genere nominum est, quæ dicuntur ab vno, & ad vnum, & cum præcipuè vnum aliquid significant, deinceps, alia etià plura amplectuntur, quæ ad id ordine dicunt; primario enim naturale significat, quod natura constat; secundo vero, quod illam respicit, vel quod ab illa fluit, vel quod illi debetur.

126 OMISSE autem supernaturali de eo, quod est præter naturam, & contra naturam, quatenus vtrumque spectat ad artem, aliquid est cognoscendū; ut enim plerumque ars naturam perficit, & semper illam æmuletur; ita Artis ipsius cognitio naturæ cognitionem plurimum iuvat, & expedit.

127 SATIS autem hic nobis erit Artē ipsam ex suo partu cognoscere, id est ex opere artificioso; est autem hoc omne illud, cuius forma cōsistit in eo, quod ex recta Idea, & cum ratione concepta expressum est; unde primario Artis rationem in Idea residere, cum aliquatamen connexionem ad expeditam operis executionem existimamus.

- 128 NEC inconuenit posse aliquando idem opus à Natura, & ab Arte proficisci : diuersa tamen ratione, quia opera verè naturalia ab Arte possunt tantum fieri, non ut à propria causa, & origine, sed ut ab applicante, & ad mouente debita principia. Itaque eadem oua foueri possunt, & excludi à Natura, & ab Arte, ab illa, ut efficiente, ab ista, ut applicante.
- 129 QVARE non absurdum est posse etiam per Artem chemicam verum aurum progigni, licet quod nunquam illa adhuc veram rationem tenuerit applicandi debita naturalia principia ad hunc effectum, nunquam etiam fortasse verum aurum confecerit; ut enim ad pullos excludendos per Artem opus est attemperare calorem, ut natura exigit: ita ut fiat aurum per chemicam, prius opus est huius metalli primordia permiscere, quod licet possit sciri, difficile tamen admodum est.

## PRINCIPIA CORPORIS NATURALIS

*in vniuersum Sec. Tertia. Cap. Tertij.*

- 130 PERFECTA cuiusque cognitio ex cognitione itidem perfecta existit principiorum, & causarum, ex quibus vnumquodque oritur, & coalescit. Itaque ad corporis mobilis cognitionem habendam, illorum quoque consideratio est præmittenda.
- 131 PRINCIPII vero nomen large sumptum, & sine vlla cura discriminis idem aliquando est, quod causa, & elementum, & apud Philosophos, & apud Theologos.

D

Hinc

Primo phy.  
t. 491  
Damaſ. lib.  
1. ca. 8. Naz.  
oratione 19  
& 35.

132 HINC enim Aristoteles tria notissima Principia elementa appellauit; & Doctores Græci Patrem diuinum dicunt causam filij, vtrique sine dubio voces principij, causæ, & elementi confundentes.

133 PROPRIE tamen accepta hæc tria ita distinguuntur, vt latius pateat principium, quàm causa, causa, quàm elementum: omne enim elementum est causa, omnis causa principium; non tamen e contra: vn-  
de elementum significat causas propriè intrinsecas, causa complectitur etiam extrinsecas; principium vero etiam id, quod non est causa, nec elementum.

134 EST igitur principium propriè sumptum, sed tamen in hac sua proprietate latissimè consideratum primum vnde aliud aliquo modo consequitur, quæ definitio ab Aristotele indicata tres proprietates principij nobis insinuat.

3. met. 1. 2.

135 PRIMA est, vt dicat aliquid post se, & ex se sequens. Secunda, vt nihil dicat ante se, ex quo ipsum sequatur in eo genere, quo quid sequitur ex ipso. Tertia, vt quod ex ipso sequitur, & post ipsum est, dicat aliquam connexionem, & habitudinem ad illud.

1. 1. 2.

136 PER primam proprietatem habet principium esse prius; prius enim est post, quod aliquid est: per secundam proprietatem habet esse primum; primum enim est, ante quod aliud non est; sicut enim quod vltimum est, post se alterum non relinquit, ita quod primum est, ante se alterum non permittit. Itaque bene Philosophi primum definiunt, quod dicit negationem anterioris.

Aphrod. y.  
met. cap. 1.  
Alb. primo  
post. 1. 1. 2.

137 IAM vero vt multiplex est, & esse potest ratio  
con-

consequendi alterum, ita multiplex potest esse diuifio principij; alia enim consequuntur ratione situs, & sic punctus dicitur principium lineæ; alia ratione motus, temporis, & cuiuslibet fucceffionis, & sic Aurora principium diei; contumelia iurgij; alia denique ratione constitutionis, vt carina principium nauis.

138 NOBIS hic agendum est de principijs rerum naturalium, & non de omnibus, sed de primis, quæ si velimus ex tradita definitione propriè explicare, dicédū est esse prima ex quibus res naturales sunt in quantum mutabiles.

139 EA enim sunt principia prima rerum naturalium, vt mutabiles sunt, à quibus primo intelligitur esse, & prouenire mutatio; hæc autem sunt sine quibus conceptus primus mutationis non habetur.

140 PRIMVS autem conceptus mutationis est, cū illa appræhenditur per modum transitus alicuius; in transitu autem tria ad minimum concipiuntur; primum, quod deferitur; secundum cui acceditur; tertium, quod inter verumque versatur.

Aristoteles  
1. phy. 1.

141 HAEC sunt illa tria prima principia in phisicis toties inculcata, materia forma, & priuatio; siue terminus à quo, terminus ad quem, & subiectū; quo numero prima principia rerum naturalium continentur.

142 HORVM proprietates, quas assignat Aristoteles præcipuè sex illæ sunt, esse aliquo mō contraria aliquomō nō cōtraria, nō fieri ipsa ex alijs, nec ex se inuicem, sed ex ipsis omnia, & ea semper manere.

1. primo phy.  
10.

143 ITAQVE non dicuntur hæc tria principia

D 2 mu-

mutationis intrinseca, quod ipsam constituent, & componant in essentia sua; qui enim fieri potest tum vt duo ex æquo pugnantia, & se perimentia vnum, quid consent, in quo vniantur, & coexistent; tum vt substantiæ componant intrinsecè accidens.

144 SED sunt principia mutationis intrinsecè connotata, sine quibus primus mutationis conceptus nõ formatur, quibus cum solis formatur.

145 PRINCIPIA igitur prima rerum naturalium, quibus ratio principii conuenit, non æquiuocè, nec vniuocè, sed analogicè sunt ista tria, quæ etiam proportionem quadam in, qualibet cuiusque rei effectione reperiuntur, appellata etiam principia rerum in fieri, de quibus iam singulis est agendum.

*MATERIA. Sec. quarta. Cap. Terrij.*

146 **M**AERIAE nomine omne id intelligitur, ex quo aliquid componitur, vt ex parte ignobiliore, & perficienda ex alterius coniunctione. Itaque prout multiplex est compositionis genus, ita multiplex etiam potest assignari materia.

147 RES enim vel verè componuntur, & constituuntur in se ipsis, vel secundum nostrum concipiendi modum componi intelliguntur: prima dicitur cõpositio rerum; secunda cõpositio conceptuum, qui ad eandem rem perfectè explicandam à nobis formantur.

148 ITAQVE materia duplex est, vna realis, & Physica, alia intelligibilis; illa inuenitur in omni natura,



natura, quæ ex pluribus constet, hæc etiam in ijs, quæ licet in se simplicissima, à nobis tamen per distinctos conceptus generis, & differentię concipiuntur.

149 M A T E R I A realis omnem significat, quod aliquam potentiam, & capacitatem includit, secundum quam notionem non tantum altera pars compositi à forma vera contradistincta materia appellatur; sed etiam subiectum in ordine ad sua accidentia; suppositum in ordine ad suas operationes ab ipso distinctas, materiæ nomine designatur; sic Aristoteles alicubi intellectum potentia materiam appellavit; & qui cæleste corpus simplicissimum asserunt materiã tamen illud appellant in ordine ad suum motum.

150 I N vniuersum igitur à Peripateticis Materia dupliciter distinguitur, vna est sensibiliũ rerũ, altera intelligibilium. Rursus sensibilis materia duplex est, vna Physica, altera artificiosa; Physica item duplex, altera contra distincta à forma concurrente ad constitutionem compositi; altera tantum distincta à forma accidentali, quam suscipit; illa propriè appellatur materia; hæc magis propriè subiectum; & rursus illa duplex est, alia prima, & alia secunda.

151 E X quo colligitur materiæ Physicæ nomine latissimè sumpto non tantum comprehendere substantiam, sed etiam accidens, nec solum substantiam incompletam sed & cõpletã: cũ & quantitas appelletur aliquando subiectum, & materia sensibilibum qualitarum: & completa substantia siue simplex, siue composita, materia & subiectum suorum accidentium.

152 A T Q V E ex his variis acceptionibus materiæ  
di-

distinctio illa manauit, paulo durior, quod materia alia est ex qua, alia in qua, alia circa quam. Materia enim ex qua est, quæ aliquod siue substantiale, siue accidentale compositum conflat, vt ignobilior illius pars. Materia verò in qua est totum id, in quo verè aliquid sustentatur, & recipitur. At Materia circa quam dicitur in ordine ad agens aliquod circa ipsam adornandam occupatum.

152 **ARTIFICIOSA** verò Materia totum illud est, quod vt dicit Aristoteles ab arte aliqua respicitur, vt in illud formam operis sui inducere possit; Itaque æs erit materia artificiosa sculptoris, quod in ordine ad statuam erit materia ex qua, in ordine ad figuram materia in qua, in ordine ad artificem materia circa quam.

153 **INTELLIGIBILIS** autem materia duplex est, vna mathematica, altera Metaphysica, Mathematica idem est, quod corpus Mathematicum, quod idè non vno in loco ab Auerroe materia intelligibilis appellatur, & est vt supra diximus quantitas ipsa nudè considerata, vt per varias figuras varias etiam proprietates sortitur.

154 **MATERIA** Metaphysica duplex est, vna in ordine ad res ipsas, altera in ordine ad conceptus; prima est in rebus etiam simplicissimis prout illarum substantia, habet aliquam rationem capacitatis, & perfectibilitatis ab alio. Secunda verò appellatur conceptus ille, qui respondet generi.

155 **ITAQUE** licèt alicubi genus appelletur materia, & è contra, non tamen propriè loquendo materia

Aristoteles  
13. MET. 42.

ria genus censeferi debet, sed inter se communicant, & reciprocant appellationem propter summam similitudinem, qua inter se coniuncta sunt.

156 M A T E R I A enim est vt genus, quia vtrumque est imperfectum, vtrumque est potestate, vtrumque refertur ad aliud sui perfectiuum, vtrumque nō reperitur separatum, vtrumque est vnum in multis, licet diuersimodè, vtrumque est prius generatione.

157 A D Physicum verò propriè spectat agere de materia Physica, siue ex qua, siue in qua, siue circa quam: propriè tamen de primis principiis agentis explicanda est materia illa, quæ dicitur prima, quæ est, ex qua componuntur omnia quæcunque in rerum natura non simplicia sunt, in qua omnes formæ sustentantur, siue proximè, siue vltimato, & circa quam omnis agentis operatio versatur, & agitur.

158 R E P E R I T V R igitur in rerum natura hæc materia prima, cuius nomine intelligimus rudi quadam notione substantiam quandam imperfectissimā quæ in omni cuiusque substantiæ compositione interuenit, & eadem subinde omnibus mutationibus, & formis subiacer.

159 E A M indagauit Aristoteles rationibus Physicis ex euidenti rerum transmutatione perspicuè deductis, adhibita demonstratiua inductione; Quare materiam primam esse ad Physicum tantum probare pertinet.

160 D E F I N I T V R optimè ab Aristotele subiectū primum vniuscuiusque ex quo fit aliquid cum insit, & in quod vltimum vnumquodque dissoluitur; ex qua

qua definitione optimè colligitur eam propriè esse ingenerabilem, & incorruptibilem, esse simplicissimam, & in genere substantiæ imperfectissimam, proinde optimè concipi per negationem omnis perfectionis, vt eam nobis concipiendam tradidit Aristoteles in Metaphysicis; vnde D. August. dixit eam ignoari noscendo, & ignorando cognosci.

lib. 8. c. 12.  
Confess. 18.  
c. 6.

161 EIVS causa efficiens Deus est; eius materialis nulla, neque in qua, neque ex qua; eius finis vltimus est seruire rerum omnium vicissitudini; proximus est propria perfectio, quam ex coniunctione ad formas substantiales fortitur: denique forma illius non secundum esse, sed secundum nostrum concipiendi modum est potentia suscipiendi quasunque formas substantiales, quam non inepte appellamus receptiuitatem.

162 ITA QVE in seipsa dicit entitatem omnis actus formalis expertem; non tamen omnis actus existentie; quare licet ita formis substantialibus sit semper indissolubiliter colligata, vt nullius agentis creati virtute possit ab omnibus simul separari; diuina tamen vi ab omni forma accidentis, & substantiæ spoliata potest subsistere.

163 EIVS proprietates sunt, quæ maxime inseruiunt fini illi à natura præstituto, qui est rerum propagatio: primo enim ex potentia suscipiendi forma oritur appetitus naturalis illius, cum non habetur, & vt omnibus possit subiacere formis quantitatem obtinuit, per quam diuisibilis fieret; vnde non tantum vni formarum generi pro eodem tempore substerneretur.

164 ET quia formas substantiales non recipit, nisi prius


prius ad illas disponatur per accidentia, ad hæc quoque dicit potentiam; sed secundo, quæ potentia, ut coniuncta cum priuatione habet rationem appetitus expleta autem nequaquam.

165 ITAQUE in Materia prima nulla forma substantialis inhæret illi cœua, illique indissolubili nexu ita coniuncta, ut eam semper comitetur in omni transmutatione; sed tantum ex accidentibus quantitas est, quæ interminata illi semper cōnectitur, ut ab illa fluens.

166 NEQUE etiam in gremio suo ita substantiales formas continet, ut illarum primordia, & rudes, inchoationes ut quid à se ipsa distinctum in immensa suorum finium laxitate complectatur; sed istæ omnes vi naturalis agentis (de formis caducis loquor) de illius potentia educuntur, ita ut secundum nihil sui in ea actu ante præfuerint.

167 ATQUE ex his omnibus colligitur materiâ propriè esse Materiam in ordine ad compositum, respectu cuius propriissimè exercet munus, & officium præcipuum materiæ, quod est esse id, ex quo, tanquã ex ignobiliore parte aliquid cōstet; nã licet et materia referatur ad agēs, & ad formã respectu illius est Materia circa quam respectu huius tantum in qua.

#### F O R M A. Sect. quinta.

168  ECVNDVM principium rerum naturalium forma est cuius nomine latissime sumpto intelligitur id, quo vnumquodque est incerto genere perfectum, & completum.

169 Id adeò dignoscitur; quia tunc vnumquodque  
E for-

formatum dicitur cum est perfectum: formari cum perficitur:& perinde est aliquid formare, ac statum certum, ac speciem illi dare.

lib. de nat.  
boni. ca. 18.

170 VNDE etiam ut inquit S. Augustinus pulchra quæque & in ordine suo eximia, & excellentia, quod id à forma habeant formosa appellantur; sicut à specie, speciosa; contra verò, cum aliquid rude, & imperfectum est, informe dicitur, si adhuc perfici debet, aut potest: deforme cum iam proiectum est, & depositum.

171 ID autem, quo vnumquodque perfectum est, & completum, duplex est; alterum per modum totius, alterum partis; illud etiam dicitur forma totius, essentia, quidditas, quod quid erat esse, species rerum, quæ explicatur per cuiusque definitionem, & nuncupatur ob id forma Metaphysica.

172 ISTA verò est forma partis, quæ dicitur etiam actus, & complementum cuiusque, & forma Physica.

173 FORMAM Metaphysicam habent quæcunque sunt, aut excogitari possunt; ut enim nihil est, aut esse fingitur, quod non essentiam aliquam habeat, aut habere concipiatur, ita etiam nihil est, quod forma illa, & specie totius sit destitutum.

7. & 8. metaph.

174 DE hac forma maximè verum est, quod alicubi Arist. & Averroes tradiderunt; eam esse totam essentiam, & quidditatem rei: illius partem essentialē, esse materiam, & esse eam composito ipso nobiliore.

175 AT forma partis non in omni rerum genere reperitur; sed in ijs dumtaxat, quæ simul ex multis coa-  
luerint in aliquod vnum; vel vera vnitate, vel aggeratione.

176 TA-

176 TALIS autem forma latissimè sumpta definitur id, cuius accessu ad aliud ipsum in suo genere perficitur.

177 E T quia dupliciter potest, quid alteri accedere, & adiungi; vno modo assistendo, altero inhærendo; duplex quoque est forma, altera assistens, altera inhærens; illa est vt nauta in naui, intelligentia in Cælo, Dux in exercitu, Deus in mundo: hæc, vt rotunditas in sphaera, lux in pellucido, anima in corpore.

178 F O R M A assistens quid in se semper perfectum, est nulli innixum, nusquā alio relatum; quod ex sui præsentia solum, licet nihil intelligatur moliri, aut agere ipsum perficit cui adest.

179 R E V E R A enim navis in mari sine nauta; dispositæ in acie phalæges sine Duce imperfectum quid sunt; & perficit nauta navim. vel otiosus, & animat Imperator acies, vel tantum spectator.

180 E A D E M igitur, quæ est forma assistens, est etiam aliquando causa tutatrix, Artifex moderans, finis alliciens; sed valde dispariter: forma est, vt se ipsa complet per sui accessum: formæ enim est se ipsam communicando, præstare quod præstat: causa effectrix, est quatenus operatur, & protegit, Artifex est vt suo instrumento vititur, finis vt allicit.

181 A D formam assistentem, reducitur forma extrinseca; ex qua illæ propositiones formantur, quæ denominationes extrinsecæ nuncupantur; vt cum quid à cognitione dicitur cognitum, & à situ & collocatione, dicitur dexterum.

182 F O R M A verò inhærens duplex est altera, vt quid

E 2 su,

sustentatum in suo subiecto; altera ut quid receptum in sua comparte: illa est accidens, hæc est substantia.

183 F O R M A inhærens ut in subiecto vnum quid non constat, ex se, & ex subiecto, quod simpliciter sit, & dicatur esse; sed quod tantum tali, & tali modo.

184 F O R M A inhærens ut in parte, ex se & ex illa facit quid seipso verè consistens: propterea illa dicitur forma secundum quid, accidentalis, & diminuta: ista forma substantialis, & perfecta.

185 H A E C rursus duplex est, vna pendens à parte, in qua recipitur; ut quælibet forma caduca, & interitui obnoxia; altera per se subsistens illiusque non indiga opis, quod informat, & est forma immortalis.

186 E X his igitur potest constare, qua ratione forma, sit rerum naturalium primum principium, & quæ talis sit: est enim principium ut terminus, ad què transmeat subiectum ab altero termino relicto.

187 E T quia quæ natura sunt summa ratione fiunt, ratio autem postulat, ut quo vnum quodque accedit, eo perficiatur; idcirco forma est principium, ut bonum; & optimum cui acceditur.

l. 11.

188 V N D E Aristoteles primo Phys. formam dixit diuinum, & optimum, cuius amore omnia ducuntur; & per cuius pulchritudinem in se ipsa alioquin turpis materia decoratur.

189 N O N tamen propterea eadem erit ratio principij, & ratio finis; sed vna, & eadem natura, erit hæc omnia simul; forma, principium, & finis; qua forma erit causa intrinseca, & elementum; qua principium terminabit motum ut bonum, & pulchrum, processum



sum eius quietans : qua finis alliciet agens .

190 **CONSTA** T igitur in re quæ est forma, aliud esse rationem formæ, aliud primi principij rerum naturalium, aliud rationem finis : ratio autè primi principii competit omnibus formis substantialibus , primario qua tales sunt, secundo etiam accidentalibus.

191 **VT** enim mutatio substantialis ea est, ad quam dicunt ordinem, & referuntur omnes aliæ rerum conversiones; ita etiam , quod est primum principium huius mutationis, simpliciter censei debet primum principium rerum naturalium qua mutabiles sunt.

192 **AGITVR** igitur in primo Physic. de forma tantum ut de termino transitus; id est ut de pulchro, & optimo ad quod tacita rerum omnium vota occulta propensione suspirant, & in quo mutatio omnis naturalis conquietescit .

193 **DE** illa verò ut causa est intrinseca, & ut forma est, agitur in secundo Physic. sub utraque autem consideratione respicit semper materiam, sed diuersimodè; nam ut principium eam respicit ut subiectum motus, cuius ipsa est terminus; ut forma verò eam respicit ut partem.

194 **IAM** verò de formis substantialibus caducis non pauca in controuersiam verrantur: sint ne, an non sint in rerum natura, & si sint, quomodo & à quo producantur, & productæ, quid maximè præstent.

195 **NAM** ex antiquis Philosophis, plures non exigui nominis, omne prorsus genus substantialis formæ sustulerunt; & materiam tantum, solam rei naturalis substantiam esse confirmarunt.

196 EIVS autem formam esse rithmum , seu concentum affectionum, qualitatumque, per quem & nomen habeat, & diuersa fiat, & sensibus nostris se offerat, & cognoscatur .

Apud. Auer.  
2. Metaph. 4.  
21. 12. Mo-  
taph. 1. 18.

197 ET ab ijs, qui eas concesserunt, non minus etiã turpiter, circa formarum ortum, est erratum; aliis eas in sinu materiæ latitare asserentibus; aliis à Cœlo tantum distribui; aliis à cholchodea quadam & datrice formarum intelligentia procreari, sine vlllo concursu agentium secundorum .

198 AT verò Aristotelica, & peripatetica sententia semper fuit præter formas sensibus expostas, & accidentales, earumque complexum reperiri quoq; alias substantiales, animo, non oculis perceptibiles .

199 ET has quidem reperiri, tam notum nos existimamus, quam quod notissimum: vt enim certum, & exploratum est dari substantiam, interitus capacem, ita non obscurum est, dari formam substantialem.

200 NOMINE enim illius intelligimus, id quo vnūquodque simpliciter est id, quod est, & per quod aptatur primo, & instruitur, ad certas operationes exercendas; & in se ipso constitutum à reliquis omnibus secernitur.

201 QVAM igitur certum est, aliquid simpliciter esse, & non tãtum tali, vel tali modo, & certas sui muneris functiones exhibere; tam perspicuum est reperiri id, quo in tali ordine, & statu collocatur, quod est forma, & actus substantialis .

202 ALIVD est tamen cognoscere an actus substantiales sint, aliud quid, & quali modo sint; & hoc secundum

dum vt aliquid obscuritatis habet, ita illud primum,  
nihil difficultatis.

- 203 NEC temerè pronuntiabo, si quid quid in hac  
lite dirimenda inter disceptatium turbas dissidii ob-  
repfit; id totum ortum habuisse affirmauero ex con-  
fusione vtriusque quæfiri, quod idem scilicet existi-  
marent quærere an sint formæ substantiales; & an à  
materia distinctæ sint.
- 204 OPTIME igitur Auerroes transmutatio in-  
quit facit cognoscere materiam, operatio formam: 1. phy. 4. 1143  
mo.  
quia ex rerum transmutatione, & perpetuo earum  
ortu & interitu, vnumquodque ex his sublunaribus  
compositum esse, ex duobus dignoscitur; quorum id  
dicitur forma, quod est principium operationis; il-  
lud materia, quod est subiectum transmutationis.
- 205 FORMAM igitur substantialem reperiri, est  
per se notum, cum ex sola nominum declaratione sit  
nobis conspicuum: eam autem distingui à materia, &  
hanc vicissim ab illa transmutatione deprehenditur.
- 206 QVA tamen proximè vnamquamque rem na-  
turalem ex duplici sui parte constare colligimus: ex  
his autem partibus quæ sit materia transmutatio ma-  
nifestat, quæ sit forma operatio.
- 207 DVPLICITER enim alicui transmutatio tri-  
buitur, siuè, vt logicè loquamur de aliquo prædicatur:  
primo vt de subiecto: secundo, vt de termino, qui fiat,  
aut destruat: tam enim transmutari dicitur aer qui  
corrumpitur, & ignis qui producit, quam mate-  
ria, quæ inter vtrumque versatur.
- 208 TRANSMUTATIO alicuius vt termini,  
facit

facit cognoscere, id quod sic transmutatur esse compositum; quod enim gignitur vel corrumpitur, nec totum ex omni parte sui gignitur; nec in totum corrumpitur.

209 NAM axioma Philosophicū est, & verissimū, natura nihil ex nihilo fieri, & in nihilum nihil abire: quod ergo gignitur secundum aliquid sui præfuit, & secundum aliquid tunc primum fit.

210 ITEM, quod interit, non in totum destruitur; sed partim corrumpitur partim conservatur; vnumquodque igitur, quod gignitur, & aboletur, ex duplici sui parte constare necesse est.

211 K V R S V S verò quæ pars remanet id esse non potest, quod sit unicuique causa essendi, & operandi: cur enim amplius, non operatur ut ignis, quod residuum relinquitur, ex corruptione ignis?

212 ERIT igitur id, quod remanet, tantum pars ignobilior, & deterior otiosa, & iners, pati nata, agere nescia, receptioni exposita, quæ est materia; alia autem forma erit, pars nobilior, & excellentior.

213 FORMAM igitur substantialem produunt à posteriori, ut aiunt, complexus accidentium, quibus vnumquodque ad certum genus operationis aptatur; à priori verò, cōceptus definitivus, rei naturalis, quæ dissolutionem pati sit deprehensa.

214 IAM verò de formarum origine existimamus, eas neque à cœlo tantum distribui, neque in materiæ gremio latitare; neque à cholchodea procreari.

215 SED ab agentibus quibuscunque naturalibus, & particularibus (concurrente tamen semper superiorum

riorum causarum virtute ex subiecto disposito prodigi per eam, quam appellant de potentia materiæ educationem.

216 QVI productionis modus omnibus rerû sub-  
lunarium formis, ortui & interitui obnoxijis com-  
munis est; nam rationis particeps anima, inferius  
quodcunque principium dedignata, solum Deum  
auctorem agnoscit, à quo ex nihil procreatur.

217 EST enim ex materiæ potestate educi præuijs  
dispositionibus in esse, & fieri, de pender, à mate-  
ria produci: quare de potentia materiæ non existit  
anima, quæ per se ipsam subsistit.

218 IAM vero formæ munera duo præcipuè sunt;  
vnum in ordine ad materiam, alterum in ordine ad  
compositum: in ordine ad materiam est informare,  
in ordine ad compositum, est constituere, & speciem  
dare.

219 INFORMARE enim & constituere dupli-  
citer contingit: vel ab efficiente, vel à forma; vtrum-  
que enim informat, & constituit: sed efficiens produ-  
cendo formam; forma se ipsam communicando.

220 DVPLICITER enim forma ad materiam  
comparatur; vno modo, vt concepta, alio modo vt  
existens; forma vt concepta, dat materiæ posse concipi,  
& definiri.

221 HOC est enim, quod alicubi Aristoteles pro-  
nunciavit, materiam per se ipsam esse ignotam, co-  
gnosci autem per formam, quia vt inquit D. Augusti-  
nus materia ipsa, non per aliquam speciem sentitur,  
sed per omnimodam speciei priuationem, cogitari  
vix potest.

lib. de nat.  
boni. ca. 12.

F FOR-

222. **FORMA** verò vt existens materiam non constituit; nec illi dat speciem; est enim materia id, quod est independenter ab inhaesione formæ in se ipsa; alioquin abscedente forma, aboleretur quoque materia, & non esset quid simplex, sed compositum.


223. **SED** in ipsa inexistentis, & illam informans, eius turpitudinem, condecienti decore conuellit, atque explet defectum.

224. **AT** verò compositum ipsum forma constituit in certa specie ponit: suis affectionibus instruit; per quas illud primario aptat ad operandum.

225. **VNDE** est, quod aliquando essentia vniuscuiusque definitio, quidditas, & nomen tam tribuatur ipsi, quam illius formæ; sed dissimiliter; nam formæ hæc competunt, vt illi, quo compositum est id, quod est composito verò vt quod est; quod est dicere, cum logicis formæ competere, vt quo composito, vt quod.

226. **HIS** in vniuersum de forma disputatis, quæ de singulorum generum, & ordinum formis; earum essentia, viribus, proprietatibus, cognoscenda erunt, in propria cuiusque tractatione expediuntur.

### P R I V A T I O. Sect. Sexta.

227.  **ERTIVM** principium rerum naturalium est privatio; cui immerito ab hoc munere à Platonæ reiectæ, suum ius restituit, Aristoteles.

228. **ET** quidem in rerum natura reperiri privationem

nem est exploratissimum; quid enim notius, quàm alicui aliquando deesse, quod possit habere? defectus autem eius, quod vnumquodque habere sit aptum vocatur priuatio.

229 AT eam esse principium mutationis, & effectiōis rerum, non est ita in aperto positum: qui enim & qua tandem ratione, id quod nihil est, possit alijs esse origo nascendi?

230 V E R V M, & eam esse, & principium rerum naturalium esse, non ex quò illæ constent; sed vnde exordium suæ productionis accipiant necessarijs, & firmissimis rationibus cum Aristotele demonstratur.

231 N A M vt res naturales fiant debet proculdubio aliquid esse ex quo illæ fiant: ex nihilo enim nihil potest natura fieri: hoc autem ex quo fiunt, id ipsum nō potest esse, quod est faciendum: quod enim iam est, opus non est vt fiat, nec fieri potest. primo phy.  
et. 30.

232 D E B E T igitur præexistere aliquid quod formam non habeat eius, quod est producendum: eam tamen possit habere, si enim iam illius formam haberet; quod est producendum, iam esset antequam factum esset; quod nec animus, nec aures capiunt.

233 A T absentia forma in subiecto capaci, est priuatio; vt igitur res naturales fiant, ita necessario exigitur priuatio, vt sine illa fieri aut mutari, concipi non possint.

234 E T hoc est, quod paucis verbis ex Aristotele significauit Auerroes; vt aliquid mutetur, & fiat, necessario præcedere debere, vt eius verbis utar, illius non esse, & possibilitatem: non esse, quia quod iam est

De subst. v.  
biu cap. 3.

non fit: possibilitatem, quia quod fit opus est, posse fieri.

235 ITAQVE dupliciter priuatio est principium rerum naturalium, tum quo ad illarum effectiōem; tunc quoad illarum vicissitudinem, & varietatem: primum habet quatenus nihil potest natura fieri sine præcedente priuatione: secundum quatenus subiectum per priuationē semper expetit ab alijs, in alias formas transmeare.

236 NAM prima rerum omnium materia capax est, vt dixi omnium formarum: quibus tamen omnibus simul subterni non potest, inde est, quod vnā dum retinet, ab alijs destituitur, & priuatur.

237 HÆC verò priuatio causa est, cur ipsa naturali quodam, & surdo instinctu eas appetat, quas non habet: prouenit enim omnis appetentia tam naturalis, quam elicita à priuatione; appetitus igitur ille absentium formarū in materia origo est, cur antiquas formas quasi aspernata, ad nouas aspiret: vnde existit perpetua rerum sublunarium, in orbem reparatio, & destructio.

238 ET sanè vt in politicis, & vita hominum instituenda, egestas, & inopia rerum, illarum desiderium accendit, hoc industriam excitat, ista labore adiuncto varias artes extūdit à quibus rerum artificiatarū, tam varias, & mirabiles formæ extiterunt naturalibus, nec multitudine, nec pulchritudine inferiores.

239 ITA à priuatione naturali, quæ respondet inopix in societate victuque ciuili Mundus hic nouis subinde orientibus, & cadentibus fœtibus refarcitur.

Itaque



Itaque inopia, magistra industriæ, mater laboris, rude est principium, & origo artificiosorum operum, privatio autem naturalium.

- 240 R E R V M igitur tam orientium, quam cadentium est principium privatio; orientium quidem ob rationem dictam: cadentium ob id, quod Aristoteles <sup>1. phy. l. 2.</sup> dicit, ipsam semper ad malefictum rei conari: nā quæ genus extimulat, materiam ad novam formā inducendam, eatenus per accidens, & ex euentu, ad præsentem abijciendam inducit, ac proinde interitum rei tacita machinatione molitur.

- 241 A T Q V E ex his non solum priuationem esse, & principium esse constat, & quarum rerum, & sub qua consideratione; sed quomodo etiam principium sit, est enim principium, ut id, quod abicitur, & à quo receditur.

- 242 L I C E T enim semper forma aliqua abijciatur in novæ super inductione; tamen ipsam non intendit exuere materia, aut excludere agens; sed tantum priuationem, & defectum formæ, quæ inducitur; cū qua quia alia præcedens, simul non potest existere; idcirco per accidens, & ex euentu, illa quoque aboletur.

- 243 V N D E fit in destructione, & interitu rerum esse priuationem terminum ad quem, ut in ortu est terminus à quo: simpliciter tamen dicitur terminus à quo quia natura non intendit nisi ex consequenti ulterius interitum tantum ortui, & rerum reparationi intenta.

- 244 I A M verò strenuè pugnatur inter aliquos, ut pri-

priuatio sit ens, vel non ens: quomodo differat à negatione, appetitu, potentia: quomodo possit conari ad maleficium, siue moliri interitum: quomodo excitare materiam, ad exuendam quam habet, & prosequendam, quam non habet formam: & quando denique munus hoc exerceat initiandi res naturales, cum est, an quando non est.

245 AD quæ omnia ex dictis liquido responsio constare potest; est enim priuatio non ens positium. A negatione differt, quod hæc excludit positiuam potentiam, & tantum dicit defectum, & absentiam; Ab appetitu, quod hic dicit potentiam connotando defectum; priuatio contra dicit defectum, connotando potentiam, & prior est conceptus priuationis, quam appetitus.

246 CONATVS verò ille non dicit vllum nisum, aut energiam; sed tantum significat consequentem abiectionem formæ prioris, ex alterius accessu; quem accessum quia materia ob priuationem expetit, idcirco etiam alterius recessus, priuationi computatur.

247 P R A E T E R E A ipsa priuatio non extimulat materiam ad formas prosequendas aliquid agendo; sed supposita potentia materiæ, se ipsa in illa insistenti, eam reddit appetentem; quia vt iam dixi, insitus appetitus est, potentia non expleta, cum proxima priuatione.

248 DENIQUE illud à quo magis turbatur infans natio terminicolarum principiet ne priuatio cum est, an cum non est, id sic deciditur; nam vel principiare est, rem ipsam mutari, & fieri, vel subiectum, & agens,

agens, ad effectiōem, & mutationem accendere, & excitare.

249 IN primo sensu principiat priuatio quando nō est, per hoc enim vnumquodque suscipit esse, quod destruitur eius non esse; in secundo verò sensu principiat quando est, quia ex præsentiā priuationis, quæ est absentia formæ materia, & agens, ad nouas prosequendas formas extimulantur.

250 R V R S V S cum quid destruitur eius abolitiōnis priuatio est initium quando est, cum quid oritur, quando non est. Concidunt igitur ex his summulistarum argumenta ficulnea, & quauis beta molliora Sophismata contra Priuationem, vt est principium.

C A V S A E. Sect. Septima.

251 **V**ERVM, non solum principijs opus est, vt res naturales mutantur, & fiant; sed etiam causas oportet inquirere à quibus existat, & constituentur.

252 EST igitur causa principium à quo aliud per se in suo ortu, & existentia pendet: vnde fit, quod iam monuimus propriè loquēdo, latius patere rationem principij, quæ est quasi genus, ratione causæ.

253 A D D I T enim ratio causæ ad rationem principij, vt sit id, à quo aliud dependet: propterea licet in Diuinis propriè dicatur pater principium Filii non tamen propriè dicitur illius causa, vt post D. Thomā, docuit Bessarion Cardinalis Nycenus in Con. Flo. P. P. q. 19. ar. 4. orat. de uni. gra.

254 Q V A M igitur certum est aliqua oriri, quæ prius

prius non erant, tam non obscurum est, esse aliquid à quo ipsa pendeant in ortu suo, nihil enim quod non est potest ipsum sibi, auctor esse, & origo nascendi.

D. August.  
lib. primo  
de Trin.

255 IAM verò quam sit necessaria notitia causarū ad perfectam rerum intelligentiam consequendam, tam notum est, quam quod ignorare non licet: adeò ut vulgus etiam ipsum indoctum, perinde iudicet, aliquid scientia comprehendere; ac ipsius causas tenere. De his igitur est agendum, & earum multiplicitate diuisione.

256 QVADRVPLEX ergo genus causæ ab Aristotele statuitur efficiens materia, forma finis, quibus omnia alia causa continetur; ratio autem huius numeri est, quia tot debent esse genera causarum, quot variorum rationes, quibus aliquid ab alio pendet, istarum autem sunt quatuor.

257 NAM vel pendet, quid ab alio extrinseco sibi, vel intrinseco; si ab extrinseco, vel ut ab eo à quo primo est, & est efficiens; vel ut ab eo, propter quod est; & est finis; si ab intrinseco, vel pendet ab eo, ut ex quo est; & est materia; vel ut ab eo, quo, & per quod est actu, id quod est, & est forma.

258 ATQVE ex his duo colliguntur. Alterum propriissime causas esse efficientem, & finem; tum quia efficiendi nomen, omnibus commune, sibi proprium fecere, præsertim efficiens; tum quia à quo magis propriè quid pendet, id etiam verius est illius causa; minus autem propriè quid pendet à suis partibus intrinsecis, quam à principiis extrinsecis, quia dependentia exigit distinctionem, quæ maior est hic, quam ibi.

259 AL-

- 259 **ALTERVM** est in rebus tantum compositis, reperiri hoc quadruplex genus causæ, nam intelligentiæ, & anima ipsa finali tantum, & effectrice causa constant, omnis materiæ expertes propriè loquendo, & omnis formæ.
- 260 **VNDE** fit, quo vnumquodque pauciores causas habet eo esse perfectius, quia quò quid minus dependet, eo etiam est excellentius cum minus indigeat alterius opis. Sic Deus nullius indigus, nullas causas habet: Intelligentiæ illum tantum; inferiora, vt imperfectiora, illum & alias plures.
- 261 **SPECTANTVR** autem à Philosophis quatuor in vnaquaque causa; causalitas (vt pinguius loquamur) ratio causandi; causatio, siue actualis influxus, in opus, & effectum, & modus, conditioque causandi.
- 262 **CAUSALITAS** est in vnaquaque causa genus ipsum, causandi quo censetur; qui est certus cuique modus terminandi dependentiam effectus; ratio causandi est id, quo causa aptatur; causatio, est actualis operatio, & functio causæ; conditio, & modus est id, sine quo causa non efficit.
- 263 **ITAQVE** in efficiente causalitas est esse id à quo propriè aliud pendet vt à quo est; ratio causandi, est forma, qua instruitur ad agendum; quæ in agente artificioso est idea; in agente per voluntatem est conceptus, & voluntas finis; in agente naturali est propria forma; Causatio & influxus, est actio & motus; conditio requisita, est propinquitas ad subiectum immutandum.

264 IN fine verò causalitas est esse id, propter quod, aliquid est, vel fit; ratio cauſandi, est bonitas, & conuenientia: Cauſatio est influxus; conditio est apprehendi.

265 A T materia, & forma causalitas cōuenit, quod vtraque est, quid ex quo constat opus, & effectus; sed dispariter; materia, est id, ex quo, vt recipiente, Forma id ex quo, vt perficiente. Ratio cauſandi in materia, est uis receptiua, in forma, uis perfectiua; Cauſatio materiae, est constituere compositum recipiendo alteram partem, formae perficiendo. Denique conditio requisita, est vtriusque propinquitas, & coniunctio.

266 C V M autem iam fusè de materia, & forma dixerimus in particulari, erunt hic nobis tantum quædam delibanda de efficiente, & fine; efficiens igitur, quod ab Aristotele definitur, primum principium mutationis, & quietis, multipliciter diuiditur ex multiplici capite.

267 PRIMO ex vario ordine cauſandi, secundo ex vario modo, tertio ex diuersa ratione continendi effectum: ex primo capite diuiditur efficiens, in vniuersalem, vt est Cælum, & particularem, vt hic ignis; in causam primam, vt est Deus, & in secundas vt aliæ creatæ: in causas connexas, quæ subordinatæ appellantur, vt Deus, sol, homo: & indiuinctas, seu nō subordinatas.

268 EX modo cauſandi diuiditur efficiens in per se, & per accidens; & hæc rursus duplex est, alia per accidens ex parte causæ, alia ex parte effectus: ex parte causæ, omne id dicitur causa per accidens, quod est  
con-

coniunctum cum illo, quod per se operatur nil tamē  
ituans ad effectum sic musicus ædificat Phylolophus  
belligeratur.

- 269 CAVSA per accidens ex parte effectus talis dici-  
tur, in ordine ad ea, quæ coniunguntur, vel conse-  
quuntur ad id, quod primario ab illa efficitur, & hæc  
causa per accidens triplex est.

- 270 PRIM A dicitur remouens prohibens; vt qui  
incidit funem, quo lapis suspendebatur, per se est cau-  
sa incisionis, per accidens, descensus lapidis qui à fune  
detentus descendere prohibebatur.

- 271 AD hanc causam remouentem prohibens Ga-  
lenus duplicem aliam reducit, vnam. quæ remouet  
contrarium aliquod à cuius præsentia aliæ causæ ope-  
rari verabantur, hæc enim est per se causa remotionis  
contrarii, per accidens effectus, qui consequitur ab  
alijs ex illius absentia.

lib. primo  
de simplic.  
med. facult.

- 272 SIC Scamonea dicitur refrigerare corpus, licet  
ipsa sit calida; quia rubram bilem expellit à qua cor-  
pus calefiebat; & qua præsentem medicamenta frigi-  
da, non poterant in corpus, vim suam exercere.

- 273 ALTER A, quæ ad remouentē prohibens re-  
ducitur, est quæ inducit aliquam qualitatem, qua præ-  
sente, sequitur certus effectus ab alia causa; sic aqua ge-  
lida leuiter affusa corpori, dicitur calefacere per acci-  
dens; quia restringit & coarctat cutem, vnde prohi-  
betur transpiratio caloris, qui inclusus, ob id acius  
exæstuat, & nos calefacit.

Gal. primo  
de simplic.  
med. facult.

- 274 SECUNDA causa per accidens est occasiona-  
lis, quæ quid præstat, sine quo aliquis effectus vt.

plurimum non existit; cum quo tamen necessario non coniungitur; sic barbara crudelitas Tyrannorum per tormenta defauens, causa dicitur gloriæ martyrum: & qui laetum conuiuium præbuit causa crudelitatis conuiuarum.

275 TERTIA causa per accidens est cum quid consequitur præter intentionem, aut finem operantis, & hæc duplex est, Fortuna, & Casus, Fortuna, dicitur cum agens est per intellectum, Casus, cum sine illo.

276 DICITVR autem fortuna bona cum quid aliud agenti interuenit præter intentionem, quod tamen ipse voluisset si præsensisset sic fortuna bona est, cum quis vitem repastinās thesaurum effodit. Mala autem fortuna est, cum quid obuenit, quod omnino quis nollit, ut cum agrum colens elapsum ex manubrio ferrum sibi, vel alteri impingit.

277 VNDE constat vnā, & eandem causam diuersimodè consideratam posse esse causam per se, & per accidens: vnus enim, & idem equus per se est causa equi geniti, per accidens autem portetosi illius capitis: omnia enim monstra quæ talia sunt à casu fiunt.

278 ET eundem effectum posse esse à fortuna, & à casu, vulnus enim Sempronii respectu lapidis temerè cadentis est à casu, respectu Petri inconsultè proijcietis, est à fortuna, respectu verò Dei omnia disponentis, nec à casu est, nec à fortuna, sed à causa omnia prospiciente.

279 EX tertio capite ex vario scilicet modo continendi effectum diuiditur efficiens primo, in æquiuocum, & vniuocum, secundo in totalem, & partialem:

Acqui-



Aequiuocum est, semper nobilius effectu, quem continet per formam nobiliorem, ut sol, respectu lapidū, & metallorum; vniuocum verò est eque nobile, & eadem forma constituitur, quam tradit effectui; est autem causa totalis, quæ per se in suo ordine sufficit, ad totum effectum præstandum; partialis, quæ alterius indiget.

280 AD efficientem igitur reducitur idealis causa, & instrumentalis: nam idea est efficiendi per intellectum ratio agendi; instrumentum verò est, omni agenti adminiculum, quo agit, vnde idea reducitur ad agens ut constituens, instrumentum, ut illi inferiens.

281 FINIS verò qui est id propter, quod aliquid est vel fit, duplex est: vnus cui, alter, cuius gratia, ille est cui bonum volumus, hic est bonum, quod volumus, siue ea voluntas sit naturalis, siue elicitā; nam agere propter finem, non tantum conuenit intelligentibus, sed etiam sensu carentibus.

282 CAVSAT finis cui ut plurimum secundum esse reale præsens. Finis cuius gratia, ut plurimum secundum esse futurum. Conditiō tamen requiritur respectu agentium inanimatorum, propensio naturæ in certum bonum, respectu intelligentium verò apprehensio boni, & conuenientis, quod semper reale, quid est, licet non semper ibi verè sit, ubi apprehenditur esse.

## AFFECTIONES COMMUNES

*corporis naturalis. Sect. Octaua.*

283 **A**M verò ijs dotibus omne corpus naturale instructum est, quæ maximè aptæ sunt ad finem, quem sibi singula in hac rerum vniuersitate propositum habent, consequendum; & quem maximè respicit, oïum reatrix, & moderatrix diuina prouidentia in mundi gubernatione.

284 **OMNIA** enim, quæ vsquam sunt, vt non vno in loco pronunciauit Aristoteles esse, & existere flagrantissimè expetunt; in hoc vno voto consentiunt, & concordissime conspirant alioquin non solum inter se dissimilia, sed etiam pugnantia.

9 Eth. ca. 7.  
primo phy.  
t. 81 secundo  
de gene. t.  
39. secundo  
de anima t.  
34.  
Auer. primo  
phy. cō.  
78.

285 **VNDE** est, quod quæ sunt quam diutissimè esse cupiunt, & ob id quantum possunt ab omni se ui cōtraria tutantur, & seruant: & quia cum caduca sint non semper in se ipsis possunt existere; saltem in sua specie maximè satagunt superesse, & in quam similimo sibi quodammodo remanere.

Arist. 2. de  
anima t. 34.

286 **DATA** igitur est vnicuique uis agendi operandi, & alia transmutandi per quàm & se conseruāt, alienam vim repellendo, & suam speciem propagāt sibi simile progignendo; cuius actus dicitur esse actio operatio, & motus; quæ prima est, & notissima proprietas corporum naturalium; in ordine ad quam natura definitur; principia stabiliuntur; causæ inuestigantur, & declarantur; ostensiones formantur.

287 **EST** igitur vna, & eadem res motus, operatio  
scu

# AFFECTIO NES. 55

seu actio Physica, & passio : passio est qua recipitur operatio qua proficiscitur ; motus qua inter duos terminos alternat.

288 EIVS conceptus rudis, & maximè cuique obtius est, esse id, quo res aliter nunc se habent quam antea : id enim ex Aristotele concipiunt omnes moueri, quod aliter se habere cernunt, quam se habebat ; vnde fit motum esse quasi principium primum Philosophandi, vt & strepitus, & turbæ, quælibet in domo aduertunt animos ad causam inuestigandam.

289 EX eo enim, quod aliter se res habeant, & varientur, excitatur nouitate admiratio ; ab hac inspicendi studium ; hoc accendit ardorem inquirendi, & causas scrutandi ; vnde deinde principiorum cognitio paritur, qua Philosophia vera continetur.

290 HIC igitur motus latissimè sumptus quo nihil est in rerum natura rudi cognitione notius ; si definiri pressus debeat eludit quodammodo vires intelligentiæ nostræ, & ita elabitur, vt comprehendi uix possit.

291 DE quibus enim certissimè, & clarissimè agnoscimus an sint difficilimum vt plurimum nobis est videre quid sint. quid clarius luce qua illustrantur omnia ; quid exploratius tempore quo omnia continentur ; vtriusque tamen essentia altè sepulta latet, pendente lite quid tandem sint.

292 ITA QVE motum notissimum, Aristoteles nobis obscurissima definitione explicauit dum dixit ; eum esse actum entis in potentia prout in potentia qua definitione profecto notior est motus ipse, non notitia Philosophica ab arte accepta ; sed anticipata,

&

& rudi à natura informata.

293 FALSVM enim est, quod quidam sibi valdè persuaserunt, omnes scientificas definitiones notiores esse debere definito sub omni ratione considerato: nam definitum ipsum semper notius est, quo ad an sit, & notione quid nominis, non tamen sciētifica.

294 HAC igitur definitione significauit Aristoteles motum esse formam quandam imperfectam, quæ non expleatur defectus subiecti in certo genere, & illius potentia perficiatur; sed quæ sit via, ad id, quod explet inducendum, quæ est forma in suo genere, & specie perfecta.

295 PERINDE igitur est esse actum entis in potentia, prout in potentia, ac esse actum non excludentem se ipso formaliter priuationem materiæ; nec expletem in certo genere potentiam illius, sed qui sit via ad illud.

296 QVARE omnes motuum species, & diuersitates hac definitione compræhenduntur: nam hic definiuit Aristoteles eum motum, qui est necessarius ad cognitionem naturæ, & per quem principia triarum naturalium stabiliiuit; hic autem est motus latissimè sumptus nullum excludens, omnes amplectens, laxissimo sinu.

297 MOTVS igitur potest diuidi, vel essentialiter vel accidentaliter: essentialiter diuiditur in ordine ad ea, quibus in sua specie constituitur; accidentaliter in ordine ad alia quæcunque; sortitur autem essentiam motus à termino ad quem; considerato tamen formaliter cum aliqua cōnotatione, ad terminum à quo  
su.

subiectum, & principium mouens.

298 ITAQVE quadruplex genus motus statuitur generatio ad substantiam, ad quam reducitur corruptio; alteratio ad qualitatem; accretio ad quantitatem, ad quam reducitur diminutio; latio ad locum.

299 IIDEM igitur sunt motus specie, qui habent eundem terminum specie; ac longè plura requiruntur, ut motus sit vnus numero; nempe identitas numerica vtriusque termini, subiecti quod mouetur, principij mouentis, & temporis.

300 ACCIDENTALITER verò diuiditur motus quadrupliciter: ratione durationis; subiecti; principij, & in comparatione ad alios motus: Ratione durationis alius est subitus, & momentaneus; alius temporalis: ex his alius tardus, alius velox, alius regularis, alius irregularis; alius vniformis alius inconstans, & difformis.

301 RATIONE subiecti, alius est naturalis, alius non naturalis: ex his, alius violentus, alius præter naturam: ratione principij, alius est à natura alius à voluntate, alius ab arte.

302 IN comparatione verò ad alios motus, vnus motus dicitur respectu alterius oppositus, disparatus, similis reflexus, quæ omnes, diuisiones proportionem quadam reperiuntur in omni genere motuum notissimæ autem sunt in genere motus localis.

303 PROPRIISIME enim nomine motus, localis censetur, & designatur, inter cæteros omnes perfectissimus, & notissimus, & per cuius analogiam reliqui omnes explicari clarius possunt.

H 304 PER-

304 PERFECTISSIMVS enim est, quia solus sine destructione sui subiecti est; & cum alij sint ad singula conseruanda, & propagáda; hic institutus est ad vniuersitatem rerum perpetuandam; vnde & Cælo nobilissimo corpori competit; notissimus verò est, quia in omnes sensus incurrit.

305 QVAE enim loco-mouentur, & oculis percipimus, & aure aduertimus, & odoratu sentimus, & gustatu dignoscimus, & palpando experimur.

306 INDE est, quod omnes physicæ rationes ab *primo phy. prox.* Auerroe dicuntur cum motu intime concretæ ad quem omnes tandem, vel aperte vel tacite resoluuntur: sine ipso enim nullus alius motus contingit, ipso autem est ubi nullus alius motus est.

307 NAM vt generationes rerum, & vicissitudines contingant, primum quod ante omnia requiritur, motus est & conuersio ipsius cælestis orbis; salutarem vim aliorum, & solis præcipue deferentis terris & inferioribus corporibus pro cuiusque exigentia dispertiendam. *Aristoteles secundo de gener. 4. 56.*

308 PRAETEREA vt singula particularia agentia vires suas exerant opus est vltcrius loco moueantur, & accedant ad subiectum transmutandum, vel hoc ab illa; & in ipsa actione quot locales motiones intercedunt; quot sequuntur adeò vt motus localis, & præcedere, & comitari, & subsequi quarumlibet rerum ortum, & interitum semper debeat.

## Q V A N T I T A S.

309 **S**ED vt motus hic contingat, opus est alio notissimo accidente, res corporatas informari, quod est quantitas; cuius hic nobis quatuor causæ, & proprietates breuiter sunt explicandæ.

310 **CONSIDERANDVM** proinde est à quo fiat vt ab efficiente: à quo fluat vt à subiecto: propter quid sit intenta, vt propter finem: qua definitione, & ratione censeatur vt forma: in quo subiecto sit vt in materia.

311 **NAM** ab efficiente eodem est, à quo est materia prima; à subiecto prouenit quasi passio ab eadem materia prima; primus eius conceptus definitiuus, & formalis est, esse primam originem diuisionis in partes eiusdem rationis; eius finis proximus est multiplicatio specierum, & indiuiduorum; remotior propagatio rerum; vltimus, & adæquatus, conseruatio vniuersi.

312 **QVANTITATIS** autem proprietates, quæ ex illa vel sine illa saltem non consequuntur; sunt localitas extensiuæ per occupationem loci; terminabilitas; posse condensari, & rarefieri; comprimi vel dilatari; diuidi semper in partes diuisibiles.

313 **ITAQVE** nulla est quantitas actu infinita aut esse potest; quia omnis est terminabilis, & terminata: nulla cõponitur ex Atomis impartibilibus, quia non esset semper diuisibilis indiuisibilia; nulla est in com

H 2 posito

posito nisi vna; quia non fluere à sola materia: nulla potest esse in nullo loco nisi vna; quia non esset locabilis per extensionem.

314 **DIVIDITUR** autem quantitas multipliciter primo in continuam, & discretam (nemo quæso hic me carpat; si vtor nominibus consuetis in opere impedito, & facundia minimè capaci.)

315 **CONTINVA** diuiditur ratione extensionis, vel terminationis: ex illa in latitudinem, longitudinem, profunditatem, ex hac, in bicubitam, tricubitam, quadratam, circulem, &c.

316 **QVANTITAS** autem discreta non est distincta species quantitatis. sicut nec propriè loquendo longitudo sola, aut latitudo; nam sicut plures homines non faciunt distinctam spem hominis; ita nec plures quantitates distinctam speciem quantitatis; quantitas autem discreta, est quantitas continua multiplicata; itaque differt ab illa, quod continua, vt sic, est diuisibilis, discreta verò diuisa.

317 **SIMILITER** non est species quantitatis sub qua nullum certum esse indiuiduum potest: nulla autem inuenitur longitudo sola; aut sola latitudo; sunt igitur istæ inadequatæ rationes concipiendi eandem quantitatem non distinctæ, & perfectæ species illius.

318 **EX** his autem constat quam consulto naturalia corpora natura instruxerit hoc accidente: est enim maximè necessarium ad propagationem specierum, in qua vniuersi conseruatio consistit.

319 **VT** enim naturalia corpora novos fetus cadentibus substituunt, & quotidianas mundi ruinas, nouo

de-



delectu refarciant ; debent inuicem posse agere: ad quod opus est vt in eadem materia conueniant.

320 P R A E T E R E A nunc huc nunc illuc deferri debent: ad quod vtrumque requiritur quantitas quæ & materia in varias positiones dissectetur ; & corpora possint alio aliunde transmigrare, & sibi mutuo proxima fieri.

321 S E D quia de re partibili sermo est iniectus, non ab re fuerit eius naturam hic in vniuersum strictim descriptam proponere : partibile igitur duplex est, vnum per aliud , alteram per se : hoc etiam duplex ; fluens & permanens : illud motus , & tempus , hoc extensuum, & intensuum: illud quantitas, hoc qualitas & quæcunque noto Phylosophis vocabulo magis, & minus suscipiunt.

322 I N his omnibus considerantur partes, & termini: partium alia æquales alia inæquales ; ex his alia proportionales , alia nulla certa inter se lege iunctæ: ex æqualibus alia dicuntur communicantes , quæ sunt in vnoquoque partibili infinitæ; alia non communicantes , quæ semper sunt finitæ.

323 T E R M I N I verò dicuntur ea infecabilia quibus partibilia finiuntur : & hæc alia sunt vndequaque indiuidua, vt puncta alia aliunde tantum, vt linea & superficies: porro vndequaque indiuiduum suum in vnoquoque genere partibilium proprium est.

324 N A M omnino infecabile in tempore dicitur instans, & nunc: in motu mutatum esse: in quantitate punctum: in qualitate communi nomine nuncupatur indiuisibile, & terminus illius generis:

L O.

- 325 **P**OST quantitatem sequitur Locus affectio etiam rerum naturalium : nam nulla est, quæ non sit vel locus alterius ; vel collocata in altero ; vel vtrumque simul : tantum locus est Cælum ; tantum collocatum est terra ; vtrumque simul reliqua omnia.
- 326 **V**T autem sit aliquod corpus alterius locus, & ipsum etiam in altero locatum prouenit à quantitate : nam ab ea est vt quid possit gremio suo aliud cõplecti, & ab eadem vt possit ab alijs vndeque concludi.
- 327 **E**T hinc colligitur quid sit, propter quid sit, & poris ambientis immobilis : finis illius est vt in eo, vel quotuplex sit locus naturalis : est enim superficies conferuentur uel multiplicentur res naturales, & fiererum species perpetuo perennent.
- 328 **D**IVIDITVR autem locus in extrinsecum, & intrinsecum ; extrinsecus alius realis, & Physicus, alius conceptus qui & imaginarius : realis est iam definitus ; conceptus spacium illud inane est, quod sua corpulentia intelligimus replere corpora : intrinsecus verò est modus quidam, quo res quælibet formaliter statuitur, & collocatur, & appellatur vbi intrinsecum.
- 329 **V**T E R Q V E locus est terminus motus ; sed intrinsecus proximus extrinsecus remotior ; ille propriè fit ; hic intenditur per motum ; & ad hunc extrin-

Phy. 1. 35.

et insecum res naturales sunt ordinatæ ut in ipso bene, vel malè sint, & ineluctabili coniunctionis nexu constringantur; dum enim quælibet vel locantur, vel locant necessario omnium connexio consequitur.

330 QVARE nil reperitur in natura inane, & vacuum; id est nullus locus est, qui priuatus sit corpore; quod continere possit; si tamen diuina virtute à qua tantum posset existere, vacuum aliquod reperiretur; posset in eo fieri motus temporalis tam animatorum quam inanimatorum.

331 Proprietates verò loci assignatæ ab Aristotele conueniunt loco extrinseco, & naturali: ut sit immobilis: ut separabilis à locato: ut ipsi æqualis: ut ipsum alliciat remotum, & præsens foueat: & ut habeat differentias situs.

Aristoteles  
4 phys. a. 6  
31.

332 EX his immobilitas accipienda est in ordine ad motum locati: ut scilicet sit immobilis non quomodocunque sed ad motum locati, quem non comitemur; per quod distinguitur locus propriè sumptus à vase.

333 EX his autem necessitas loci extrinseci, ut à nobis est definitus in rerum natura statuitur: primo ut res naturales conseruentur, & ad inuicem agant: secundo ut possint indirectum hinc inde moueri, & per motum accedant, vel ad id à quo foueantur, vel ad id cum quo luctentur: vnde consequitur, vel ipsa conseruari in se ipsis, vel propagari in sua specie.

334 MOTVM autem localem consequitur tempus de quo nobis breuiter à quo sit in quo sit, quid & quotuplex sit est considerandum.

345 EST

335 **EST** enim ab eodem a quo est motus; & in eodem in quo recipitur motus; & definitur ab Aristotele numerus motus secundum prius, & posterius; diuiditur in extrinsecum, & intrinsecum.

336 **DEFINITVM** autem est ab Aristotele non ut est sola duratio motus, sed ut dicit præterea aptitudinem ad mensurandam alicuius permanentiam inesse; siue ea sit successiua, siue permanens: & propterea dictum est tempus ab Aristotele numerus id est mensura: ab Auerroë pendere ab anima, & ab utroque tempus commune omnium esse motum primi mobilis, quia ille est notissimus, & certissimus, quod requiritur ad rationem mensuræ.

## C A E L E S T E C O R P V S.

*Prima pars mundi. Sect. Nona.*

337 **S**ERTVM quoddam, ac corona Mundi corpus illud est, quod veluti monile ex confertis orbibus, ut annulis contextum, & stellis quasi gemmis illuminatum Cælum appellatur ab eximia cælatura operis, seu quod omnia cælat, & cingat ambitu, & amplexu suo.

338 **EIVS** considerationem ad naturalis Philosophiæ tractationem pertinere nemo sanæ mentis inficiabitur: est enim Cæleste corpus inter egregia naturæ opificia præstantissimum, ac nobilissimum, & omnium simplicium corporum obtinet principatû.

339 **PORRO** cælestes Orbes in rerum natura reperiuntur, ut ipsa experientia non interdum solum ex solis aspectu

aspectu, sed in noctis etiam tenebris ex Astrorum luce comprobamus; ita ex circulari motu, qui alicui corpori necessario tribuendus est indagavit Aristot.

lib. primo  
de Cælo.

340 HOC tam præclarum opus diuinæ potentia, non est vnum è quatuor elementis; sed alterius naturæ ab illis, compositione simplex; ordine primum generatione quasi diuinum; conditione inuiolabile.

341 NON tamen ideo probabilis redditur eorum opinio, qui à Cælo omnem materiam secludunt, tum quia parum Philosophica est, & Aristotelica, tum quia dissentit à placitis antiquorū Patrum, qui ad ca. 7. Geneseos de rerum procreationibus disputantes tanquam ratum, ac firmum supponunt corpora omnia tam cœlestia, quam terrestria ex materia coauiisse.

1. Celi 2. 91.  
& 97. Basil.  
hom. 1. he-  
xam. Amb.  
ibid Aug.  
13. confel. c.  
11. & 12.

342 NVM verò materia, ex qua componuntur cœlestia corpora, à materia rerum sublunarium diuersa sit, vt non vno in loco affirmavit Philosophus, ita æqualia vtrinque rationum pondera, ac momenta vtramque partem probabilem reddunt.

2. met. 1. vlti  
mo 9. met. 1.  
17. 8. met. 6.  
12. 12. met. 6.  
10.

343 QVOAD formam Cæli attinet, nullo modo audiendi sunt veteris Philosophiæ Principes tã Græci, quam Aegyptij, qui mundum hunc esse ingens quoddam animal, omnesque eius partes anima præditas esse asseruerunt.

Apud Plato-  
nem in Cra-  
tylo.

344 ET multo minus probabile est Intelligentias, quæ suapte natura ab omni corporis concretionem separatae sunt, Cælum informare, vt credebant Athenienses; qui idcirco Anaxagoram reum iudicarunt, quod eam rem constanter negans flagrantē lapidē solē esse prædicaret.

Laert. I eius  
vita.

lib primo  
peti-cap 7.

345 OMNIVM verò pessime sensit Origenes, qui  
stellas non modo animalia viuentia esse dixit; sed  
etiam virtutis, ac vitij capaces, proficereque in acti-  
bus studiosis, & deficere. Quarum virtutem si non su-  
perasset ipse Origenes, stipes proculdubio inanimis  
fuisset.

346 AT enim quamuis forma Cæli non sit anima  
aliqua, cælūq; sit inanimatū; vincit tamen nobilitate  
reliqua vitæ expertia corpora, & plura viuentia, ita  
superat; vt cum illis quasi de nobilitate contendat.

347 QVAMOBREM cum Cælum diuersam ha-  
beat saltem formam (nam de materia est magis du-  
bium) à forma rerum sublunarium, concludendum  
est illud esse quintam illam, quæ ferme in prouerbiū  
abijt, substantiam Peripateticorum.

Theodoret.  
l. de mat. &  
mundo.

348 EX quo apparet inanem esse, ac futilem opinio-  
nem Pythagoreorum, qui Cælum nil aliud esse dice-  
bant, quam igneum globum, qui cum celsiorem Mū-  
di partem occupasset, nec iam altius potuisset euehi  
sele in gyrum composuerit, ad eum modum quo flā-  
ma, quæ vbi concameratæ fornacis summitatem at-  
tingit, in conuexam effigiem destititur.

Mirandall.  
de exam. va  
rit. c. 12.

349 PARI modo corruunt aliorum Phylsophorū  
placita, vt Empedoclis, qui Cælum credidit esse velu-  
ti solidam CrySTALLUM compactam ex aere, & igni.

Plato in Ti-  
mæo.

350 VT Platonis, qui cælestem orbem noluit quidē  
esse prorsus igneum, neque prorsus aeris naturam  
participare; sed constitui ex floribus quasi, & delitijs  
elementorum.

351 HVIVS tam egregiæ molis si statum specte-  
mus

mus, nihil firmitus: si ordinem, nihil certius, si pulchritudinem, nihil elegantius est, ut non immerito proditum sit à Philone Iudæo, hominem à Deo introductum in hunc Mundum, tanquam in theatrum admirandis refectum spectaculis, quæ præcipuè Cælum exhiberet.

lib. de mundi opificio.

352 NAM licet perpetuo motu cœatur; ita tamen firmum est; ita fixum, ut non sine magna sapientia Sanctissimus ille Iob veluti solidissimo ære fusum pronunciaret:

Iob. c. 1.

353 ET cum in eo consentiant tum Astrologi omnes, tum Philosophi, ut asserant cælestia corpora sibi inuicem cohærentia esse, non tamen per tot sæculorum ætates citatissimo motu circumducta, vel atteri potuerunt, vel vlla sui parte labefactari.

354 QVÆ res effecit, ut omnes arbitrentur Cælum nullo vnquam interitui obnoxium fore; Quamuis id & Plato, & quidam Antiquiores Philosophi, & Platonici, quidam SS. Patres pernegarint.

Plato in Timæo.  
D Basil. hō.  
3. in Gen.  
Theodor. in comment.  
super 2 cap  
epist. ad Romanos.  
Damasce. l. 1.  
s. d. orthod.  
& D. Christof. hom. 9.  
& 10. ad pop. antioch.  
Iulianus ad gentium  
q. 93. 94. 95.  
D. Ambr. l. 1. Hex. c. 6.

355 QVOD si interdum in ipsis cælestibus Sphæris aliqua visa fuit immutatio, ut anno 1572. cum apparuit noua stella in signo Cassiopeæ, & anno 1604. in cauda scorpionis, id vel miraculo tantum ad aliud quod infinitæ potentæ effectum portendendum coniugisse dicendum est; vel certe eas stellas duas ex antiquis fuisse, quæ tardissimo motu in epicyclo circumactæ non nisi multis sæculis interiectis nobis appare-re possint.

356 IAM verò ordo tantus in cælo est, ut cum diuersis motibus, iisque partim citatissimis, partim lentissimis

tissimis circumuoluatur; nulla tamen confusio, nulla vel mouentis tyrannis, vel moti renitentia deprehendatur.

lib. 1. celest.  
mouat.

357. **NEQVE** enim verum esse potest, quod ex antiquis Pythagorici; ex recentioribus Nicolaus Copernicus dixerūt; Cælos videlicet omnes quiescere, terrā ipsam diurna reuolutione circumduci.

358 **LONGINQVO** interuallo abest à verisimili eorum sententia, quæ vnum tantum corpus, siue vnā tantum Sphæram Cælum esse ait, in qua omnia astra tam errantia, quam inhærentia instar piscium transmeant.

359 **NON** enim Cæli sunt pauciores decem, eo ordine collocati; vt infimum locū possideat Luna; secundum Mercurius; tertium. Venus; quartum Sol; Mars quintum; sextum Iuppiter; Saturnus septimū; Firmamento octaua cōtingat sedes; nona cælo Cristallino, decima primo mobili.

360 **EX** astris verò, quæ singula singulos habent orbem, ea planetæ nominantur, & errantes stellæ; reliqua non errantes; non quod reuera non circumagantur; sed quia eundem semper inter se situm, distantiamque seruant.

361 **HAS** omnes Sphæras inter se specie differre aptissimè indicant, & diuersæ proprietates; & oppositi, vel certe diuersi motus; & clarissimorum Philosophorum, & Astrologorum consensus.

362 **NON** est tamen necesse materiam vnus cæli diuersam esse à materia alterius; quamuis id esse non repugnet; sed contrarium probabilius videtur.

363 **ASTRA**



363 ASTR A etiam habent eandem nō modo materiam, sed etiam formam cum suis orbibus totalibus; solis tantum quibusdam accidentibus inter se differunt, quæ formarum diuersitatem arguere non possunt.

364. POST ordinem, stabilitatem, ac firmitatem Cæli sequitur pulchritudo ex reliquis accidentibus, & præcipue lumine emanans; quæ tanta est, vt teste Seneca Sapientissimo Philosopho nos faciat, & diuitum pauimenta ridere, & totam cum auro suo terrā.

Seneca in  
exordio  
nat. quæst.

365 L V M E N igitur licet à sole tanquam à rege in reliqua omnia astra abunde deriuetur, ipseque reliqua omnia lumina, quæ in hac Vniuersitate reperiri possunt, longissimè vincat; habent tamen, stellæ omnes innatam sibi lucem, inditamque à natura.

366 C V M Q V E Cæli omnes simpliciter sint perspicui, & opaci secūdum quid, rarique aut densi; hinc fit, vt diuerso modo transfusam sibi à sole lucem accipiant.

367 E X qua re prouenit in firmamento circulus ille, qui à candore lacteus dicitur; nihil enim est aliud, quam pars firmamenti continua, & densior alijs partibus Cæli, quæ lumen solis ita recipit; vt reliquorum tamen astrorum lucem æquare non possit.

368 I A M verò vt astra omnia, & melius mutuatum à sole lumen acciperent, & proprium commodius transmitterent in omnes partes, data est illis Sphærica figura.

369 Q V A E cum sola omnes alias figuras complexa contineat, quæque nihil asperitatis habere, nihil  
offen-

offensionis potest; nihil incisum angulis, nihil anfractibus, nihil eminens, nihil lacunolū, aptissima erat ad motum circularem, qui Cælo erat cōmunicādus.

370 APTIOR etiam fuerat hæc figura corpori vastissimo, quale est Cælum, quod quantitate propriè dicta extenditur, non secus ac sublunaria corpora, ut ideo sapientissime Sanctus Iob dixerit sicut pellem cælum à Deo extendi.

Iob.

371 ET quamvis hæc figura non erat ita necessaria astris ipsis; tamen & solem, ac lunam hanc eandem figuram habere certum est experientia, & reliquas stellas ex Sole, ac Luna eandem habere coniicimus.

372 ERAT præterea conueniens hæc figura cælestibus orbibus ob temporū vicissitudines; ipse enim Sol planetarum princeps perpetuo in gyrum iter suū prolecutus quatuor anni tempestates facit: idem primi Mobilis impetu tractus modo noctem, dulcem laborum metam inducit; modo diem clarissima luce operum effectricem importat.

372 HIC motus in Cælo non fit à forma ipsius Cæli, sed ab Intelligentia assistrice, & residente in determinata parte Cæli, quæ ex Philosopho dextera, & orientalis dicitur.

Arist. 2. cæ-  
l. c. 2, & 3.

373 NON est autem vna Intelligentia, quæ molem illam omnium cælestium corporum moter; sed totidem sunt, quot ipsa corpora, licet non repugnet vna Intelligentia omnes orbes agitari.

374 FALSVM item est, quod alij astruunt, nimirum cælum ab Intelligentia moueri per intellectum, & voluntatem, cum potius moueatur à potentia motiua

tiua

motiua realiter ab ipsa distincta.

375 V E R V M motus iste non dicitur innaturalis ipsi Cælo, eo quod fiat à principio extrinseco; sed naturalis, non modo materiæ, quæ sit apta ad illum recipiendum, sed etiam formæ, quæ ad illum inclinetur.

376 E S T præterea motus, ut etiam lumen instrumentum, quo cælestia illa volumina in hunc sublunarem mundum perpetuo agendo, vel nondum producta in lucem edunt: vel producta conseruant.

377 E T hæc est ratio cur cælestem motum similem motui cordis dixerint Phylosophi; quia ut optimè dixit Aristoteles, motus cælestis est quasi vita cæteris corporibus in natura existentibus. Arist. 2. lib.  
Phy. c. 2. 8.

378 V N D E non insulse Plato in Timæo per catenam auream, de qua scripsit Homerus 8. Iliados significari credidit nexum, dependentiamque inferioris mundi à cælesti.

379 D E B V I T ideo hic motus esse, ut est, omnino æquabilis, omnino ordinatus; unde semper perpetuamque legem absque vilo defectu seruaret; quare nulla in cælo nec fortuna; nec temeritas, nec erratio, nec vanitas inest; contraque omnis ordo, veritas, ratio, constantia.

380 E S T autem motus non solum pura conditio, sine qua cælum agere non posset in hæc inferiora, ut quidam Phylosophi putarunt; sed est illi aliqualis ratio agendi, licet non adæquata, & totalis, ex placito Peripateticorum.

381 L V M I N E verò mediante, non modo gratas dierum, ac noctium vices; statas tempestatum mutationes;

tiones; calorem modo remissum, modo intensum efficit; sed etiam reliquarum rerum omnium procreationes mitum in modum iuuat.

382 SED hoc citra essentialem subordinationem intelligendum est: quocirca si motus cęlorum desineret, licet fortasse aliquarum rerum procreationes breui deficerent; non tamen futurum esset, vt omnia subito pessum irent.

383 CAELESTI pariter actioni; tanquam primę causę instrumento possunt adscribi generationes imperfectorum animalium, eorumque quę ex nullo maris congressu; sed ex putri tantum enascuntur.

384 PERFECTORVM tamen ortus licet cęli actione, & pręcipue solis admodum iuuetur; non tamen dicendum cęlum esse illorum causam; & hoc satis est vt dictum illud Phylosophi verum sit, quod nimirum, sol & homo generent hominem.

1.77.36.

385 PRAETER motum, & lumen, quibus agunt cęlestia corpora, non est à ratione dissentaneum ea etiam agere per occultas quasdam qualitates, quas vocant influentias.

386 QVOD tamen quidā asserunt astrorum ui voluntatem nostram moueri posse ac labefactari; id omnino impium est, ac temerarium; possunt tamen cęli indirecta actione in voluntatem influere, hoc est interuentu organorum; cui tamen nullam queunt asferre necessitatem.

387 EX quo manifestum est non posse astrologos pręnoscere actiones, quę ex humana voluntate pendunt; sed neque successus contingentes, aut casus fortuitos

tuitos certo, & infallibiliter præfagire.

388 A T morbos, frigora, tempestates, sterilitatem, pluuias, siccitatem, terræmotus, aliaque eiusmodi naturalia effecta, quæ infra lunam & cælestium corporum defluxu magna ex parte obueniunt, possint astrologi admodum probabiliter; non tamen certo enunciare.

389 V T R V M vero Empyreum cælum agat in hæc inferiora cum sit pars vniuersi, vniuersi autem partes omnes habeant inter se connexionem, & tanquam eiusdem corporis membra in quandam ordinis vnitatem conspirent, pars affirmatiua videtur probabilior.

390 Q V I D autem eiusmodi influxus præster, aut quousque pertingat, vt in relacente diuinare potius possumus, quàm Phylosophari, nobiliora certè illi effecta ac præstantiora adscribere par est.

### E L E M E N T A.

391 **S** E C V N D A pars Mundi, & species corporis naturalis elementa sunt, quorum de natura potestate, & viribus duobus distincte in locis ab Aristotele est disputatû, vt etiam in hac rerû vniuersitate ipsa quoque duo distincta munera exercent.

a 1. lib. de  
Cælo.  
& a. de Gen.

392 N A M vt Mundum ipsum componunt, & veluti partes constituunt, quibus demptis ipse concideret in lib. de Cælo, & Mundo considerantur vbi etiâ præcipuè agitur de eorû morricibus virtutibus, per quas in hoc vniuerso suis quæque librata ponderibus

Auer. 3. Cæli  
com. 1. &  
vltimo.

K certam

certain sibi stationem singula custodiunt.

393 VT verò occultis inter se dissidijs acta per mutuatam concertationem alternante exitu subinde se inuicem conficiunt, & reparant, & ex se ipsis mixta corpora propagant in lib. de generatione considerata sunt.

Aristotel. 9.  
met. 20.  
2. de gen. 59

394 ITA QVE qua partes Mundi sunt secundum se vniuersim, & vnde quaque accepta sumuntur; qualitatibus mouentibus instruuntur; suis quæque locis disponuntur, immota secundum totum statuuntur,

Auer. 2. meteor. c. 1.

395 QVA verò Mundum nouis fatibus replent. nō secundum totum, sed per partes id fortiuntur: qualitatibus agentibus ad id aptantur: sub inde cadunt, & reparantur, & nunc in se inuicem, nunc omnia simul permixta in composita corpora transmutantur.

396 ITA QVE elementorum contemplatio bifariam diuiditur, & vt sunt partes Mundi, & vt semina eorum, quæ sunt in Mundo; prima autem consideratio præcedit, quia prius est in vnoquoque ipsum esse, quam operari, & potius est in se consistere, quā ab alijs illatam iniuriam propulsare, vel vltro vim inferre, aut aliquid aliud ex se generare.

lib. 1. de nat. hu. lib. 9. de plac. Plat. & Hip. lib. 1. de ele.

397 OR DIENDO igitur à comunioribus, vt ad singula, & propria descendamus, ante omnia nobis ponendum est elementi nomine significari in vnoquoque genere rerum, vt rectè notat Galen. primum, & simplicissimum ex quo illæ constant, & in quod resoluntur: vt litteræ elementa dicuntur dictionum: partes similes elementa animalis: quatuor verò humores partium simularium.

398 PRO-

398 PROPRIE autem definiri potest ex Aristotele elementum esse id, ex quo existente indiuisibili specie in aliam speciem componitur, & in quod resoluitur aliquid: quæ definitio licet verissimè possit secundum aliquem sensum competere causis intrinsecis materiæ, & formæ, & ex his præcipuè materiæ.

5. met. 4. 3.  
cgl. 31.

Auer. 1. ph.  
primo quin  
to met. 4.

399 PROPRIE tamen competit primis corporibus: nam neque materia, neque forma certa specie consistunt: Itaque necesse est elementa esse primas concretas, naturas vel certè completas, ex quibus alia deinde componi corpora possint.

400 ITAQUE elementi nomē si in ordine ad Mū dum ipsum concipiatur non solum quatuor illis notissimis corporibus: sed & Cælo ipsi competit: quatenus tam Cælum, quam elementa sunt prima existentia, ex quibus componitur Mundus indiuisibilia specie in aliam speciem.

401 AT verò considerata ratione elementi in ordine ad mixta generanda, ea nequaquā cælestibus corporibus competit, sed alijs dumtaxat simplicibus.

402 QVATVOR autem esse prima Elementa, ex quibus & Mundus componitur, & mixta gignuntur duplici Methodo indagauit, & collegit Aristoteles, & rationibus non minus firmis, quam patentibus ex duplici capite deductis confecit.

403 VNVM caput est ex qualitatibus motricibus, & diuersitate locorum in vniuerso: alterum ex qualitatibus primarum, quæ in vno, eodemque subiecto inesse simul possunt coniugatione: quot enim primæ loca, & qualitates ad illa tendentes: item quot primæ

coniugationes virtutum agentium toridem esse debere prima corpora demonstravit.

404 *ET* quidem ex locorum diuersitate hic quaternarius numerus sic colligitur; quia cum inane, & vacuum natura refugiat, necesse est omnia latè spatia, quæ sub citima Cæli superficie continentur corpore aliquo illie sponte sua quiescere esse repleta; hoc procul dubio super alia omnia sursum naturali motu feretur, ac proinde leuissimum erit, & hoc est, qui ignis cæteris supereminens appellatur.

405 *IAM* verò longissimè ab hoc dissitum locum, deorsum infra omnia deiectum eodem corpore insideri ui sua non poterit; qui enim quod leuissimum diximus sponte sua infra omnia demittatur? grauissimum igitur esse oportet, quod illuc sponte feratur, ibique placide consistat, & hoc est terra.

406 *INTER* hæc autem tam extreme disiuncta duo alia media corpora intercedere necesse est, quæ illa tanto diuortio segregata mutuo nexu vinciant, & concilient: alterum igne paulo minus leue, alterum terra paulo minus graue; illum aerem hanc aquam appellamus.

407 *AD* harmoniam enim corporum continendam semper consuevit natura extremis media interponere, ut etiam inter mollissimas, & durissimas corporis nostri partes carnem, & ossa media ligamenta sequestræ quasi naturæ conseruit.

408 *EX* motu itaque ratione, & grauium, & leuium corporum natura sic quaternarius numerus elementorum statuitur.




- 409 QVI tamen non minus firmiter, & euidenter colligitur ex quadruplici qualitatū primarū coniugatione, quæ simul possint in eodem corpore colligari.
- 410 NAM tot corpora prima esse necesse est, quot diuersæ primarū qualitatū coniugationes formari possunt: primæ enim qualitates primorum sunt corporum propriæ: vnde tot corpora prima erunt, quot primi possibiles nexus harum qualitatū.
- 411 QVATVOR autem sunt harum qualitatū nexus; nam & calidum, & humidum simul inuicem associantur; & calidum, & siccum; deinde frigidum, & humidum, & frigidum, & siccum.
- 412 FRIGIDVM autem, & calidum, & siccum, & humidum sociari nequaquam possunt; & propterea nec omnes simul hæ qualitates in vno colligari subiecto. Quatuor igitur tantum erunt prima corpora, in quibus quatuor quoque harum qualitatū possibiles coniugationes inerunt, Ignis, Aer, Aqua, Terra.
- 413 QVARE duplex in elementis genus primarū qualitatū reperietur, motricium nimirum, & inuicem agentium: hæ sunt illæ quatuor grauitas, & leuitas simpliciter, grauitas, & leuitas secundum quid istæ itidem quatuor quadruplici inter se nexu sociabiles, caliditas, humiditas, siccitas, & frigiditas.
- 414 EX his virtutibus existimamus motrices simpliciter esse priores agentibus; tum quia eæ competunt elementis, vt in se ipsis consistunt, istæ vt inter se mutuo pugnant: illæ vt Mundum componunt; istæ vt mixta generant; illæ vt sint, istæ vt se conseruent alienam

nam iniuriam propulsando. Prius autem in vnoquoque est, quod ad ipsius esse spectat, quam ad ipsius operari.

415 **QUALITATES** autem alias actiuas, etiā primas dicimus, non simpliciter, sed in genere actiuarū; ex quo fit via generationis qualitates actiuas priores esse mouentibus, non tamen absolutè: primæ autem dicuntur, quod istæ præcipue sint in primo animalis sensu afficiendo, qui tactus est.

416 **CVM** enim tactus sensuum primus sit, isq; plurimum corporeus, quæ hunc feriunt qualitates omnium primæ iure censerī debent à Philosopho naturali, qui ea maximè consecratur, quæ sensibus percipiuntur; maximè autem tactum cōcitant hæ qualitates actiuæ; è quibus aliæ secundæ ortæ illum etiam mouent, sed non ita valide, cuiusmodi sunt, quæ in molli duro, crasso, tenui, leui, aspero reperiuntur.

### *QUALITATES MOTRICES.*

417  **QUALITATES** igitur motrices omnes simplices sunt omnes positivæ, & singulæ inter se specie differentes; licet ob angustiam vocabulorum leuitas aeris, & ignis comparentur inter se quasi in eadem ratione magis, & minus conueniant: similiter & grauitas terræ, & aquæ.

418 **PER** has motiuas virtutes in suis quæque locis elementa consistunt; per easdem inde, se diuellere conanti resistunt; diuulsa, vel aliter longe posita, ab illis violenter absistunt; & ad ea natiuo motu feruntur;

sive

*QUALITATES MOTRICES. 79*

sive cum ab illis violentia extrinseci agentis fuerint abducta; sive cum extra illa ab aliquo gignente fuerint producta.

419 **TRIPL**EX enim motus est, quo possunt elementa cieri, ac proinde quæcunque alia mixta, quorum motus fit secundum elementum reliquis in vno quoque validius primus est natiuus; secundus violentus; tertius medius; qui & extra naturalis dicitur, seu præter naturam; natiuus solum ab his qualitatibus oritur; reliquia duo ab externo principio, sed dissimiliter; nam violentus est, qui natiuum destruit, præter naturalis, qui illum secum admittit.

420 **EX** his tribus moribus solus præter naturam est, quo in totum sumpta, quanta sunt, possunt elementa agitari, ut constat de vniuerso corpore igneo; quod secundum se totum in orbem rapitur à Citima cælestis infimi globi superficie.

421 **RELIQVI** duo motus tantum elementis secundum partem aliquam cōuenire possunt; neque enim potest vllum secundum se totum quam latè patet à sua sede natia alio esse transuectum; vnde fit nec in totum violenter à suo loco posse dimoueri; nec in totum sponte sua ad illud ferri.)

422 **MOTVS** verò iste natiuus, si consideretur ipsius primum principium productiuum fit à generāte; si elicitiuum præcipuum à propria forma; si secundariū à qualitatibus proprijs mouētib; si causa per accidens fit à remouente prohibens; si principium alliciens à proprio cuiusque loco, quo singula tendunt; si iuuans, fit à medio. Itaque si propriè loqui velimus cum

8 ph. à l. 75.

30 *QUALITATES MOTRICES.*

cum Aristotele negandum est à se ipsis elementa moveri.

423 **PORRO** quæcunque naturali motu cientur concitatus eo semper feruntur, quo diutius mouentur; contra verò violentus motus sensim languescens, eo semper est segnior, quo diuturnior. Itaque naturalis motus semper est in fine velocior; violentus verò eo imbecillior, quo fini propinquior.

424 **TANTA** autem est pugna naturæ inter hos duos motus, ut nunquam sine intermedia quiete qua ab inuicem determinentur per se loquendo connecti possint.

425 **ITAQUE** asserimus (nisi aliud obstat, quod inturbet) semper in Articulo quo projectum ad suum locum vi propria flectitur tantisper quiescere: secus cum externa virtute retro pellitur; quare antequam lapis sursum projectus descendat in puncto, ut aiunt reflexionis conquiescit.

426 **QVOD** enim, ut iam monuimus, de motu violento, & secundum naturam elementorum dicimus, intelligendum quoque est de motu concretorum corporum, quæ secundum elementum præualens quæque agitantur.


427 **ITAQUE** tam in simplicibus, quam in compositis, & mixtis corporibus naturalis motus eandem causas principia, & affectiones sortitur; sicut etiam & violentus; cuius principium duplex est, alterum externum impellens; alterum interna virtus ab externa impressione derelicta.

428 **PROINDE** negamus solū medium esse causam  
sam

fam motricem eorum, quæ proijciuntur, aut aliquo impulsu aliter qua pro sua natura agitantur. Concedimus tamen hoc ipsum medium ad hunc motum omnino per se requiri, non solum ut iuuans, sed ut sine quo non possit impellens vim suam, & impulsus in mobili derelinquere.

- 429 SVNT autem violenti motus illæ species, quas Aristoteles 7. Physic. 1. recēset vectio, tractio, pulsio, circumductio; & pulsio quidem diuiditur in expulsionem, & impulsionem; impulsio fit cum impulsus non relinquitur, expulsio cum longe proijciatur, ad quas species omnes alios huiusmodi motus reduci congruum est.

ELEMENTORVM, QVANTITAS,  
*Quæ illam comitantur. Sect. XII.*

- 430  AM verò elementa eadem loca, quæ suis qualitatibus petunt, & retinent, sua quoque mole, & quantitate replent, & occupant, quæ in omnibus finita est, non tamen determinata natura sua aut magnitudine, aut paruitate.

- 431 SVPERANT se inuicem hac in magnitudine, ita ut semper quæ propinquiora sunt Cælo latioribus diffusa spatijs, laxiore quoque sint mole quantitatis effusa. Itaque ignis omnia superat, proxime ad illius magnitudinem accedit aer; terra vero, & aqua in vnum globum ad oportunitatem animantium rotundata, ut sunt utraque acre mole minora, ita utrum alterum mole transcendat ambigitur.

- 432 **Q**UANTITATEM figura sequitur, quæ nulla certa elementis inest ratione naturæ propriæ, a qua fluat; sed tantum ab extrinseco ambiente, vel continente: continentis nomine intelligendo, & extrinsecum corpus gremio suo amplectens, & cætrum alliciens sinu suo fouens.
- 433 **I**TAQVE ignis in orbem conglobatur à lunari corpore, quo continetur; terra autem si pura esset in orbem etiam conglobaretur à centro, quo secundum omnes sui partes alliceretur.
- 434 **H**IC autem apud nos familiaris ignis, qui reperitur, dum sursum flammis tremulus emicat, in pyramidem cuspidatur, quod puriores quæque illius partes reliquas crassiores celeritate transcendunt, quibus dum supereminent, acuminata cuspis sensim descendens in latiore basim dilatatur.
- 435 **P**RAETER molem, & figuram consideranda est etiam in elementis raritas, & densitas; quæ in singulis dispartitæ sunt, ut quo quodque elementum maius, & leuius est, eo sit rarius, quo vero mole minus, & grauius, eo sit densius; ex quo etiam raritatem densitati absolute præstare colligitur.
- 436 **I**AM verò qualitates agentes binæ singulis elementis propriæ à natura datæ sunt; & ut se tuerentur, & ut tuendo contra pugnantia, vel perimerent, vel labefactarent; in quo conflictu vel ipsa ex se inuicem, vel composita corpora mixtorum, gignerentur.
- 437 **S**VNT omnes in singulis elementis intentæ, in nullo remissæ si proprius cuiusque elementi status, qui illi secundum naturam propriam debetur, consideretur;

deretur; nam ut inter se comparata ex mutua vicinia contemperantur, præsertim in hac nostra inferiori regione sunt semper elementa impura, & insinera, ac proinde in suis qualitatibus valde rerusa, & labefactata.

438 NEQVE enim elementa, ut sola sint in mundo, & propter se à natura intenta sunt; sed propter animantia, & præcipuè propter hominem; hæc autem si elementis nihil ascititium extrinsecus admisceretur, nihil proprium adimeretur nusquam, & nunquam tuto consistere possent.

439 NAM nec terra puta, & ab omni peregrina labe sincera alimenta posset animalibus subministrare, nec illis stabili sui firmitate solidum fulcimentum præbere; nec aer ab omni aduentitia concreione se iunctus æstum viscerum ab animantibus inspiratus perflaret; aut fruges, segetesque vegetando ad debitam maturitatem perduceret.

440 ITAQVE nullum est elementum, quod sit ex omni sua parte purum, & impermixtum: cuius rei propria causa, quasi materialis est ipsa vicinia elementorum inter se: causa effectrix eorundem dissimilis natura, & pugnantes dotes; finalis verò eorum propagatio, conseruatio, & salus, quæ mundum hunc incolunt.

441 ET sanè ut raro inueniri possunt, contermini, & fuitimi populi, quibus inuicem aliquid ex externis moribus non adhæreat; ita sincera elementa esse non possunt, saltem qua parte semper inter se pugnæ perpetuas miscant.

442 IAM verò mira, & maxima sunt quæcunq; be-

# 34 ELEMENTORVM.

nescio harum qualitarum in hoc mundo proueniūt; siue hæ considerentur in ipsis elementis, siue in mixtis, quibus ratione elementorum insunt.

443 NIL enim molitur natura, nihil à suo statu per alterationem dimouēdum aggreditur; nihil exequitur, nihil perficit; ad quod his qualitatibus quasi administris, & satellitibus non utatur.

444 PRESSIVS igitur hic nobis aliquid de ipsarum vi, & essentia est disputandum, & causæ illarū, operationesq; discutiendæ, & aperiendæ.

445 CAUSA igitur harum qualitarum effectrix nō est Cælum, sed ipsum illud, à quo elementum progignitur, quod licet respectu alicuius partis elementorum possit esse Cælum; non tamen potest respectu alicuius elementi ex toto accepti, & secundum suam vniuersitatem considerati.

446 PLVRIMVM tamen confert Cælum ad istas qualitates conseruandas; nam quo quodque elementum cælesti corpori propinquius est, eo etiam plus caloris participat, quæ est qualitas maxime à lumine, & motu Cæli proueniens: quo vero vnum quodque longius est à cælo in infimū locum preiectū, eo est frigidius; vt scilicet singula à natura ibi maxime locarentur vbi optime haberent, & consisterent.

447 PRAETER causam effectricem extrinsecam, habent etiam istæ qualitates aliam similem intrinsecam, quæ est forma, & essentia elementorum, à qua fluunt; causa vero materialis est ipsummet elementū, in quo sustinentur; nam accidentia simplicia experia materiæ, ex qua consistunt, tantum habent materiā, in qua niantur.



- 448 FINALIS vero causa multiplex est, alia ex parte ipsius elementi, alia ex parte aliorum ad quæ ipsū ordinatur; ex parte elementi duplex est, vna eiusdem elemēti cōseruatio, altera propagatio; cōseruatio spectatur cū per illas aliena vis repellitur, & obrūditur; propagatio cum vincitur, & simile sui progeneratur.
- 449 EX parte aliorum finis proximus vnicus est, vt scilicet generentur mixta corpora, & idonea supellectile, Mundus hic per nouos subinde fætus locupletetur, & instruatur. Itaq; de generatione, & ortu substantiarum nobis agendum est, & simul etiam de præuijs, & consequentibus ad ipsum.
- 450 VT generatio, & ortus contingat necesse est prius alterationem præcedere; hæc consistit in actione mutua; actio sine tactu non constat; ideo Arist. cū vellet in libris de ortu, & interitu agere de corpore ortui, & interitui obnoxio, qua tale est, optima ratione de alteratione, actione, & passione, & tactu physico etiam sibi disputandum putauit; cum sine quibus generatio non perficiatur; nec sine ijsdem perfecte intelligatur.
- 451 SEMPER enim Arist. cum aliquid explicandum suscipit, agit de forma illa in ordine ad quam id, de quo consilium illi est agere constituitur; sic acturus de corpore naturali, egit de natura; de corpore animato, de anima; de corpore mixto, de mixtione; de corpore generabili, de generatione.
- 452 GENERATIO igitur multipliciter sumitur primo enim accipitur pro quacunque cuiuscunq; rei productione, siue ea sit substantia, siue minus; à qua  
signi-

significatione laxissima restringitur ad magis propriam, vt sumatur tantum pro productione substantiæ; ita tamen vt propriissima, & strictissima notione substantiæ viuientis propagatio ortus, & generatio appelletur.

453 HIC sumimus generationem nec ità laxè, nec ità strictè, non vt est productio quæcumq; nec vt est ortus tantû viuientis, sed vt est ortus substantiæ, vt sic.

1. de genera-  
tione 23.

454 HAEC definita est ab Aristotele mutatio totius in totum nullo sensibili remanente vt subiecto eodem; quæ definitio etiam productioni mixtorum, & animatorum. non tamen secundum vltimas illorû rationes optimè competit.

1. de genet.  
1. 27.

455 PORRO ita natura comparatum est, vt cuilibet generationi sit adiuncta corruptio: vnde verissimè ab Aristotele est pronunciatum semper inter se, ità vices harum mutabilium rerum esse dispositas, vt vnius ortus sit alterius interitus.

456 QVOD optimo consilio à Natura factum esse nemo ambigat; qui enim aliter rerum recta dispositio, & ordo consisteret, si nouis subinde succrescentibus factibus nihil in mundo deperiret, quod locum cederet aduenientibus?

457 SVNT igitur idem generatio, & corruptio; ortus, & interitus; non tamen respectu eiusdem, sed diuersorum. Itaque licet re conueniant conceptu definitiuo differunt inter se.

458 CAETERVM cum quid generatur, non ità dicendum est secundum omnes sui partes, & dotes innouari, nihil vt eorum, quæ sunt in genito, præfuerit

rit idem numero in corrupto .

459 SED multa accidentia eadem perseverant ; Vnde in interitu substantiali negamus ita dissolui compositum, ut omnia ad vnam duntaxat materiam primam redigantur .

460 ITAQUE cum generatur elementum vnum ex alio, in eo solummodo possunt super esse ex perditio accidentia aliqua; quis enim in Aere ex igne genito consimilem calorem neget remanere , & generatim in vnoquoque elemento cogeneco qualitates adsimiles?

461 CVM vero mixtum generatur ex mixto, aut corrumpitur; non solum non est necesse omnia accidentia interitum formæ substantialis pari exitio comitari; sed nec etiã omnes formas substantiales, quæ sunt in mixto animato penitus interire .

462 NEGAMVS ergo accidentia in toto composito primario recipi, ut in eo, cui adhereant, & innitentur; sed plurima eorum in materia ipsa insunt; vnde mirum non sit, si cum hæc vno relicto ad alterum compositum se confert, secum afferat quasi dotalia mancipia accidentia, quibus instruitur; mollem quæ extenditur; figuram qua definitur .

463 VVLNERA igitur illata viuenti, quam in illo figuram, cum partium dissidio imprimunt; eandem in iacente cadauere simul etiam cum alijs qualitatibus retinendam transmittunt .

464 PORRO cum aliquod elementum, vel ut melius loquamur elementi portio gignitur, id multipliciter accidit; potest enim vnum elementum ex alio generari, & ex dissolutione mixtorum oriri .

465 SI

- 465 SI elementum ex elemento gignitur, vel symbolum in se ipsum conuertit congenericum, quæ mutatio celerius expeditur: vel disymbolum in se transmutat disymbolum, quod est difficilius, & serius absoluitur; vel quod etiam sæpius contingere potest, ex duobus contra se pugnantibus, & oppositis, tertium existit, vt aer ex conflictu ignis, & aquæ.
- 466 EST autem elementi geniti causa secunda, & proxima alterum elementum potentius, quod quidem perspicuum est in transmutatione disymboli in disymbolum, vel symboli in symbolum; in ortu vero tertij, ex duobus libens asseruerim vtrumq; elementum pugnans per accidens esse illius causam.
- 467 CVM enim vtrumq; intendat in ea pugna alterum vincere, & superare; ex eo conflictu mutuo acis viribus tandem, ne quid alterum alteri concedat in vno tertio, in quo vtrumq; quid sui simile recognoscat, conquiescunt.
- 468 VERVM antequam generatio ista contingat, operosus apparatus, & multiplices rerum conuersiones præcedunt: multa molitur, multa aggreditur, multa inuertit natura in vnoquoque, antequam ipsū prorsus perimat; & alterum ex illo gignat.
- 469 ITAQVE hæc omnia certum substantiæ quasi apparitores antecedunt, formæq; substantiali dignū merantur hospitium: contactus, alteratio, actio, passio, qualitatis vnus in alteram supergressio, omnium reusio, & mutua intercursio.
- 470 VT enim inter se agant corpora, tangere se debent cōtactu physico, sic, nihil vt omnino in alterum agat

agat penitus diffitum, & nullo sibi proximè, aut remote nexu copulatum.

471 **CONTACTVM** porro, & viciniam duorù, præsertim dissimilium, sequitur statim dissensio, & pugna, ut etiam inter conterminas nationes semper, ut plurimum vigent, præsertim in ipsis finibus intestina dissidia.

472 **HAEC** pugna consistit in alteratione, qua mutuo se à suo statu deturbant: quæ eadem est actio, passio, reactio; ut enim est ab agente appellatur actio, ut recipitur, passio, ut reciprocatur à passio in agens illi par pari reddente, reactio.

473 **EST** autem alteratio definiente Aristotele mutatio eiusdem subiecti sensibilis manentis secundum illius passionem contrarias, vel medias; eius terminus proprius sunt qualitates actiuæ, quæ eadem sunt eiusdem principium proximum; à calore enim est alteratio, quæ in calorem terminatur. lis. tex. 19.

474 **ITAQUE** ut in istis qualitatibus propriè reperitur intentio, & remissio, secundum quam dicuntur noto philosophis vocabulo suscipere magis, & minus; ita etiam id ipsum in alteratione reperiri necesse est.

475 **SPECTATUR** autem intensio exaggeratione plurium graduum, ut itidem remissio, ex eorundem detractione. Vnde quo una quæque qualitas est intensior, eo plures gradus habebit, pauciores vero, quo est remissior.

476 **ET** quidem isti gradus inter se sunt omnes ætærogenci, & dissimiles aliqua ratione; ita tamen voto

M                      ta

ta amplitudo qualitatis certis sit finibus terminata, quos non transgrediatur; quæ propterea maioris doctrinæ gratia in octo partes, quæ gradus appellantur dissecta est, & nomine octavi gradus summa intelligitur qualitas, quæ esse possit.

- 477 NON datur ergo minima qualitas in his, ut nec minima alteratio, cuius intensio, ut ex dictis constat, non sit ex maiori in hæsiōe, quam quidam radicatio nem appellant in subiecto; nec ex continuato ortu, & interitu nouorum indiuiduorū eiusdem qualitatis; nec etiam ex nobiliore dispositione; sed per nouam educationem gradus ex eadem parte subiecti, & illius ad præexistentem qualitatem adiunctionem.
- 478 AGIT autem per hanc alterationem ita vnum corpus in alterum, ut semper opus sit inter illa esse aliquam contrarietatem, & inimicitiam; Itaque quia vnumquodq; sibi est amicissimum, nihil etiam propriè loquendo in se insurgit actione deprauatiua.
- 479 Et quia similitudo est conciliatrix amoris, non illex dissidij; nec etiam simile potest agere in simile; ita ut calidum, ut quatuor calefacere amplius non possit, quod est æquali secum calore iam præditum.
- 480 QVARE cum quid per circum obfistentiā contrarij in se ipso roboratur, ut aquæ puteales, quæ in hieme ex obfessu frigoris incalescunt; & cum frigescent æstate pepones solis percussi radijs: tunc non est dicendum idem in se ipsam agere, & se ipsum fortius reddere; sed per antiperistasis oclusa transpiratione, vel nimis laxata includi, aut euocari corpuscula; Unde illæ actiones proueniunt.

481 QVA etiam ex ratione negandum quoque est in actione reflexa idem in se ipsum insurgere; neque enim lumen imbecillum potest vi sua se magis perficere.

482 PORRO alteratio hæc, actio, & passio ita comparata sunt, ut vicissim quæcumque in alia agunt, eadem quoque ab illis mutuo retundantur. Vnde asserendum est omne agens physicum communicans in materia cum passio, agendo repati, & passum patiundo reagere.

483 EST igitur reactio, si vim vocabuli respicias repetita actio; proprie autem à nobis sumitur pro actione, quæ dum passum refurgit in agens illi reciprocatur.

484 QVAMVIS autem talis intercedat reactio in omni alteratione physica; non tamen vnquam contingit idem corpus contrarijs, & pugnantibus motibus cieri.

485 NIMIRVM natura rerum, prudentiæ magistra hoc exemplo nos docet, nemini licere vnquam alium impune laceffere, & quicumque alterum atterit mordendo, lacerando, vel quoquo modo lædendo, ipsum quoque vicissim concuti, & plurimum detrimenti accipere, dum alijs infert; nam ut optime Galenus inquit etiam gladius vel ceram secando maxime obtunditur, & matmor dum guttam tademtem disijcit, tandem ipsum etiam atteritur, & excauatur.

9 Lib. 1. de  
simpl. facul.  
cap. 18.

## ELEMENTA SINGULA

Ignis. Sect. XIII.

Auer. 10.  
met 2.

486 **P**OSSVNT elementa singula dupliciter considerari. Primò qua elementa sunt quo pacto cum respectu, & ordine sumùr iur ad id, cuius sunt elementa & iā satis de illis actū est. Secundò vero, ut tales naturæ sunt in se ipsis consistentes, & nusquam relata.

487 **V**T sic igitur possunt definiri prima composita ex materia prima, & simplicissima forma substantiali consistentia. Simplicissima, inquam non exclusione graduum; sic enim omnes formæ substantiales sunt æquæ simplices; sed multipliciter virtutis, & perfectionis.

488 **P**RI MV M igitur inter hæc est elemētū ignis, æthereo corpori, ut natura simillimum, ita loco propinquius eius forma non est qualitas loco mouens, nec vlla ex agentibus, & alterantibus, nec complexus earumdem, sed vera substantia.

489 **H**ANC formam quasi domestica supellex, & dotalia mancipia sequuntur à natura diuersa accidentia, leuitas, raritas, caliditas, & siccitas.

490 **N**A M feruor nimius in agendo, splendor in illuminando, figura pyramidalis, in quam vibratur emicando, illius solam formam non consequuntur; sed illi extrinsecus asciscuntur.

491 **E**X his qualitatibus vna est loco mouens, ut leuitas, qua sursum nititur, Dux alterantes calor, & siccitas,



citās, vna otiosa per se, aliarum tamen mūnera iuuās,  
& officia expediens, vt raritas.

492 **OBSIDET** ignis ratione leuitatis, quaquaer  
sum, & ambit citimam lunaris cæli faciem, latè distu-  
sus per immensa spacia, quæ implet magnitudine il-  
la, qua alia omnia elementa longe superat; vt enim  
terra est minima, ita ignis est maximus corporum.

Auer. 2. de a-  
nima 1. 97.

493 **ITAQVE** nimium Cardanus oculis suis tri-  
buit, qui quod ignem sub lunari orbe non cerneret il-  
lum, ibi minime esse existimauit.

li. 4. de sub

494 **EST** enim ibi purissimus, & sincerissimus nul-  
lo crassioris pabuli inquinamēto temeratus; ac proin-  
de tenuissimus cum sit, mirum non est, si nostrum fu-  
git aspectum.

495 **NEQVE** enim vt hic apud nos, ita etiam ibi  
ignis vel splendet, vel in immensum feruet; sed hoc  
vtrunque illi accidit extra suum locum existenti, &  
materiam impuram, & densam depascenti.

496 **VT** enim aquæ aliunde, quam ex sua natura in-  
quit Auerroes, accidit congelescere, ita igni ex aliena  
materia feruere, & splendescere.

4. Calijs.

497 **ITAQVE** hic apud nos ignis omnia destruit,  
& velocissime inuolans in quodlibet nutrimentum  
in se rapidissima violentia obuia quæquæ conuertit,  
ibi nequaquam tam ferus est, sed tutatur potius reli-  
qua fouet, & conseruat, præsertim attemperata illius  
actione ab aliorum concursu.

Auer. 2. c. de  
sub orbis.  
Arist. 2. de  
gen. ani. c. 1.  
12. met. 18.

498 **PROPTEREA** optime Arist. ignem inferio-  
rem dixit esse excessum caloris, sicut & glaciero exces-  
sum frigiditatis, nō quod maior sit calor huius ignis,  
quam

2. de ge. 22.

quam illius; qui enim potest, cum ille sit summus? sed quod hic, ex commixtione aliorum feruidius, & impotentius exarsuat.

Auer. 4. Ca.  
li 32.

499 ITAQVE ignis nostras, & ille cælestis essentia non differunt, sed accidentibus, vel ratione externi pabuli, & nutrimenti coniuncti.

500 CAETERVM, vt leuitate sit ignis ætheri loco proximus: ita per duas alias qualitates calorem, & siccitatem sit operatione simillimus.

Arist. 3. de  
gen. 2. & 4.  
Met. 6. 1.

501 EST igitur vtraq; hæc qualitas in eo summa, & vtraq; actiua, optima tamen ratione siccitatem, & humorem Arist. patibiles appellauit: quia tali nomine designauit præcipuum munus, quod istæ in mixto confando exercent.

Arist. lib. 2.  
Met. 23.

502 ET non solum in igne, sed in reliquis quoque elementis suæ quoque qualitates summæ insunt: Vnde cum Arist. dixit ignem esse primo calidum, terram primo siccam, aquam primo frigidam, aerem primo humidum; non per id voluit vnam tantum qualitatem esse in vno quoque elemento in gradu summo alia reusa.

503 SED tantum per id egregie significauit præcipuum munus quod quæq; elementa fortiuntur, cum ex illis mixta coalescunt; ad hæc enim ignis calorem præcipuè confert, terra siccitatem, aqua frigiditatem, aer humorem.

504 OB quam etiam ratione optimo consilio Arist. cum vellet has qualitates alterantes definire eas explicauit in ordine ad effectum, quem primario in mixto corpore præstant; optime enim tunc vnus cuiusque essen-

essentia explicatur, cum in ordine ad suum finem declaratur.

505 ITAQUE ob hæc calor ab illo definitus est congregare homogenea, seu segregare æterogenea, ut homogenea congreget: frigus, quod indistincte omnia in vnum complectitur, & coaceruat; siccitas difficilis dicitur terminari alienis terminis; humiditas contra facilis alienis difficilis proprijs.

Arist. lib. 2;  
de gen. t. 2.  
& 34-3. Cai  
ll 74-4. met.  
1.

506 HAEC enim omnia competunt his qualitatibus, ut concurrunt ad mixta constanda; quæ ut coalescere possint, & consistere, & operationes suas exercere, necesse prius est, ut in materia ex qua concrescunt hæc quatuor simul munera per actiones elementorum expediantur.

507 IAM vero considerata ignis forma substantiali, virtute illius motiua, collocatione, & dispositione sub cælo, viribus agentibus: Considerandum quoque est de violentia in agendo, propagatione, & multiplicatione.

508 NOBILISSIMVS enim cum sit ignis omnium elementorum; nobilissimam quoque doré sortitus est à natura, quæ est vehementissima operatio. Ut enim actio, & operatio nobilitati attestatur; propterea quod nihil in natura abiecius, quam quod tantum ad patiendum, expositum, otiosum iacet ab omni functione.

509 ITA valior actio maiorem quoque excellentiam prodit: hanc autem actionem habet ignis per calorem nobilissimam, ut diximus qualitatem; quæ adiuta à siccitate ob id lima, caloris nuncupata ab Aristote-

stotele mirum est quam ex minimis initijs, quam celeriter in immensum crescēs quantam stragem in obuia quęque circumferat: ita ut ocior telo ocior sagitta rapiditate sua volucrum quoque hominis cogitarum quodammodo anteuertat.

§ 10 NE tamen cum tantis viribus omnia corrumpere ignis; Natura ita illum reliquis attemperauit, ut quo est violentior in inferenda iniuria eo sit imbecillior in propulsanda: quo enim vnaquęque qualitas est validior in agendo, & operando, eo etiam est infirmior in resistēdo: alioquin quid rerum in columinitatem tutaretur aduersus tantam vehementiam breui momento omnia depascentis?

Dion. c. 15.  
de Cęl hier.  
et deut. 4.

§ 11 ITAQUE ab his insignibus dotibus, tam varia, tam facile tanta cum repulsione contranitentis efficiendi, sortitus est ignis, ut Deus Opt. Max. in sacris litteris igneus appellaretur: ut hac ratione tenui mētis nostrę adumbratione diuini nobis vigoris imaginem aliquam effingeremus.

Sen. libr. 2.  
nat. Cęl. 12.

§ 12 DVPLICITER autem apud nos extinctus ignis reparatur; percussione lapidis, & attritu lignorum inter se; quod tamen non omnia præstant, sed tantum idonea ignibus eliciendis, ut laurus hederę, & quęcunq; alia in hunc usum nota pastoribus.

§ 13 FACILLIMUM igitur est, & maximè in promptu positum huius nobilissimi corporis copiā parare: natura scilicet vsibus hominum consulente, ut quę magis necessaria essent ea etiam minori cum impendio parari possent.

§ 14 CAETERVM ignium qui hic apud nos sūt; alius

alius est in materia densa alius in tenui: ille ut plurimum appellatur pruna ad quod genus reducitur, quid quid est corpulentum, & inflammatum: hæc appellatur flamma, quã Aristoteles dixit esse fumum ardentem.

§ 15 EADEM igitur res dicitur fumus, & flamma; fumus sine igne ab igne tamen excitatus, flamma cum igne: similiter idem est pruna, & carbo. Sed carbo sine igne, cum igne pruna: ut rectè proinde quis dixerit flammam esse fumum accensum, fumum esse flammam extinctam; prunam esse carbonem ignitum, carbonem prunam extinctam.

1. met. 4. &  
2. Cap. 3.

Gal. 4. de  
sim. fac. c. 3.

§ 16 VNDE tres sunt quasi reliquię ignis fumus, carbo, cinis, sed diuersimodè: duo prima adhuc possent nutrire ignem, cinis autem nequaquam: ad cinerem reducuntur calx, & quæcunq; alia sedimenta combusta, in quibus ut experimur nõ obscure ignea corpuscula latent.

Gale. lib. 4.  
de simp. fac.  
cap. 3.

§ 17 VTILISSIMVS autem cum sit ignis animalibus dubium esse potest utrum ex ipso, ab ipso, aut in ipso possint vlla animalia generari.

§ 18 QVA in quaestione cum ex vna parte periclitetur admodum multorum non ignobilium auctorũ fides si negemus: ex altera verò recta philosophandi ratio si concedamus: potius duximus à philosophia stare quam à philosophis.

Arist. 5. de  
hist. Sen. 5.  
nat. cap. 6.  
Philib. 11. c.  
35. Str. lib. 2.

§ 19 QVAMQVAM, & hic nobis Principis nostris Aristotelis non desunt auspicia qui licet cum Historicum agebat ab hoc non abhorruerit; philosophi tamen personam sustinens planè negauit ex igne, & ab igne vllum uiuens generari posse.

2. de gē. 1. 12

N AER

## A E R. Sect. XIV.

- § 10 **P**ROXIME post ignē sequitur aeris elementum; cuius est cum cælesti corpore tanta cognatio, vt illius etiam nomine, in sacris, & in profanis litteris appelletur: Dicimus. n. Cælum crassum, tenue, graue, & salubre; & volueres cæli nuncupantur quæ per aerē libero volatu feruntur.
- § 11 **H**IC est qui Cælum, & terram, ima ac summa sic separat vt tamen iungat; separat quia medius interuenit; iungit quia vtrique per hunc consensus est; nam supra se dat quidquid à terris accipit; nobis autem transfundit Cælestium siderum salubres vires.
- § 12 **C**VM autem vnum sit ex iniurijs, & elementis mundi iniurijs illi sunt qui cum volunt ab aquis ortum; quarum sit aer inhalatio quædam, vi cælestis caloris ab illis expirata: qui enim potest Cælū ex aquis aerem intermediū quā latissimè funditur generare?
- § 13 **V**EL enim inter medium spacium, quod postmodum aer inuasit, & retinet prius aliquo corpore insidebatur; & quo nam illud abiit aere subingrediente? vel cerè hoc totum inane erat ac vacuum, & tanquam deserta sedes à possessoribus, quod Philosophi aures non admittunt.
- § 14 **E**ADEM igitur est aeris origo ac reliquorum elementorum, & ipsius mundi, totus enim ab opifice mundi est genitus subinde per partes reparandus vt & perdendus, per mutuam cum reliquis concertationem, & luctam.

PRAE-

525 **PRAETER** alias dotes pellucidus est ad lucē concipiendam, & transmittendam; ad imagines visibilium referendas: tenuis ad sonos reddendos, & conservandos: motabilis maximè est & quocunq; vel leuissimo impulsu in sua sphaera agitari facillimus ut ea ratione sit vehiculum aptius eorum, quæ per illū defferri oportet.

526 **AD** hæc tres in partes totus diuisus est; diuersas viribus; easdem essentia. Suprema pars est illa qua superioribus iungitur; & idè ibi igni simillimus siccus est maximè, & feruens, propter uiciniam æternorum luminum; & illos tot motus syderum assiduūque Cœli circumactum. In qua parte sedes est ignitorum halituum.

527 **IMA** verò pars est vicina terris, & aquis superfusa: suprema parte spissior, turbidior, inconstantior; sui semper dissimilis, raro quiescens; nunc puro, & albente Cœlo serena; nunc ventorum agitatione, & nubibus insidentibus atrata.

528 **NIMIRVM** circa terram plurimum agit aer & patitur; exagitat, & exagitur à plurimis: idè semper inquietus, & incertus sui eo vsq; est, quo pertingit ima pars, quæ ad altissimos montes procenditur vbi incipit media.

529 **MEDIA** verò inter vtramque interiecta prima crassior, infima subtilior, vtraque humidior, & frigidior est, ob vapores argentes ibi resolutos, itaque ut prima ignitarum, ita hæc sedes est frigidarum impressionum.

530 **FALSO** igitur Stoici olim putarunt aerem natura

Plut. de priā  
mo frig. fen.  
lib. 2. nat.

tura sua esse pergelidum; quod potissimum asserēbāt: quia omni extrinseco tepefaciente semoto frigescit, ut constat in abscessu solis; tum quia animalia illum inspirant ad refrigerandum.

531 CALIDVS enim natura sua est, si purus sit aer & impermixtus: sed quia semper præsertim apud nos peregrinis affectionibus inficitur; ideo etiam à caliditate illa sua degenerat in algorem & teporem.

Az. 32 prob.  
q. 10. Nemi.  
primo de  
nat. hom.

532 QVOD certè maxima ratione à natura prouisum est, ad vsum & oportunitatem animantium; ad stirpium propagationem; ad fructuū, & frugū vberitatem; itaque natura particularis aerem ipsum exigit calidum: natura verò rectorix vniuersitatis nunc calidum nunc frigidum, nunc egelidum.

Gal. primo  
de San.

533 PLVRIMVM verò interest vitæ, scire homines, aerem salubrem, & noxiū diiudicare: nihil enim est à quo facilius lædi possint corpora: facile inspiratur; facile permeat; per intima viscera discurrit; quæ ut purus recreat; ita labe aliqua infectus in emendabili vitio deprauat.

Vitr. lib. 2. c. 4  
Pallad. 4. 3.  
cap. 4. tit. 3.

534 PORRO de salubritate illius antiqui pronuntiabant ex bono colore habitantium; si capitis esset firma sinceritas; si inoffensum lumen oculorum; si purus auditus; si fauces commeatum liquidæ vocis exercerent.

AQVA,




- 535 **T**ERTIVM est aquarum elementū terra leuius; igne & aere grauius humore, & frigiditate igni ex aduerso pugnans, simul cum terrā globum efficiens; circa quem immobilem mundus circumagitur.
- 536 MAXIMA huius elementi portio Mare est, quod in loco consistit. terra omnino elatiore: ripis tamen vtrimque semper constringitur ne diffundatur liberius, & omnia coöperiat.
- 537 IN quo loco non violenter aut contra naturam suam detinetur à diuina aliqua virtute; sed potius sponte sua conquiescit.
- 538 SI enim elementa deberent impermixta inter se conseruari diutius; dubium non est, quin naturalis status elementorum exigeret, vt tota terra vndique aquis superfunderetur: at quia non sibi sola facta sunt; hoc etiam naturaliter expetunt, quod ad constituendum idoneum animantibus habitaculum illis conuenit.
- 539 ITAQVE vt nunquam aer est totus, & vndequaque calidus, & humidus; ita nec terra est tota æquabilis: sed hinc inde concaua vallibus; ardua montibus; amæna collibus: diffusa cāpis; aspera iugis; irrigua fontibus; ita facta est vt opportunissimam sedem præbeat animantibus.
- 540 QVOD totum proximè ortum ducit ex contraria actione aquæ & aeris in terram, & huius in illa:

la : unde, alibi fit terra depressior, alibi elatior, ut excavata sinibus stabile exhibeat conceptraculum aquis confluentibus, quæ ut semper sunt depressiores ripis & summis montibus; ita sunt superiores ipso solo quod premunt.

§ 41. *MARE* igitur idest cōfluxus aquarum in unū receptaculum præter Deum habet auctorem hæc elementa inuicem luctantia; pro fine autem utilitatem habet animantium, quæ aliter terram incolere non possunt, quam aquis nudatam.

*MIXTA IMPERFECTA. Sect. XVI.*

Bo. 11. ca. 5.

§ 42.  *QUOD* olim Plinius de conuoluulo ad liliū comparato, idem nos dicere possumus de Meteorologicis: ea esse nimirū quasi quædam rudimenta naturæ mixta perfectæ facere condiscantis.

§ 43. *INTELLIGIMVS* autem nomine mixti imperfecti compositum quoddam ex pluribus elementis, vel elementorum qualitatibus; quod quia formæ unæ substantiæ caret, qua constituatur, & stabiliatur imperfectum dicitur: quia plures simul complectitur elementorum vires, mixtum appellatur.

§ 44. *DICUNTVR* verò omnia huius generis etiā Meteorologica, & Meteora; vel à loco sublimi, in quo ex maiore sui parte consistunt; vel à virtute superiori Cœlesti, à qua maximè existunt; vel verius à materia, ex qua constant, quæ sponte sua non impedita semper in sublime fertur.

745 SVNT

- 545 SVNT igitur eorum materia duo: halituum genera, qui ex hoc infimo terrestri, & aqueo globo, vi cælestis caloris, vel etiam ex alijs causis excitantur: alter calidus, & siccus ex terra spiratus exhalatio propriè dicitur: alter humidus, & calidus ex aquâ vapor appellatur.
- 546 PERMIXTI autem ferè semper ascendunt ita ut in altero sit semper aliquid alterius: & quidem exhalatio à terra substantia non differt, ut nec vapor ab aquâ: ita tamen ut quocunque vel leuissimo momento possint in alienam naturam degenerare.
- 547 VT non ineptè quis dixerit exhalationem, & vaporè esse terrâ, & aquâ, quâ longissimè à suo statu dimota in ipso prope confinio interitus sui collocata.
- 548 IAM verò exhalatio ipsa dupliciter his Meteorologicis materiam præbet; incensa & nondum inflammata: ex accensa, quæ constant, sunt in triplici differentia; alia enim in suprema aeris regione, vel etiam in infima ignis generantur; alia in secunda, & media aeris; alia denique in infima.
- 549 IN prima aeris regione, quæ fiunt, alia minimo minus verè id sunt quod nobis apparèt: alia speciem alienam ementita oculis nostris imponunt.
- 550 PRIMI generis sunt trabes, titiones, faces, candelæ, & nunquam sine cura visus, & dicendus cometes: secundi capræ saltantes, currentia, volitantia, & cadentia sydera, lanceæ minitantes, stipulæ; quæ omnia sola loci diuersitate, materiæ raritate aut densitate, magnitudine & paucitate inter se differunt.
- 551 IN medio aere fiunt tonitrua, coruscationes, fulgura,

gura, fulmina, & præster: in infimo verò hoc, & terris proximo ex eodem halitu sicco, & calido existunt ignes farui, lambentes, æratæ Phalanges, concurrentes acies, Castoris & Pollucis amica nautis lumina.

§ 52. EX exhalatione vero non inflammata in supremo aere gignuntur maximè Phasmata: i. spectra, & apparentes quædam voragines; quæ non minus erroris oculis obijciunt quam terroris animis incutiât: huius tres sunt species hiatus, fouea, & colores.

§ 53. IN infimo aere ex eodem halitu existit volucris natura ventorum, genus semper inquietum; pacis & tranquillitatis, quæ in se caret, in alijs inuidû: non minus ingenijs agitâdis natum, dum inquiritur, quam terris perflandis, dum commouetur.


§ 54. PRÆTEREA ab eadem exhalatione sunt maris falsedo, & terræ tremor: vnus enim & idem halitus est, qui in terræ sinibus inclusus illas concutit, dum egressum molitur: per aquas ascendens illas amore inficit: ex aquis autem & terris egressus infimum hunc aerem exagitat.

§ 55. EX vapore verò, quæ fiût, mediam aeris regionem non transcendunt: & ex his alia oculos fallunt, & aliter sunt quam videntur; alia id sunt, quod se oculis obijciunt.

§ 56. PRIMI generis sunt, Area, Virgæ, Fulgores, Eiaculationes, Columellæ, & opus illud pulcherrimum ludentis aut potius oculis hominum blandientis naturæ. Irim dico decus, & ornamentum Cæli pacis arbitram verè simulacrum Diuini animi tunc cum mortales in gratiâ placidus recipit, & tranquillatus.

557 SECUNDI generis sunt quæ ex eodem vapore aqueo ex leui sui variatione existunt: nubes, caligo pluuiæ, imber, procella, nix, ros, pruina, grando; fontium gelidæ perennitates, & fluminum per ingentia aquarum volumina perpetui decursus.

M E T H E O R A Q V A E D A M I N  
particulari. Sect. XVII.

558  NTER alia omnia, quæ ex calido, & sicco halitu constanter in suprema aeris regione, præcipuum locum obtinet dirus Cometes: raro impunè visus, semper & non temerè formidatus; quem luridam pandentem Comam exitiumque aliquod terris minitantem ex æquo mortales metuunt, & mirantur.

559 EIVS sunt multæ species; omnes tamen inter se solis accidentibus differentes; cum omne ipsorum discrimen tandem in maiorem, vel minorem materiæ densitatem aut raritatem diuerso modo dispositæ referatur.

560 OMNIVM causa materialis est halitus quem dixi; lento, pingui, & contumaci pabulo permixtus: Diurnitatem conflagrationis subministrans ex glutinoso nutrimento simile quid viscidis succis referente.

561 CAVSA verò effectrix multiplex est alia elevationis, alia incensionis, alia motionis: educitur ut plurimum virtute cælesti; sursum tendit à calore quæ concipitur, incenditur vel à motu Cœli quo rapitur, vel

à vicinia ignis quo obsidetur ; mouetur verò , vel ab influxu aſtrorum , vel violentia rapientis omnia mundi , vel ab ipſo niſu exhalationis ad ſuperiora rēdentis .

562 FINEM verò tā miri portenti dixerim nō aliū eſſe propoſitum naturæ ; quam inutilis materiæ conſumptionem , & ignei corporis reparationem ; negandum enim non eſt ignē hyeme imminui , inferioribus elementis auctis .

563 PRAECIPVE in Cometis differentiæ ex figura ſumuntur ; ſecundum quam alij Comam præferunt alij nequaquam ; Comati alij vndequaue , alij ex parte tantum .

564 VNDIQUE Comati verè Cometæ originem ſui nominis referentes , ſunt quibus circum circa Coma diffunditur ; latinis etiam Criniti , à Tullio Cincinnati appellati .

lib. 2. de nat.  
Deo.

565 EX parte tantum Comati alij ſunt Caudati , alij Barbati : Caudati quibus ad latus Coma protenditur ; Barbati quibus ab inferiori parte Coma demittitur .

566 IN omnibus Comæ cauſa eſt rareſcens materia circa extreimas partes ; quæ ſi id æqualiter ſortiatut ſpeciem vndequaue Criniti repræſentat ; ſi ex vna parte tantum , ab ea tantum Comati .

567 NON Comati verò plurimæ ſunt differentiæ , vt plurimæ quoque poſſunt eſſe figuræ , quæ ſingulis poſſunt aduenire .

Sen. lib. 7. c.  
2. in Apot.  
Pl. lib. 2. a. c.  
26.

568 LICET enim Seneca omnes Cometæ globosos eſſe velit ; nos tamen in hac re potius Ptolemæum , & Plinium audimus , qui alijs etiam quibuſcunque  
figu-

figuris formari volūnt.

569 ITAQVE alij iaculi spēm præferunt, alij gladij, alij Clypei, alij aliter in nostrū terrorem ludunt. Mira. 1. Cometogr. c. 6.

570 LOCVS Cometarum duplex est Physicus, & Astronomicus; Physicus est semper infra lunare corpus: qui enim tanta pabuli copia posset ultra illud cōmeare, & consistere, & tantam firmitatem solidi corporis penetrare? quosdam igitur fieri aliquando in infimo igne cum Aristotele existimamus: plurimos tamen in ipso confinio aeris, & ignis. lib. primo Met. a ca. 6.

571 LOCVS Astronomicus, qui sumitur in ordine ad Cælum vt Physicus in ordine ad corpus ambiens duplex est: verus & apparēs: verus est punctum illud in Cælo quo peruenit linea ducta à Centro terræ, per centrum Cometæ; apparens est punctum quo peruenit linea protensa à radijs cuiuscunque oculi, per centrum Cometæ.

572 NEC est adeo verum, quod ait Aristoteles Cometas non fieri intra Tropicos ob nimium æstum, qui ibi exhalationes dissipet, nec sinat coalescere. Falsum enim est ibi maximè æstum vigere, & exhalationes non concrefcere, vt constat ex nouis nauigationibus. Apud Fracast. de heremoe. Card. lib. 4. de subl.

573 NIHIL tamen æque sollicitas habet mortaliū curas quam metus impendentium malorum quibus Cometæ stipati incedere existimantur: itaque inter est vitæ cognoscere, quid efficere ipsi possint, & quid portendere.

574 EA igitur prænuntiāt quæ possunt efficere: hæc autem sunt in duplici differentia: alia enim primatio

102. METHEORA.

& per se à Cometis existunt: alia secundario: primario & per se ventorum agitationes, & siccitates: secundario ea, quæ ad hæc subsequi ut plurimum solent.

575 QVIA enim nimiam siccitatem: frugum inopia comitatur; hancannonæ angustia consequitur, & ex hac fames existit; unde & perturbationes, & seditiones in hominum cætibus oriuntur: idcirco etiâ Cometæ, & hæc prænuntiant, & quodammodo efficiunt.

576 PRAETEREA ex eadem nimia siccitate humana corpora præsertim molliora, plus æquo, conficiuntur, & attenuantur consumpro humore: inde incrementum utriusque bilis consistit; ex quo, & corporis temperamentum soluitur, & animi æquus status perturbatur.

577 INDE enim humana corpora morbis gravissimis exponuntur, quocunque vel leui virio violari facilia: hinc verò animi morosi redditi, & difficiles ad omnia indignantur, & turbas miscunt: unde tumultus, seditiones, bella.

578 AT verò nimios ventos consequuntur aeris viria non exigua, à quibus deinde pestilentia & mortalitates grassantur: nam & nimia agitatione a suo statu deijcitur, & præterea noxijs halitibus inficitur, qui ventis diutius spirantibus, ex fetidis locis trahuntur, & per aera dissipantur.

579 ITAQVE ex his omnibus fit Cometæ ut plurimum terribiles duos, & infaustos nuntios apparere: quid enim aliud, ex æstuantis incendio metatur, quàm leges malorum, aut quæ alia pluvia ex nube ignea, & pro-



prodigiosa, in terras cadere potest, quam miseriarum  
sane ignem non decet aliud pluere, quam fletus, &  
lachrymas.

§ 80 SED quid de uiris principibus? cur illos potius  
tangit hic metus? sane ex concepta hominum opi-  
nionem, tot retro seculis confirmata vulgatum est; cum  
Cometa nascitur dynastam aliquem denasci oportere.

§ 81 HOC ita esse ignorare non licet: Cardano pla-  
cuit causam esse regum temperamentum calidius,  
& siccus, ex usu præsertim aromatum; & cibatu de-  
licatiori facile in bilem igneam verti.

§ 82 QVOD si verum sit, æqua est regum messorum-  
que conditio: hi enim calidioribus cibis utuntur qui-  
bus allia, & cæpe numquam non sæuiunt in præcordiis.

§ 83 ASSERVERIM igitur non magis exitum re-  
gibus à Cometis portendi, quam innumeris alijs de  
plebe capitibus delicati temperamenti; Regum tamē  
casus illustrior, quia status excelsior: alij ut in tene-  
bris viuunt ita sine testibus moriuntur.

§ 84 IN eadem tertia regione phasmata fiunt. Horum  
prima species colores sunt: tunc apparentes cum ex-  
halatio varie illustratur lumine astrorum. Deinde  
hiatus sequitur, & vorago.

§ 85 VTRVMQVE fit, cum media exhalatio, ob  
densitatem, & spissitudinem lumen omne repellens,  
secundum extrema tantum splendorem concipit.

§ 86 VT enim in tabula pictor cum purpuram, vel quid si-  
mile introrsus in tenebras suas fugies effingere vult;  
media nigrore attrahit, extrema fulgide illuminat: ita &  
in cælo tales hiatus apparent cum halitus in oris  
splendet

splendet medijs nigrescentibus.

587 IN secunda verò aeris regione, coruscatio, est repentina tenuis exhalationis incensio, quæ vix orta aboritur; & fit sine sonitu.

588 TONITR V vero nō vno modo fit: aliquando est extinctio fragrantis halitus in nube: vt enim candens ferrum silentio non tingitur: ita nec ibi ignitus halitus sine murmure humidis, & frigidis corporibus immergitur.

589 ALIQVANDO ruptis nubibus flamma diffiliens, & ad alias confertissimas reperiussa sonitum edit: non secus ac apud nos e tormentis bellicis maximo cum fragore aer discerpitur ab emicæte flāma.

590 ALIAS denique aliter fit, semper tamen sonus est, ex exhalatione, vel extincta cum murmure: vel erumpente cum fragore; vel alia cum sonitu; vel ex pulsa cum impetu: Vnde & aliquando etiam sereno celo tonat cum exhalationes inter se concurrunt.

591 FVL MEN eadem est exhalatio magno tamen cum impetu ad terras protrusa: quæ accenditur vel in ipsa nube ob antiperistasin; vel in egressu nubis; ob celerissimum affricum, & violentum.

592 E ADEM enim exhalatio fulgur est dum splendet accensa; tonitru est dum strepit alia; fulmen est dum descendit impulsā.

593 I T A Q V E quod in fulmine ferit, & dura quæque prostermit, ac disijcit, non est lapis fulmineus, sed ignis iaculatus: licet non negauerim sæpe in ipsis nubibus ex eadem exhalatione lapides concretos cum eadem simul ad terras deuolui; qui tamē tam miros effectus

effectus edere non valent, quales à fulmine existunt.

594 FULMINIS tria genera sunt; primum quod propter sui tenuitatem terebrat, ac durissima quæq; momento comminuit, secundum quod latius dissipat: tertium quod ardentissimeurit: omnium miravis, quia ut Serpentes nocentius virus spargunt extimulatis; ita ignis impotentius sæuit cum contra naturam suam deorsum deprimitur.

595 CAUSA itaque tantæ violētiae in fulmine est; subtilitas halitus quæ omnia permeat; leuitas, quæ omnia transmeat; siccitas, quæ omnia disijcit, caliditas quæ celerrime conficit: Cum tenuitas superat magis, comminuit; cum caliditas magis incendit; cum siccitas densior potius dissipat.

596 PRAESTER, seu accensus turbo, vltima est ignitæ impressionis species: fit cum exhalatio simul cum vapore fumido complicata, vertiginoso depulsu rotatur ad terras, & omnia secum miserabili exitio conuoluit, & rapit.

597 EX eadem exhalatione non ignita & crassiori constant venti: quæ cum à superiori parte ab occurrente frigido vapore repellitur, & ab halitu subeunte impeditur, ne possit deorsum recta flecti, oblique discurrit, & prout ex diuersis partibus fiat, diuersa quoque nomina sortitur.

598 ITAQUE negamus ventos esse solam aeris agitationem; licet hæc plurimam similitudinem illorum referat, & eisdem effectus præstare aliquando possit, quos ipsi venti; quos etiam semper comitatur, & antecedit.

599 QVAT-

- 599 QVATTVOR autem præcipui statuuntur, ad quos omnes alij reduci possunt, qui plures à nau-  
tis, & ab agricolis obseruantur. Vt etiam quattuor  
præcipuæ sunt mûdi regiones, ex quibus illimitûtur.  
600 A B ortu enim Subsolanus existit, calidus & sic-  
cus, flauæ bili, ex humoribus consonus; ætati ex tem-  
pestatibus anni; iuuentuti ex ætatibus; igni ex corpo-  
ribus; ab occasu Zephyrus emittitur, qui etiam Fauo-  
nius, & Circius, humidus & frigidus, cum pituita cõ-  
gruens, hyeme senectute, & aqua.  
601 A in meridie stat Auster qui & Notus, & Ithagenes,  
calidus, & humidus similis sanguini; veri congruens,  
aeri & adolescentiæ correspondens.  
602 DENIQUE à Septétrionibus est Boreas, qui  
& Aquilo, frigidus, & siccus; atræ bili respondens; cû  
Autumno ætate confecta, & ipsa tellure proprietati-  
bus consentiens.  
603 EX his quattuor cardinibus spirantes venti, In-  
tegritatem appellantur quos inter, alij positi diuersa  
nomina sortiuntur: omnes autem regionum quali-  
tates secum ferunt, quas ad nos venientes perflarint.  
604 MIRAE verò sunt opportunitates ventorum;  
primum enim dispositor ille mundi Deus aera ven-  
tis exercendum dedit, ne quid esset situ squallidum;  
deinde ut commoda cuiusque regionis propria, fie-  
rent communia: tum ut si halitus aliqui noxii alicu-  
bi infederint disijciantur. Denique ut nubes huc il-  
luc salutes terris sparsuræ imbres uhererentur.  
605 CONSTAT igitur ex his omnibus unam, &  
eandem rem exigua sui immutatione multiplicia no-  
mina

mina fortiri, & dissimillimos effectus.

- 606 VNA enim & eadem exhalatio; diurne incensa est Cometa; mox disparsens, est coruscatio; eiaculara deorsum est fulmen; rotata & allisa est tonitru; colorata est Phasma; oblique agitata, & non incensa, est ventus.

MIXTVM PERFECTVM. *Sect. XV III.*

- 607 **M**IXTVM perfectum est, quod in se ipso constituitur per formam continentem virtute quattuor elementorum vires; ex quibus prius inter se attemperatis, & per mutuam pugnam accisis vt ex materia producitur.
- 608 DE illo nobis breuiter considerandum, quis & qualis sit eius ortus, à quo, ubi, ex qua materia: quomodo ortum perficiatur; quomodo destruat; & demum quam varie in species multiplicetur.
- 608 EIVS ortus est mixtio; illius efficiens est cælus & astra, medio lumine, calore, & alijs virtutibus; eius generationis locus, vt plurimum terræ gremium; eius materia quattuor elementa: perficitur cōcoctione; destruitur naturaliter putrefactione violenter cōbustione.
- 609 ORTVS mixti appellatur mixtio; tum quia ab illa incipit; Tum quia in illam desinit; præcedit enim complexus elementorum mutuo colluctantium: subsequitur vnio elementorum in vnā tertiam formā: prima mixtio est accidentalis; secunda substantialis.

primo de  
gene. c. vii.

610 DEFINITVR mixtio ab Arist. miscibilium alteratorum unio quæ potest comperere tam mixtioni præcedenti, quam ipsi mixti productioni: primo modo respectu productionis completæ mixti est definitio, ut appellant, causalis: secundo modo est definitio formalis.

611 SENSVS illius est mixtionem esse productionem substantialem qua ex miscibilibus prius alteratis forma educitur, quæ illa virtute continet, & vnit.

612 EX his colligitur; quid præcedat generationem mixti; quid comiteretur, & sequatur. præcedit elementorum in vnum locum confluxus; eorum inter se cōflicatio; & permixtio; postea mutua alteratio, inde omnium retusio: ita tamen ut nullum alia penitus superet: Sic enim non mixtum, sed elementum generaretur.

Nb. primo  
de gen. cap.  
viii.

613 COMITATVR verò elementorum interitus, quæ non remanent in mixto actu secundum suas formas: Itaque quando Arist. dicit in mixtione non debere, quæ miscentur interire loquutus est de mixtione antecedenti productionem mixti; & de interitu vnius elemēti per sui conuersionem in alterum.

614 MULTIPLICITER autem mixtum diuiditur: aliud est enim animatum aliud inanimatum: De illo postea: hoc duplex est: aliud quod non viuūt, nec viuere potest nec est, quid viuētis, & dicitur inanimatum per negationem ut lapis: aliud quod vixit vel est quid viuētis, & dicitur inanimatum priuatiue.

615 INANIMATVM negatiue diuiditur in lapides, metalla & quæ sunt mediij generis; quæ nomi-

ne fossilium à Philosophis comprehenduntur; quia  
vt plurimum hæc omnia in terræ visceribus genita  
effodi debeant vt reperiantur.

## L A P I D E S. Sect. XIX.

616 **PRIMA** species fossilium sunt lapides: De



quibus breuiter nobis videndum; quæ sit  
illorum materia; quod agens; quis locus  
generationis; quis finis & proprietates, quæ variae spe-  
cies. Quæ omnia tradita lapidis definitione cõstabunt.

617 **POTEST** igitur definiri lapis Corpus mixtū  
inanimatum solidum, ex terra vt elemento reliquis  
prævalente concretum, non ductile, nec fusile.

618 **VT** mixtum distinguitur ab elemētis; vt inani-  
mum ab animatis; vt solidum a succis; vt ex terra à plu-  
ribus mixtis, quæ vixerunt; vt non est fusile nec du-  
ctile, a metallis.

619 **IGITUR** materia remota lapidum sunt quæ-  
tuor elementa: proxima est secundum Aristot. arida  
expiratio; quod non est intelligendum quasi illa sola  
constent lapides, sed quod ea sit prima origo lapidū  
constandorum dum alia simul elementa inuoluit, &  
illorum qualitates concipit.

620 **VT** autem secundum Arist. exhalatio est mate-  
ria lapidum; ita vaporatio est materia metallorum:  
Observandum autem plurimum est in quo sensu, &  
quatenus vtrumque dicat Arist. Id enim non signifi-  
cat metalla tantum ex humida vaporazione constare,  
& lapides ex sicca spiratione, qui n. essent mixta.

621 SED cum Arist. materiam mixtorum appellet elementa illa, quæ patiuntur in productione mixti, à calore concoquente, & frigore constipante: idcirco id ex patibilibus, quod præualet dicit esse materiam in vno quoque.

622 ITAQUE quia in lapidibus præualet siccum a quo superatur humidum, & in metallis siccum superatur ab humido; idcirco exhalationem, quæ est sicca, & frigida per se, aliunde calida, dicit materiam lapidum; vaporationem humidam, & frigidam per se, materiam metallorum.

623 NEQUE tamen ob id semper in vno quoque mixto idem est elementum prædominans; & quod simpliciter dicitur materia illius: nam materia appellatur, vt dixi, quod in mixto habet rationem patibilis, respectu aliorum elementorum: & aliud patibile superat.

624 AT verò elementum prædominans simpliciter appellatur, cuius qualitates morrices, & alteratrices in mixto sunt maximè conspicuæ: ideo in lapidibus dominatur terra, quia præualet in illis siccum frigidum ex alterantibus, & ex mouentibus, summa grauitas; vnde & in aqua merguntur.

625 SI enim pumex vel alij lapides aliquando supernatant, id prouenit, quia fistulosi sunt; vnde propter varia spiramenta, & concavitates, ab aere intus intercepto descendere prohibentur.

626 IAM verò lapidum differentiarum essentielles maxime: ignotæ sunt; vnde varix, a varijs diuiduntur, commodissime tamè quattuor illorū genera statui possunt. Silex, Marmor, Tofus, Gemma.

SI

Alb. primo  
de Met. c. 1.


Alb. lib. pri  
mo de met.  
ca. primo.  
Geor. agr. lib.  
1. subit.  
Card. 7. de  
subit.  
Scalig. exa.  
sol.



- 627 SILEX genus est lapidis durissimum, quod leuorem non concipit, nec arte splendet: ad quæ reducuntur cotes, & magnetes perperam ab alijs vt distincta genera numerata.
- 628 MARMOR lapis durissimus, lenigabilis, & expolibilis, in purum, & variegatum distinctus, & vterque in varias species iuxta diuersam mixturam colorum. Tofus lapis mollissimus, friabilis, & in cinerem facile igne dissolubilis: nam vt silex, & marmora ab igne in calcem degenerant: ita ab eodem Tofi cinereſcunt.
- 629 DENIQUE gemma lapis est marmore soliditate stabilior, vnde limam non patitur: quoad colorem splendidior, vnde facile fulget; occultis viribus præditus in emolumentum mortalium, vnde & omni lapidum genere præstantior.
- 630 ATQVE ex his constat species lapidum posse diuidi primo in pretiosos, & viles: illi instructi sunt viribus ad aliquid præstandum supra elementorum virtutes: quod tantum habent gemmæ.
- 631 ISTI sunt qui nullis viribus manifestis pollent, & ex his alij duri, & solidi, ex quibus alij lenigabiles vt marmora, alij nequaquã, vt silices, &cæ. Alij facile dissolubiles vt Tofi omniũ tamẽ pretiũ in sola mole.
- 632 IN omnibus autẽ durities inest, a sicco superatẽ humidũ, quæ tamẽ in omnibus firmior est, & solidior quo perfectius humiditas per cõcoctionẽ cũ sicco fuerit attemperata; quod quia in Tofis deest idcirco minus solidus est: omnes tamen ab eadem siccitate habent vt percussu frangantur.

ME-

## M E T A L L A . Sæc. XX.

633  N Metallis itidem considerandus nobis eorum concretionis modus; materia proxima: à quo sint; vbi gignantur; quomodo diuidantur, quæ omnia ex illorum definitione patebunt.

Ar. 1. met.  
cap. ultimo.  
Plato 1 tim.  
Theop. libi  
de lap.

634 E S T igitur Metallum mixtum solidum; ex terra, vt elemento prædominante compactum; ex vaporacione vt ex materia genitum; ita per caloris concoctionem, & per frigoris constipationem attemperatum, vt in eo siccum vincatur ab humido: vnde est ductile, & fusile.

5. met.  
3. met. ca. 3.

635 I T A Q V E metallorum materia duplex est, remota & proxima; illa est aqua, quæ secundum Arist. omnium liquefcentium est materia: ista est humida spiratio, quæ ab aquis existit.

636 L O C V S autem generationis metallorum; quæ etiam fodina, & vena dicitur, est Minera, qui terræ sinus est congruenter cælo subiectus a quo facultatè recipit per congruentia instrumenta caloris, & frigoris halitus in metalla commutandi.

637 M E T A L L O R V M autè species sex recensentur; Aurum; Argentum; æs Stannum; Ferrum; Plumbum. Chymistæ tot vt statuta quot planetæ Hydrargyron adiungunt, quod argentum viuum appellant, alij etiam Electrum: sed illud non est metallum, quia nõ ducitur hoc non est prima species, quia ex alijs constat: est. n. electrum aqua auri, argenti que confusio.

Vanno lib.  
primo 27.  
rec.


638 O A E-

- 638 CAETERVM ridendi sunt, qui metalla, & lapides viuere existimarunt. Neutrum enim ex his extra suas venas abductum viuere conspicitur nihil autem habent metalla, & lapides minus ex suis mineris effossa, quā cū ibi cōsistūt: nullibi igitur viuūt. Card. de subq lib. 6.
- 639 INTER metalla autem ea reliquis præstant, quæ minus externæ iniuriæ sunt exposita, cuiusmodi sunt primo aurum, deinde argentum, quæ nulla rubigo corrodit; nulla ignis violentia labefactat; & vix tandem edax omnium vetustas post temporum longinqua spatia eneruat.
- 640 ITAQVE vt in genere lapidum sunt gemmæ anxia cura mortalium: ita in genere metallorum aurū & argentum pretiosa pericula, & speciosa eorūdem supplicia non minus tamen laboriose quæsitā quā moleste possessa.
- 641 TERTIVM fossilium genus medium inter lapides, & metalla complectitur ea omnia, quæ nec tantum siccitatis habent; vt plane lapidescant: nec tantū humoris vt metalli formam capere possint: itaque quid vtriusque habent: nam & vt lapides comminuūtur: & vt metalla funduntur.
- 642 NOMINE succi concreti commode designatur, ex quibus alij per se nascuntur vt sal, nitrum, vitrum, Bitumen, alumen, sulphur, &cæ: alij quasi excrementa sunt, & parcus lapidum, & metallorum vt, ærugo plumbago, flos æris, arsenicum. Diosco. lib. 5. ibi Amatus Marthi manardus.
- 643 MIXTVM verò inanimū priuatiue duplex est; aliud quod vixit; aliud quod est vel fuit quid viuētis; illud est quasi cadauer, vel pars cadaueris, & aliud

aliud est plantæ vt lignum stipulæ, aliud animalis vt ossa, testæ, conchæ.

- 644 MIXTVM, quod est, vel fuit quid viuentis duplex est: aliud, quod sponte nascitur ab illis vt, succinum, ambra, & alii liquores; aliud quod Artis ope ex illis colligitur, vt oleum, vinum, cera. In quibus omnibus, vt plurimum uidetur secundum magnam partem dominari aer, & aqua cum difficile mixtantur.

MIXTA ANIMATA, ET ANIMA  
in vniuersum. Sect. XXI.

- 645  EQVITVR iam augustior naturæ portio; corpus viuens; & animatum; quod cum sit corpus organicum per animam constitutum satis explicabitur horum vtriusque natura explicata.

2. de an. t. 6.  
Hexich. in  
lex.  
Plut. de pla.  
Simpl. The.  
Alex. l. 6.

- 646 EST igitur anima ex Arist. Enthelechia corporis naturalis organici potentia uitam habentis. Enthelechia cū Hexichio, & Plutarcho Energiam interpretamur; id est actum primum; quod Simpl. Them. & Alex. perfectionis adeptionem.
- 647 VT est actus conuenit cum omnibus formis etiam accidentalibus: vt actus primus, tantum cum substantialibus; vt corporis organici differt ab elementis, & mixtis: vt potentia vitam habentis à forma cadaveris si qua datur.
- 648 ITAQVE hæc definitio omnes animas complectitur, & in omni statu consideratas, siue coniunctas siue

siue disiunctas à corpore ; non tamen ex æquo aut, vt dicunt, vniuoce.

649 C V M autem actus aliquis tripliciter dicatur alicuius esse : primo vt a quo est, vt combustio actus ignis: secundo vt in quo recipitur, vt lux actus perspicui: tertio vt quod constituit, vt calor actus calidi.

650 A N I M A est actus corporis organici tertio modo, idest non emanatiuus, nec tantum inhæsiuus, sed constitutiuius: Itaque vt calor est ita actus calidi, vt per illum formaliter calidum constituatur; sic anima ita est actus corporis organici, &cæ., vt per illam constituatur; saltem in hoc, quod est potestate viuere.

651 D V P L I C I T E R enim accipitur vita, & viuere: vno modo pro operatione vitali, quæ dicitur vita in actu secundo; sic conuiuere dicuntur qui simul aliquas huiusmodi operationes exercent; vnde & cōuiuuium appellatur, in quo simul notissimum actū vitæ plures peragunt: alio modo sumitur vita pro principio operationum vitalium, quæ dicitur vita in actu primo, quo pacto dixit Arist. viuere viuētibus est esse. 2. de an. 37.

652 Q V A N D O ergo dicitur anima est actus corporis potestate vitam habentis; vita sumitur pro operatione, per quod etiam constat in cadauere, si qua est vna forma, non esse eam animam; quia non potest viuere, idest vitalem operationem exercere.

653 N E C ob id timendum est, ne anima separata à corpore; siue sponte sua supersit, vt intelligens; siue diuina virtute, ut quælibet alia posset, amittat tunc essentiam suam, quia non sit actus corporis.

654 S E M P E R enim est actus anima, licet nō semper

Q per

per actuet, vt ita loquar, & informet: quia semper est ordinata ad constituendum compositum in tali statu: itaque non est essentialiter anima actus actuaus, sed natura sua potens actua re.

Arist. & Auer. 1. de animal. 19.

655 V N D E fit hanc definitionem, non esse à posteriore, vt aiunt, sed à priori; cum nimirum constructa sit in ordine ad id, propter quod anima vt finem proximum est instituta; vnumquodque autem tunc perfecte definitur, cum à fine statuitur, & stabilitur.

656 I A M verò circa animam vniuersim sumptam considerandus esset illius ortus, status, facultates, functiones: a quo sit; ex quo; propter quid; & deniq; quā multiplex sit; sed hæc omnia dilucidius constabunt, dum vniuscuiusque animæ natura explicabitur.

657 T R I P L E X igitur animarum genus statuitur, quæ singulæ se habent vt procurentes numeri; quorum semper sequens continet præcedentes.

658 P R I M A est anima tantum vegetans: secunda etiam sentiens: tertia etiam rationis particeps: iuxta uarium operandi modum à propriæ materiæ concretionem seiunctum, & ab illius subiectione immunitatem inter se distinctæ.

659 A B illis triplex genus viuentium constituitur: à vegetatiua plantæ: à sentiente bruta animalia: ab intelligente Homines.

660 M A X I M E autem dignoscitur anima in vniuersum sumpta in ordine ad corpus organicum latè consideratum: referuntur enim ad inuicem, & hoc est non solum sedes illius, vt forma est: sed instrumentū vt artifex: prodit autem & artificem instrumentum,

&

& domicilium inhabitatorem.

- 661 EST igitur corpus organicum, mixtum, à forma sua certa figura, & quantitate finitum: in diuersis sui partibus dissimili-qualitatum temperamento constitutum, ad varias munerum functiones exercendas.
- 662 QVOD quam varium, & multiplex sit & quā varijs instrumentis instructum in cuiusque tractatione constabit.

## P L A N T A E. Sect. XXII.

- 663 **P**RIMUM viuentis genus, plantæ sunt, de quibus breuiter videndum: quæ sit illarum forma; quæ materia: quis efficiens; quis finis; quomodo oriantur, & propagentur; quibus viribus, & partibus instruuntur; & demum quam varie in species diuersas diuidantur.
- 664 PLANTAE forma est anima vegetans: materia proxima ex qua constat corpus organicum aptum tantum nutriri: materia ex qua nutritur terra succulenta: eius efficiens vel altera planta, vel cælum cum terra: modus propagationis, uel per sationem, uel per plantationem, uel per insitionem.
- 665 FINIS est animalium præsertim hominū vsus & emolumentum: uiribus quæque prædita est, ad vegetandum, necessarijs partibus uero instruitur ad idē requisitis.
- 666 TRES igitur sunt primæ facultates animæ uegetantis; Nutriens; Augens; & Procreans: quæ habent omnes idem obiectum, & eundem finem, in quæ tamē

men diuerso modo feruntur.

Hipp. de a-  
lim.

667 **OBIECTVM** enim omnium est nutrimentum; quod ut est substantia respicitur a nutriente, & procreante: ut est quantum ab augente.

Gal. primo  
de simpl. fa-  
cul. cap. 1.  
& primo de  
facul. nat. c.  
81.  
In primum  
Apho. Com.  
15.

668 **FINIS** itidem est perpetuitas, & conseruatio uiuentis; sed nutriendus, & augens respiciunt ipsius conseruationem in indiuiduo; generans uerò tantum in specie.

669 **NAM** per nutrientem uiuens secundum numerum conseruatur; dum per conuersionem alimenti, partes ipsius assidua caloris dissolutione labentes resarciuntur, & alia fulciuntur.

670 **AT** per auatricem perducitur uiuens ad debitum statum; dum adueniente corpore exteriore quolibet illius pars augetur, & ad requisitam mole quantitatis perducitur; In cuius adiunctione consistit essentia accretionis, & non tantum in rarefactione, aut maiori extensione.

671 **PROCREATRIX** uerò ex eodem alimento, ex quo substantia reparatur, & quantitas uiuentis perficitur, semen sibi fabricat ad idem uiuens in specie conseruandum.

672 **HARVM** omnium facultatum considerandum est, obiectum, finis, operatio, subiectum, instrumenta, origo, ordo inter se.

673 **IN** fine, & obiecto, ut diximus conueniunt; differunt in modo ad utrumque se habendi; itaque alimentum, ut est reparatiuum de perditis, est obiectum nutritiuum; ut est quantum augmentatiuum; ut est substantia utilis, ex nutritione uiuentis superstes ad se-

men



men conficiendum, generatiuæ.

674 SIMILITER nutriendus, viuens secundum numerum tutatur, suffarciendo substantiam: augens appetens ad operandum: generans in eadem specie conseruando.

675 NVTRIENS & auctrix in toto corpore diffunduntur: & cum eadem sint in diuersis membris, & corporis partibus; diuersa tamen præstant; prout indigentia cuiusque partis expostulat.

676 AB anima sunt ut ab origine a qua emanant: à generante ipsius viuentis, ut à causa a qua secundario efficiuntur: itaque complete sumptæ, ab anima re ipsa distinguuntur; nec in illa, qua tales, sunt ut in subiecto sustentantur.

677 QVOD semel de his facultatibus pronuntiatum, de alijs omnibus intelligi volumus: quæ si organicae sint, omnes in corpore sustentantur animato, suntque omnes alicuius partis viuentis forma constitutiua in esse instrumenti, & organi.

678 QVOD enim Arist. de oculo dixit illum constitui à facultate videndi, ut à sua forma; id in vniuersum analogia quadam de omni parte corporis est intelligendum; quæ in ratione instrumenti constituentur ab aliqua facultate ut à forma, ac proinde potentia animæ, partes appellantur animæ.

2. de an. l. 9

Arist. & Auer. 3. de anima l. 27.

679 ACTVS nutriendi est nutritio; auctricis accretio; procreantibus generatio; & secundum alios etiam membrorum in fœtu formatio, & figuratio. Est autem nutritio complete sumpta conuersio alimenti in substantiam viuentis; unde & ad generatio appellatur; terminatur

Fern. lib. 5. Physiolo. c. 3

terminatur ad substantiam non per se subsistentem, sed simul cum altera.

Anic. fen. 1.  
doct. 6. c. 1.  
Gal. in 6.  
pop. sec. 5.  
& primo de  
facult. nat.  
c. 7.

680 EIVS sunt quatuor alix facultates adiuuantes: duo instrumenta inferuentia: duo principia extimulancia: illæ quæ appellantur etiam administræ nutritiæ sunt, facultas Attrahens, Retinens, Concoquens, & Expellens.

681 QVIBVS omnibus simul, & altrici duo instrumentorum genera deferuiunt; nimirum quatuor primæ qualitates, & Villi, seu Fibræ in triplici differentia: rectæ ad attrahendum: obliquæ ad retinendum: transuersæ ad expellendum.

Gal. lib. primo de fac. men.

682 DVO verò principia extimulatia sunt Fames, & Sitis: Fames est appetitus calidi, & sicci: sitis frigidi, & humidi; qui appetitus in plantis est tantum naturalis, & est defectus alicuius, cum propensione, & aptitudine ad illud.

683 IN animalibus verò est cum sensione; immo in illis fames, & sitis appellatur ipse molestus sensus indigentia, ortus ex corrugatione ventriculi, & ex nimio suctu aliarum partium, quæ ab alijs exhaustis emunguntur.

684 EX his autem optimè constat ratio & progressus eorum, quæ ad nutritionem necessaria diximus: etenim primo viuens indiget alimento, resolutis ipsius partibus ab innato calore, & ab ambiente alimētum; cum absens sit, debet attrahi; attractum retineri, ut possit immutari.

685 INDE verò per cōcoctionem simile reddi partibus reparandis; & quia totum non potest, quod superest

pereft inconcoctum eft expellendum.

686 QVARE in his adminiftrif facultatibus præ-  
ftantior eft Cōcoctrix; cuius operatio eft concoctio;  
perfectio à natura proprioque calore ex oppofitis pa-  
tibilibus in craffatione, & condensatione procedens.

Gal. 2. de fa-  
cul. nat.

Ariſt. 4. met.  
47.

687 EIVS tres funt species, Elixatio, Affatio, & Ma-  
turation; prima eft à calore humido; fecunda à calore  
igneo; tertia à calore ex his temperato.

688 HIS tres species funt oppofitæ: Maturatiōi In-  
concoctio, & Indigeftio, quæ eft à calore deficiente:  
Affatiōi Toftio, quæ eft ab exuperatiā caloris ignei:  
Elixatiōi Inquinatio ab excessu caloris humidi.

689 AT Auctricis operatio augmentatio, siue ac-  
cretio dicitur, quæ duplex est, vna idiuidua nutritio-  
ni eam ſemper comitans; altera nequaquam: ea eft  
tantum adiunctio nouæ quantitatis loco deperditæ.

690 HAEC eft maioris quantitates adiunctio: ita-  
que ſimpliciter dicendum, Augumētationem viuē-  
tis propriam eſſe maioris quantitates adiunctionem,  
ex alimento ſuſcepto, per quam viuens idem nume-  
ro manens ſecundum omnes ſui partes auctum ad cō-  
uenientem molem perducitur, vt poſſit operari.

691 INTER has autem tres facultates reſpectu na-  
turæ particularis prima eſt Nutrix; ſecūda Auctrix;  
tertia Procreatrix: quia potior eſt vnicuique cura, vt  
ſit & ſeruetur in ſe ipſo, quam in ſua ſpecie.

692 VNDE illæ duæ generationem præcedunt; &  
ex ijs Auctrici præcellit Nutrix, quia melius eſt eſſe,  
quam operari: Nutrix autē viuens ſtabilit, ut ſit: Au-  
gens aptat, vt agat.

128 *PLANTARVM PARTES.*

693 *AT* naturæ vniuersalis prima est Procreatrix: deinde Auatrix: tū Nutriens: ea enim respicit mundi cōseruationem, quæ maxime in specierum propagatione consistit.

Arist. 2. de  
ani. 34.

694 *ITAQVE* quando Arist. dixit, naturalissimū esse opus viuientis generare sibi simile; id in ordine ad naturam vniuersalem pronuntiauit: nam si de particulari sit sermo, magis naturale vnicuique est se ipsum per nutritionem conseruare, quam suam speciem propagare:

*PLANTARVM PARTES. Sect. XXIII.*

695 **E**XPLORATA animæ vegetantis natura, illiusque facultatibus, & operationibus; considerandum iam nobis est corpus ab ipsa constitutum, & animatum, quod est tantum vegetabile, stirpis, & plantæ nomine designatum.

696 *PLANTAE* igitur considerandæ nobis sunt quoad suas partes, & quoad varias species: ex partibus videndum, quæ quibus facultatibus inserviant; in speciebus, vnde illarum distinctio desumatur.

697 *PARTIVM* igitur aliæ perpetuæ, aliæ annuatim accedentes: illæ sunt propriæ partes, quia plantæ corpus constant: istæ potius fœtus, & excrementa.

Arist. primo  
de plan.  
Theoph. 1.  
cap. 2. & 3.

698 *PRAECIPVAE* partes aliæ sunt similes vnius temperamenti, aliæ dissimiles multiplicis: similes magnam partem ex analogia ad animalium partes appellatæ, sunt Humor, Neruus, Vena, Caro, Tunica.

699 *HV-*

- 699 HVMOR est corpus fluidum, liquor, & lachryma etiam appellatus; in arboribus cōspiciuus dū finduntur; in herbis dum premuntur, ex quo proxime nutritur planta; vicem in illa obtinens, quam sanguis in animali.
- 700 NERVVS est quid continuum, praelongum, & veluti filamentum quoddam, quo partes magis roborantur. Ruel lib. primo ca. 2.
- 701 HVIC similis est vena, sed crassior, & ramosa; humoris vehiculum; clare in folijs conspicua; in quibus etiam neruorum differentia magis apparent.
- 702 CARO verò omnibus potest ex partibus diuidi, & est pars succulenta plantæ, carni in animali respondens.
- 703 TVNICA denique est quasi membrana quædam, quæ ligat arborem, & corticem inter se, cuius est pars interior.
- 704 DISSIMILARES partes, quæ ex his cōponuntur, aliæ sunt principales, vt radix, caudex, ramus, furculus: aliæ minus præcipuæ vt medulla, lignum, Cortex, Stolones.
- 705 RADIX constat ex humore, neruis, venis, carne: sub terram vt plurimum occulitur, vnde alimentum attrahit: ob id ab Arist. os, & ventriculus plantarum appellata: ratione cuius dicitur homo arbor inuersa, quia partem, qua alimentum trahit, sublimem habet. Arist. 2. de ani. t. 6. 4. de par. ca. 10. Gal 2. de elem. facul.
- 706 CAVDEx, quæ & hasta, trūcus, scapus idem est, quod caulis; nisi quod ille frequentius vsurpatur de arboribus, & fruticibus, hic de herbis: pars est, per quam

R quam

quàm primo ab radice alimentũ defertur, & respondet Oesophago in animali Toraci, & humeris.

707. RAMI à caudice veluti brachia primi sparguntur. Surculus verò ex ramis simplex, & indiuisus surgens, arboris propagationi deseruit, in insitione; & vbertati in fructuum editione.

708. ET hæ omnes magis principales partes appellantur; Tum quia magis conspicuæ; Tum quia euidentius munera sua exercent.

709. EX minus verò principalibus, medulla, matrix, & cor quibusdam dicta pars intima est in arboribus, carne & humore constans: cuius finis est, vt ex illa, quasi ex conceptaculo humoris, refrigeretur tota arbor, siccior alioquin futura ab æstu, & aere.

710. LIGNVM solidius id, & terrestrius, quod in arbore, vena, carne, & neruo coalescit, fultimentum, & robur arborum est, in quibus vt plurimum tantum inuenitur. Vt enim multa animalia sunt ex ossa, vt vermes, & alia ex anguis; ita multæ stirpes sine ligno quæ ob id serpunt, nec se tollere possunt.

711. CORTEX pars externa arboris, & separabilis, ex neruo carne, & humore constans; tegumentum est, arboribus à natura datum ad arcendas iniurias, vt corium animalibus; quibus vt hoc adiungitur media membrana; ita cortex arboribus media tunica.

712. STOLONES verò virgæ sunt ex radicibus caudici adnascentes; qui auulsi simbriato segmento, matris secum semper aliquid afferunt.

713. OB id sunt quasi semina plurium plantarum, quæ non aliter quam horum transplantatione commodius

modius propagantur: quorū loco in vite sunt pāpini.

714 STIRPES enim vt dixi vel sponte proueniūt, vel ab altera planta: ab hac aut semine; aut transplau-  
tatione, quæ fit auulsione Radicis, decisione Rami,  
Surculi, Stolonis, & denique Trunco minutatim  
inciso.

715 AT verò partes annuatim accedentes; aliæ sunt  
quasi egestionēs, & excrementa, non raro ipsis arbo-  
ribus magis pretiosa, vt liquores, gummorū gene-  
ra, resina, balsamum.

716 ALIA sunt quasi exāthemata, & quasi Carcino-  
mata Arborum, vt Fungi adnascētes, in quibus maxi-  
mè præstat Fungus Laricis, familiare olim medica-  
mentum appellatum propter opportunum, & faci-  
lem vsū.

717 ALIAE sunt legitimi partus, vt flores, folia, Pe-  
diculi, fructus, ad quos alia proximè vt ad finem re-  
feruntur.

718 HIS de partibus stirpium explicatis, earundem  
species sunt distinguendæ. Prima igitur, & generalis  
diuisio est in Arbores, Herbas, Frutices..

719 ARBOR est planta ramosa, Surculosa, Caudi-  
ce simplici altius ab radice assurgens, vt Pyrus, Cera-  
sus, &c. Frutex Plāta Ramosa Surculosa, quæ cau-  
dice multiplici proxime ab radice diffunditur, vt A-  
rundo Herba est, quæ foliata statim à radice procedit  
sine Caudice, & fructum Caule profert vt frumenta.


720 HIS alij adiungunt suffruticem: alij omnes spe-  
cies ad quinque reducunt, tribus enumeratis adiun-  
gentes spinas, & virgulta: in quo tamen non est val-

Ex Theopha-  
lib. primo.  
Rauel. lib.  
primo ca. 8.  
Fos lib. 4.  
cap. primo  
de flatore  
& aīst.

Amat Lu-  
cit lib. 5 in  
Dioica

de laborandum, quia prout quisque plantas ad diuersa refert, ita variè distinguit.

*AMBIGVA, ET MEDIAE NATURAE  
in Plantis. Sect. XXIII.*

721  D concentum vniuersitatis cōtinendum, vt melius omnia sibi constarent, & mutuo cohærent, consuevit natura omnia perfecta rerum genera quibusdam quasi vinculis inter se connectere, & colligare, quæ essent dubiæ cuiusdam naturæ inter extrema.

Alex. primo  
de ani.

722 N A M. quidquid inter duo medium est, vel vtriusque naturæ particeps est, vel in vtriusque naturâ facile transfertur.

723 SIC terram inter, & aquam limum vbertate fertilem videmus: inter aquam, & aerem vapores medios; inter aerem, & ignem exhalationes: inter limum, & lapides argillam; inter metalla, & humores argentum viuum: inter lapides, & metalla succos.

724 CLARISSIMAE tamē istæ quasi fibulæ perfectiorum rerum, quibus illæ inter se copulantur, ne fiat transitus ab extremo ad extremum sine aliquo medio, in viuentibus conspicuæ sunt.

Agri. lib.

725 N A M inter stirpes, & metalla est argy rodendros, siue plantargentum. Inter stirpes, & lapides, est Corallium: inter easdem, & alia mixta inanimata, sunt fungi, & tubera.

Aristot. &  
Theop. primo  
de plan-

726 N A M qua hæc alimentum ex terra trahunt, viuere videntur, & inter plantas connumerantur; quæ  
omni



omni parte plantarum carent, ab illarum numero, eximuntur.

els. Diof. li.  
4. cap. 83.  
Gal. lib. 9. de  
alim. facul.  
69.

727 R V R S V S inter plantas, & animalia quæcumque perfecta sunt Zoophita, seu Plantanimalia; quæ sentiunt, ac mouentur, fibris tamen ac radicibus hærent, vnde alimenta sugunt.

728 I N T E R animantes aquatiles, & terrestres Amphibia, siue ancipitis naturæ, in vtraque sede viuētes: Inter mares, & fœminas Hermaphroditi: inter aquatilia, & volatilia pisces volantes: inter volatilia, & reptilia Vespertiliones.


729 I N T E R bestias, & Angelos homo est interiectus: Denique inter hominem, & belluas ridiculum simiarum genus, narum hominibus ludificandis, dū quasi in scena ipsos ridicule exprimit.

730 E T hac ratione ex his omnibus ille existit admirabilis huius vniuersitatis nexus, nusquam solubilis, semper æquabilis, vndique coherens, nulla ex sui parte dissentiens.

731 I T A Q V E plantarum ambigua sunt Coralliū, Argyrodédros, Fungi, Tubera; Animalium Ostrea, Spongiæ, Petunculi: uolatilium vespertiliones &c.

## ANIMALIA, ET ANIMA SENTIENS.

Set. XXV.

732  N I M A L I V M contemplatio in tres partes distinguitur: prima est de anima sentiente, eorum forma; secunda de animalium corpore, eiusque partibus: tertia de multiplici diuisione.

733 ANI-

- 732 ANIMA sentiens consideranda est præcipue quoad suas proprietates, quæ talis est; nam ut continet vegetantem, satis ex dictis nota est.
- 733 DVAE itaque sunt præcipuæ facultates illius, sensus, & appetitus, quibus adiungitur facultas motiua; quæ, ut cognoscantur earum obiecta, & operationes, sunt explicandæ.
- 734 SENSVS obiectum est sensibile, operatio sensus, siue sensatio; appetitus obiectum, Bonum in prosecutione, malum in auersione.
- 735 SENSIBILE sumptum in sua absoluta quidditate vnâ definitionem non habet, cum completatur res diuersorum generum; sub ista autem ratione est motuum facultatis capax formarum sine materia, per debitum medium prius immutatum.
67. 736 QVAE definitio, ex Analogia constat ad eam, quam Aristot. tradidit de colore, dum dixit, eum esse motuum perspicui in actu.
- 737 DVPLEX est sensibile; commune, & propriū; commune, quod simul a pluribus sensibus externis percipitur, per eandem speciem modificatâ, qua propriū sentitur, & est, quantitas, numerus, figura; motus.
- 738 PROPRIVM quintuplex est, ut quinq; quodque sunt notissimi sensus externi in animali, Visus, Auditus, Tactus, Olfactus, Gustus.
- 739 DISTINGVITVR iuxta diuersum modum mutandi medium, & propagandi formas sine materia appellatas communiter species sensibiles.
- 740 NAM quod sentiri debet, vel postulat mediū coniunctum animali, vel disiunctum: si disiunctum; vel

vel ipsum immutat tantum intentionaliter, ut aiunt, sine ulla alteratione Physica, & est obiectum visus: vel cum aliqua immutatione Physica prærequisita, aut concomitante.

741 ET hæc vel est tantum motus localis, & sic statuitur obiectum auditus; vel est etiam cum reali evaporatione sensibilis, & est obiectum olfactus.

742 QVOD autem requirit medium coniunctum; aliud est, quod præter hoc postulat certum organum in determinata parte animalis, & est gustabile: aliud per totum diffusum, & est tactile.

743 VT igitur clarius loquamur, Visibile, Odorabile, & Aure perceptibile etiam longe posita sentiuntur; sed visibile nullam Physicam mutationem necessario requirit: exaudibile tantum localem præcedentem; & concomitantem: Odorabile etiam alterationem.

744 AT gustabile, & tangibile percipi nequeunt, nisi coniuncta; sed gustabile in certa tantum animalis parte: Tactile æque in pluribus.

745 VT enim quid tangatur, satis est cuicumque animalis parti ipsum approximari: ut gustetur, opus est; ut ori, et linguae admoveatur: Odorabile longe positum spiritus, emittit; unde diuturnitate temporis flaccescit.

746 QVOD auditur percussum, sonitum emittit, quod sine motu locali non contingit: denique quod videtur, satis est tantummodo præsens esse; unde Visus reliquis omnibus præstat, & post illum Auditus, ille inserviens scientiæ per propriam inuentionem, hic magis per alterius disciplinam.

747 AD

747 AD sensationem igitur quamlibet hæc requiruntur: facultas sentiens; instrumentum; forma adiuuans; obiectum congrue locatum; medium apte interpositum.

748 HAEC in visione explicabimus, ut idem iudicium de cæteris fiat; sensio igitur est ipsa visio; sensorium, & instrumentum oculus: facultas potentia visiva, quæ est temperamentum constitutivum oculi in esse oculi: forma adiuuans species visibilis: obiectum debite locatum, visibile in iusta distantia; medium apte interpositum, Dyaphanum, illuminatum.

749 OBIECTVM visus est color lucidus, seu lux colorata: neque enim solus color videtur, ut constat in tenebris: nec sola lux, ut constat in pellucido non terminato.

750 PRIMARIUM tamen obiectum ex his est lux; quia ipsa sibi soli sufficit, & potest ex varia sui refractione colorem sibi suum facere: at color solus se ipso non potest illuminare; ac proinde nec proximè visibilem reddere.

751 ITAQVE color duplex est realis, & apparens, uterque tamen verus: realis, qui habet causam fixam, & persistentem, oriturque ex varia elementorum constitutione: apparens qui ex causa diffuente consistit, oriturque ex varia lucis refractione, & radiorum percussu.

752 ITAQVE non fallitur oculus, cum gemmeum columbæ collum, fulgurantes quosque rubri littoris lapides superantis admiratur: verè n. colores illos cernit; sed non duraturos, utpotè ex fugaci origine cōceptos.

754 AT

754 AT colores reales fiunt ex lucido opaco, & perspicuo, quæ varie in concretionem mixtorum temperantur. Horum septem sunt species præcipuæ, Duæ extremæ, vna media, binæ vtrinque interiectæ.

755 EXTREMI colores sunt Albus, & Niger; medius Viridis; oculis gratissimus, quia æquo abscessu pariter ab extremis diuertit: hunc inter, & albū sunt puniceus, & cæruleus; ille magis ad album, hic ad viridem vergit.

756 INTER Viridem, & Nigrum, Rubescus & Purpureus intercedunt, ex quibus Rubescus magis ad Viridem accedit, Purpureus ad Nigrum.

757 SENSVS verò interni quot sint non vna est sententia quinque ponunt Auic. & Alb. Sensum cōmune; Imaginatiuam, Phantasiam, Aestimatiuam, Memoriam. Tres tantum postremos. Nisenus, & Damasc. Duos tātum Foroliu. vnum cognoscitiuum, qui diuersa nomina sortiatur: alterum retentiuum, id est Memoriam.

Auic. prima  
primi doct.  
6. cap. 3. 6.  
nat. p. 4.  
A. b. a. de a.  
nima 12. q. 6.  
7.  
Niss. lib. 4.  
ph. cap. 8.  
Dama. lib.  
2. cap. 20.  
Forol. q. 17.  
2. recti.

758 NOS potius duximus cum D. Thom. quatuor ponere; Sensum Communem: Phantasiam, seu Imaginatiuam: Aestimatiuam, quæ in homine cogitativa, & ratio particularis appellatur: Memoriam, quæ in homine est etiam Reminiscencia.

D. Tho. pri-  
ma part. 9.  
74.

759 SENSVS communis duo munera exercet: nā sensibilia exteriora sēsis exterioribus diuisim percipit vna appræhensione cognoscit, & de actibus sensuum ipsorum iudicat, ipsis tamen actu operantibus.

760 ITA QVE hic sensus habet aliquid externi, & interni: nā quatenus non operatur nisi præsentē obie-

S cto

cto, cum externis consentit : quatenus verò præexigit semper externorum operationem, cum internis.

761 PHANTASIA verò sibi imaginatiua etiam sensibus externis otiose vacantibus alias ab illis percepta reuoluit, & aliter quani fuerint copulata componit : Ex mente, & auro seorsim visis, aureum sibi montem deformans.

762 AESTIMATIVA ex rebus exterioribus perceptis sensationem, vt aiunt non sensatam elicit utilis, vel inutilis, amici, vel inimici, Congruentis, & dissidentis.

763 MEMORIAE duo officia sunt, retinere species acceptas, & illis vi cum ordine ad præteritum tempus cognoscendum, & ad aliam perceptionem, qua fuerint illarum obiecta iam apprehensa.

764 EX his constat, qui sit interiorum sensuum modus operandi, quis finis, quæ necessitas singulorum, quæ affectiones.

765 OMNIVM enim proprium est præexigere vt operentur, operationem exteriorum : sed diuersimode ; nam sensus communis illam vult præsentem.

766 PHANTASIAE satis est eam præcessisse : nihil tamen aliud percipit, quam quod iam ab illis licet diuersimode, compositum, & comparatum. At Aestimatiua etiam cognoscit, quod ab illis non sentitur.

767 DENIQUE Memoria omnium, quæ percepta fuerint, diligens custos, in suis sinibus recondit, tã interiorum, quam exteriorum sensuum operationes, quæ præcesserint.

768 SEN-

768 SENSVS communis in anteriori parte capitis plurimū viget; vnde spiritus ad quinque sensus diffunduntur, & quo, vt ad centrum confluunt, obiectorum species per hos quinque quasi tramites defluentes: Memoria in posteriori ventriculo Cerebri: Phantasia, & Aestimatiua in medijs sitæ sunt.

769 FINIS verò omnium est conseruatio animalis: nam sensus communis iudicando inter sensilia particularia, & plura simul apprehendendo, certū reddit animal de proprio pabulo: neque enim an hoc album sit lac, vel non sit oculus solus iudicat, sed ille sensus, qui simul ipsum apprehendit dulce, album, humidum.

Gal. lib. de  
an. vi. c.

770 PHANTASIA verò inferuit, vt etiam absente obiecto de illo possit animal cogitare, & ad ipsum prosequendum moueri.

771 AT Aestimatiua necessaria est, vt animal noxia sibi fugiat, & vtilia conseruetur.

772 DENIQUE Memoria, vt in absentia obiectorum possit de illis etiam recordari, & cum simile periculum inciderit, illud vitare, aut cōmoda persequi.

773 SENSVS communis passio Somnus est, & Vigilia: Somnus enim est ligamentum sensuum impedita diffusionem virtutis a sensu communi, vel per obstructionem meatuum, vel per imbecillitatem viriū.

Arist. primo  
de Som. &  
vig.

774 ITA QVE Somnus in se est cessatio sex sensuū ab operando: Eius causa propria est retractio spirituum ad cor; retractionis causa, vel imbecillitas virtutis, & paucitas spirituum, vel obstructio meatuum.

775 QVAE obstructio cū prouenit ex naturali cibi

digestione sursum ad cerebrum halitus inspirantis, naturalem somnum per statas vices conciliat; cum ab aliquo morbo in naturalem, & letargicum .

Gal 6 Epid.  
Com. 4. lib.  
prim. de  
synt. 2. ca. 8.

776 FINIS somni proximus, quies est animalis, remotus commodior nutritio, & reparatio spirituum; illi opponitur Vigilia, ut actus cessationi, motus quieti, operatio habitui.

777 PHANTASIAE passio notissima sunt somnia; cum sex sensibus ligatis ipsa soluta vagatur circa phantasmata à sensibus accepta, quæ deinde varie connectendo mira rerum simulachra ludificando representat.

778 MEMORIA verò minus viget in pueris, & in senibus propter accretionem, & decretionem; ex quibus tamen illi facile accipiunt, sed difficile retinent propter molitudinem organi: at senes nec accipiunt ob siccitatem, unde nec retinent.

779 PLVRIMVM iuuat Memoriam optima temperies spirituum ut nec nimis ferueant, nec nimis lægueant: vacuitas perturbationum: vehemens, & accurata attentio: reperita rei meditatio: ordo & dispositio certa: nouitas, & admiratio; quæ omnia minus in senibus, magis in pueris, maximè in homine vigent.

780 TAM multiplicem verò rerum cognitionem, quam per sensum consequitur animal, comitatur appetitus, per quem commoda, & opportuna prosequitur; noxia, & inutilia auersatur: unde existit deinde facultas motiua, qua ad illa accedit, & ab his auer titur.

781 EST igitur appetitus cognoscitiuus facultas, non



non cognoscens, sed cognitione utens, qua animal in obiectum sensu perceptum, fugiendum, aut prosequendum afficitur; motrici facultati proximè imperans.

782 **DIVIDITVR** in concupiscibilem, & irascibilem, ille tendit in obiectum, sub ratione conuenientis, aut disconuenientis propositum ab Aestimatiua.

Ar primo  
mag. mora.  
cap. 11.  
D. Tho. pri-  
ma 1. q. 29.

Irascibilis verò præterea respicit rationem ardui, & difficilis, ut quid obrineatur vel viterur.

783 **CONCUPISCIBILIS** sex sunt, quæ dicuntur passionibus, perturbationibus, affectionibus, actibus, operationibus; Amor, Prosequutio, Gaudium, Odium, Fuga, Dolor.

784 **QVOD** enim simpliciter proponitur, vel est conueniens, vel disconueniens; erga illud existit Amor, in hoc Odium: illud si præsens sit, delectat: hoc præsens contristat: illud absens concupiscitur: istud vitatur.

785 **IRASCIBILIS** quinque sunt actus: Spes, Desperatio, Audacia, Timor, & Ira: quod enim ut arduum obtineri proponitur, si possibile concipiatur, speratur, unde surgit Audacia, ad impedimenta amolenda, & Ira ad obstantia repellenda; si autem impossibile, concipiatur sequitur Desperatio.

786 **AT** si malum vitare difficile concipitur, aut bonum obtineri, cum propriarum dissidentia virium, sequitur Timor. Horum omnium tamen chorum ducit Amor; origo, & auriga reliquarum perturbationum.

## ANIMALIVM PARTES. Sect. XXVI.

Anic. l. fen.  
doct. 6. ca. 2.  
Gal. primo  
de temp.

787 **I**N corpore animalis duo consideranda præcipue sunt; complexio seu temperamētum & partes . Complexio est temperies, seu colligamentum qualitatum primarum cum certa proportionē inter se; siue ea sit vna qualitas cæteras continens; siue omnes simul certo metro copulatæ .

788 **D**VPLEX est; altera cum æquali abscessu inter extrema, & dicitur complexio ad pondus; cum quid est paribus viribus concretum; altera cum defectu vel excessu alicuius eorum, quæ temperantur.

Valer. lib.  
8. de locis  
cap. 10.  
Fern. lib. 1.  
de sem. c. 3.

789 **H**AEC duplex est; simplex, & coniugata. Simplex in qua vna dumtaxat qualitas vincit, & est quadruplex, Calida, Sicca, Humida, Frigida.

790 **C**ONIVGATA in qua duæ simul qualitates vincunt, & etiam quadruplex est. Calida, & Humida, Calida, & Sicca; Frigida, & Humida, Frigida, & Sicca.

791 **I**N animali verò triplex complexio spectatur: innata, influens, & ex his concreræ: innata est quæ eadem secundum speciem, aut numerum diu etiam post animæ abscessum in corpore conseruatur; & est frigida, & humida; vt in carne; aut frigida, & sicca, vt in ossibus.

Gal. 2. de  
temp. lib. 8.  
meth. 1.  
Vale. lib. pri  
mo de locis  
cap. 15.

792 **I**NFLVENS complexio, seu influxa est, quæ ex præsentia animæ consequitur, & medijs spiritibus vitalibus singulis membris distribuitur: vtraque autē simul iuncta complexiōem facit, quam dicunt integram

gram, & actuatam ; in qua semper calor dominatur cum siccitate, & humiditate.

793 ITAQUE hæc influens complexio est ab anima ut ab origine : a spiritibus per arterias delatis ut ab instrumento : in partibus solidis ut in subiecto in humido radicali, ut in pabulo : eius finis proximus est aptare singula membra ad sua munera : remotior salus animalis.

Gal. lib. de nat. hum. com. 2. primo apho. com. 14.

794 EIVS affectiones sunt : ut parum læsa morbum creet : incolumis perseverans sanitatem : dissoluta mortem : iuxta ætate varietur : & iuxta sexus.

Gal. lib. 2. meth. 2. de temper. 3. apho. c. 31.

795 PARS verò in animali duplex est Homogenea, & Hetherogenea ; illa etiam incomposita dicitur, & similis, & est, quæ in partes semper eiusdem rationes diuiditur, ut caro in carnem.

Arist. primo de hist. cap. primo 2. de part. primo, Gal. 2. de plac.

796 ISTA etiam composita, & dissimilis appellatur, quæ apta est secari in partes dissimiles, ut manus non in manus.

797 PARTES similes aliæ sunt fluidæ, aliæ solidæ, aliæ mediæ : fluidæ sunt humores, quorum alij congeniti, alij postgeniti ab Arist. ponuntur.

2. de part. 2. primo.

798 CONGENITI sunt, ex quibus constant partes animalis, & vocantur substantiales : duo sunt sanguis, & Ichores.

799 EST autem Ichor idem, quod colliquatio, destillatio, & fluor ; quod male vertit Gaza Saniem ; non felicius alij tabem.

800 SVMITVR autem Ichor pro illo humore, qui fugit cocturam sanguinis, & triplex est : Flegma siue pituita ; cholera, siue flava bilis ; melancholia, siue atra bilis.

Mont. p. primo mi doc. 4. 4. primo.

Arist. 1. 2. d.  
publ. c. 1. 3.  
de Hisc 19.  
de som. &  
Vig c. 3. de  
sensu. c. 1.

801 SVNT omnes in venis, in quibus sanguis obalendum animal vsquequaq; differtur: illo enim proximè vnum quodque nutritur: cholera ei adiuncta, ne condensetur, ipsum calefacit, & fluere facit: atrabilis in vnum cogit; pituita refrigerat.

802 RESPONDENT hi quatuor humores quatuor elementis in mudo: sanguis vt aer calidus, & humidus: cholera vt ignis calida, & sicca: pituita vt aqua frigida, & humida: melancholia vt terra frigida, & sicca.

Aristot. de  
som & vig.  
ca. 3.

803 SANGVIS colore rubeus, sapore dulcis, propter quod dictum est animalia nutrirī dulci, quia nutriuntur sanguine: in primo ruditer temperatur: in corde vltimo perficitur, per uenas diffunditur ad alendum, per arterias subtilissimus ferrur ad vegetandū.

804 FLAVA bilis colore flaua, sapore amara expultricem iuuat: atra bilis nigra, & sapore acri retentricē; pituita subalba, & insipida concoctricem.

4. Phyl. 14.  
Aristotelis.  
1. de p. c. 3.

805 NVLLVS ex his humoribus est animatus: nihil enim quod est in alio vt in vase, est in illo vt pars in toto participans formam totius. Sanguis autem in venis, & alij humores in suis folliculis perinde sunt vt in vase.

Anicen. par.  
primi d. 4. c.  
1.  
Arist. primo  
de Hist. c. 1.

806 HUMORES post geniti sunt omnes excrementitij: ex quibus alij inutiles vt vrina, sudor, sputa &c. alij vtilēs vt lac, & semen, quæ melius appellantur superflua alimenti: omnes pariter tam vtilēs, quam inutiles inanimati.

807 PARTES solidæ similes sunt Ossa, Cartilago, Nerui, Ligamenta, Arteriæ, Venæ, Membranæ, Villi, Caro, Cutis.

808 OSSA

808. **OSSA** ad sustentandum ideo dura; Cartilago ad carnem ossibus copuladā, ideo osse mollior, carne durior: Nerui ad spiritus animales deferendos motioni, & sensationi seruientes ideo perforati: Ligamenta ad connectendum ideo firma, & flexibilia.

809. **ARTERIAE** ad spiritus vitales deferendos, & cor expurgandum, & vt loquuntur Medici euentum ideo peruia, & motu agitata: Venæ sanguini deferendo ideo solida, & excauata: Membrana ad singula membra tegenda: Villi ad facultates administras expediendas: Caro ad vacuitates animalis replenda: Cutis denique ad totum corpus contegendum.

810. **CARO** quadruplex est pura, lecertosa, glandulosa, & palentina. Cutis triplex, vna est ima, quæ & cuticula, & epidermis, seu efflorescentia cutis dicitur; carens sensu cultro facile abscondi in crustam con- crescens; si lædatur animal.

Galen. 1. 7. d. gl. l. de not. nus l. 4. d. ca. sint cap. 5. Thom. de Carb. 4. q. 147

Aristot. 3. Hist. cap. 11. Gal. 1. 4. Met.

811. **SECVNDA** intima panniculus carneus nuncupata; quam fibræ neruorum, & venæ carnem nutriendes subeunt; ob id difficilis separari.

Gal. 1. 3. de an. adm. 16. de vng. p.

812. **TERTIA** est media propriè cutis appellata in homine, præsertim temperatissima; in quo eam natura sola pulchritudine decorauit: in alijs vel feris adoperuit; vel squamis muniuit; vel pilis exasperauit; vel plumis insignibus adornauit.

813. **PARTES** mediæ inter fluidas, & solidas sunt seuum, Adeps, Medulla, Spiritus: Ex his alij animales in corde generati; in cerebro temperati: per neruos delati: alij vitales à corde prouenientes per arterias diffuentes: isti ad vitam, & pulsum; illi ad sensationem seruientes.

T 814 SE.

814 SEVVM est pinguedo crassior, siccior, & terrestrior, facile frigore concrefcens. Adeps pinguedo mollior, & humidior, frigore non concrefcens; non tamen fluens, sed quasi tremens.

815 MEDVLLA duplex est: vna in ossibus, alia spinalis, vtraque secundum Aristotelem ad. ossium nutritionem inseruiens; pinguedo autem nulla, ut nec medulla, nec spiritus sunt animati.

Arist. d. Hist.  
ca. 30. 2. d. p.  
30.

816 ADEPS, & seuum, & omnis pinguedo ad omnis animalis robur inseruit tū, vt habeant morbi incurrentes materiam, quam depascantur: tum vt deficiente alimento calor naturalis pinguedinem in id repositam consumat, parcens partibus nobilioribus.

817 AT partes dissimilares appellantur proprie mēbra, & instrumenta, & partes organicæ: definitur autem membrum ex Aristotele pars animalis ex varijs similaribus certo numero, figura, & temperamento dispositis, congruè aptata ad sui generis functiones exercendas. Ex his aliæ inseruiunt sēnsioni; aliæ motioni; aliæ nutritioni.

818 SENSIONI externæ aliæ proximè; aliæ remotius: proximè vt quinque notissima sensoria oculi; aures, &c. remotius vt cerebrū, & cor; hoc progignendo spiritus; illud attemperādo. Motioni, & quieti seruiunt proximè crura, & pedes medijs neruis, ligamentis, spiritibus, & tendonibus.

819 EX his, quæ nutritioni inseruiunt, aliæ sunt ad cibum sumendum, & molendum, vt os cum lingua, & dentibus; aliæ ad deglutendum, vt gula; aliæ ad concoquendū, vt ventriculū; aliæ ad calorē subministrandum.

820 EX quibus aliæ sunt quasi fucina caloris, vt cor; aliæ quasi flabellum, vt pulmoēs; aliæ verò sunt ad sanguinem gignendū, vt cor epar, aliæ ad deferendū, vt venæ, & arteriæ; aliæ ad excrementa suscipienda, quæ supersunt ex varijs coctionibus.

821 ET ex his intestina suscipiunt excrementa ventriculi, in quo fit prima cibi concoctio, per quam generatur Chilus; vesica verò, lien, & folliculus fellis superuacaneum recipiunt concoctionis illius, quæ fit in iccore, in quo generatur succus potius sanguineus, quam sanguis.

822 HVIVS coctionis excrementa sunt primo vrina, quæ à iccore, & venis in renes deriuata profunditur in vesicam; secundo melancholicus humor, qui ad lienem confluit: tertio flaua bilis in vesiculam fellis excreta.

Fernel. 6.  
ca. 6.

823 AB Anatomicis autem in vniuersum corpus animalis diuiditur in quatuor partes; Caput, thoracem, Ventrem, & Artus: ad caput maximè spectant quæcunque seruiunt ad sensationem; ad thoracem, quæ respirationem; ad ventrem, quæ ad concoctionem; ad artus, quæ ad motionem.

824 ANIMALIVM autem prima, & generalis diuisio est in terrestria, aquatilia & volatilia; quorum subtilius differentias persequi hystorici potius minus est, quam Phyllosophi.

Vide At. 1.  
d. H. cap. 1.  
Gal. 1. 17. de  
virg. 1.  
Plin. à 1. 9.  
Card. 1. 10.  
de sub.

## H O M O. Sect. XXVII.

- 825 **R**ERV M naturæ maiestas in arctum coacta; & ob id nulla sui parte mirabilior, tota in homine pariter inclusa conspicitur, qui propterea Microcosmos, & Epitome mundi ab Aristotele, & antiquis Phylosophis est appellatus.
- 826 **ITAQVE** cum hoc quidquid est, quod vno ambitu se, cunctaque amplectitur, ob immensitatem amplitudinis suæ totum se simul videri non patitur, & rerum tanta diuersitas aciem intentionis abrûpit: contemblemur hominem, in quo, vt inquit D. Greg., mundum ipsum in breui collegit ipse Deus.
- 827 **QVAECVNQVE** igitur hæcenus disputauimus, hominis cognitioni prælusimus, qui, vt est cõpositus, explicatur in mixtis; vt viuit, explicatur in plâtis; vt sentit, in animalibus.
- 828 **STRICTIM** igitur hic tantum quædam actin gemus de ipsius forma, viribus, operationibus, & perfectione. Ipsius forma, qua homo est, Anima est intelligens: à Deo orta: ac proinde immortalis: in singulis multiplicata: corpori simul vt condita est copulata: non vt illi tantum assistat, sed vt ipsum in formet.
- 829 **TRES** facultates habet intellectum, memoriã, & voluntatem. Intellectus duplex agens, & patiens: ille ex rerum Phantasmatibus formas elicit puras, & simplices, quæ species intelligibiles nuncupantur.
- 830 **HIC** eas recipit, per quas deinde rerum sibi notionem parit: primo vniuersalium; tum singularium,
- &

Ar. 8. Phys.  
17.  
Auer. ibid.  
57. & p. m. 11  
Liacon. in  
op.

l. 8. mor. c. 7.



& ex illis prius substantiam, quam accidens; materiam tamen semper, & accidentibus concreta; per quam deinde ad puras, & sincerissimas substantias assurgit cognoscendas.

831 EST autem duplex cognitio, vna per solam apprehensionem: altera simul cum assensu, & dissensu. Hæc rursus duplex; alia simplex iudicium, alio cum ratiocinatione. Ex simplici iudicio, cum certa, & euidentis est cognitio, existunt propositiones notissimæ, quæ principia scientiæ subministrant.

832 IUDICIUM ratiocinatione partū, vel est per causam dubiam, & incertam sic depræhensam, & parit opinionem, vel per causam tantum existimatam, & parit errorem; vel per probabilem auctoritatem, & parit fidem; vel per causam veram, certam, & euidentem, & parit scientiam.

833 HAEC duplex est inspectiua, & actiua: illa circa res, quæ nostro non subduntur imperio: ista circa ea, quæ per nos aliter, & aliter possunt existere.

834 INSPECTIVA triplex est, mathematica, quæ circa ea versatur, quæ imaginatione cōcipi possunt, vt est quantitas ab omni sensibilis materiæ concretionē se iuncta: Physica, quæ circa res naturales versatur, vt tales sunt.

835 TERTIA est Metaphysica, quæ agit de eò, quod est, consideratque entis; vt ens est conceptum, passionēs, modos, & multiplicem diuisionem. Conceptus entis analogus est inferioribus in ista analogia; passionēs entis simplices sunt vnum, verum, bonum.

- 837 **PASSIONES** coniunctæ, idem, diuersum, necessarium, contingens, potentia, & actus. Modi entis sunt illi tres existentia, insistentia, & subsistentia. Hæc propria suppositi; secunda accidentis; prima cuiuscunque extra suas causas positi.
- 838 **DIVISIO** entis est in illa notissima rerum genera, quæ prædicamenta appellantur, quibus directè, vel obliquè continentur excepto Deo quæcunque sunt, vel esse concipi possunt.
- 839 **SCIENTIA** actiua alia est ad animum excolendum, alia ad corpus: prima est moralis Philosophia in Ethicam, Polyticam, & Oeconomicam distributa. Secunda Medicina in curatiuam, & præseruatiuam distincta.
- 840 **HIS** inferuiunt artes Mechanicæ, & factiue, quas necessitas peperit, & ingenium hominis excogitauit. Actiue autem, & speculatiue scientiæ inferuit Logica utrique idonea instrumenta expediendo.
- 841 **HAEC** sunt in duplici genere: quædam enim proximè scientiam pariunt, definitio, & demonstratio, quædam remotè ad illam iuuant syllogismus, inductio, diuisio.
- 842 **PER** scientiam speculatiuam perficitur homo in hac vita, quantum possibile est quoad mentem, quæ dicunt contemplatiuam: per scientiam practicâ perficitur in vita Polytica, & sociali, quam appellant actiuam.
- 843 **CLARISSIME** igitur ex his constat hanc rerum vniuersitatem, quam extra nos quærimus, maiorem admirabilitatem habere intra nos inclusam, quâ  
lon-

longè, latèque per immensa suæ amplitudinis spatia  
se simul cum alijs omnibus complexam; siquidem  
difficilius est artificiū in modificis exprimere, quam  
in maximis: vnde nihil mirum est, vt cecinit ille,

Tert. de ani-  
ma cap. 10.

*noscere Mundum*

*Si possunt homines, quibus est & Mundus in ipsis,  
Exemplumq; Dei quisque est in imagine parua.*

L. D. B. V. MARIÆ.



Per biduum pomeridianis horis  
GENVAE disputabuntur in  
templo Socletatis IESV.



*Proposit.*

*Errata*

*Corrige*

21	apparatus	apparatus
28	qua si	quasi
71	conuoluta	conuoluta.
97	certa	certa.
147	compositio	compositio
148	altera	altera.
160	ignorati	ignorati
164	finium	finium
164	incerto	in certo
217	de pendent	dependent
221	comparatur	comparatur
225	vero	vero
227	Platone	Platone
233	forma	forma
eadem	fieri	fieri
238	varias	varie
241	abicitur	abicitur
242	super inductione	superinductione
248	infa	infusa
eadem	cum	cum
277	eandem	eandem
288	localitas	localitas
315	indivisibilia	in diuisibilia
327	proponendus est tertius versus propositionis secundo.	propositionis secundo.
370	Job	David Psal. 109.
418	qua	quam
417	insincera	insyncera.
475	exaggeratione	ex aggeratione
480	hyme	hyme.
511	in columinitatem	incoluminitatem
540	confluentibus	confluentibus
580	seculis	saeculis
591	antiparistasis	antiparistasis
605	conuersionem	conuersionem
614	in animum	in animum
611	utroque	utroque
616	Tophus	Tophus
627	leuorem	leuorem.
631	Alij facile.	Alij facile
eadem	vi Tofi omnium	vi Tophi, omnium
690	quantitates	quantitatis
eadem	augmentationem	augmentationem
693	Vniuersalis	Vniuersali
706	Thoraci	Thoraci
715	argyrodendros	argyrodendros
711	Peduncul	Pedunculi
750	scipso	scipsum.
844	ambus	ambatum.

101 1470859







